

1110





DE VESUVIANO INCENDIO NUNTIVS.

Auctore

IVLIO CAESARE RECVPITO NEAPOLITANO
E SOCIETATE IESV.



NEAPOLI;

Ex Regia Typographia Egidij Longhi MDCXXXII.

SVPERIORVM PERMISSV.

2021 VBA V

1950

1992

1. *Chlorophyll a* (Chl *a*)

the 1990s, the number of people in the world who are under 15 years of age is expected to increase from 1.1 billion to 1.5 billion. The number of people aged 65 and over is expected to increase from 200 million to 400 million. The number of people aged 15 and over is expected to increase from 3.5 billion to 4.5 billion. The number of people aged 15 and over is expected to increase from 3.5 billion to 4.5 billion. The number of people aged 15 and over is expected to increase from 3.5 billion to 4.5 billion.

THE UNIVERSITY OF CHICAGO

1. *Phragmites australis* (Cav.) Trin. ex Steud.

HIERONYMVS DE ALEXANDRO
E SOCIETATE IESV

Provincialis in Prouincia Neapolitana.

CV M libellum de Vesuuiano Incendio
à Patre Iulio Cesare Recupito Societa-
tis nostræ latinè conscriptum, tres
eiusdem Societatis Theologi, quibus id com-
missum fuit, recognouerint, & in lucem
edi posse probauerint: nos, potestate nobis
facta à Reuerendo admodum Patre nostro
Generali Mutio Vitellelco, facultatem, vt in
lucem edatur, concedimus: si ijs videbitur,
ad quos editio librorum spectat. Romæ die
10. Aprilis 1632.

Hieronymus de Alexandro.

PROVINCIAL OFFICE

1900

PROVINCIAL OFFICE

PROVINCIAL OFFICE

PROVINCIAL OFFICE

PROVINCIAL OFFICE

PROVINCIAL OFFICE

PROVINCIAL OFFICE

PROVINCIAL OFFICE

PROVINCIAL OFFICE

PROVINCIAL OFFICE

PROVINCIAL OFFICE

PROVINCIAL OFFICE

PROVINCIAL OFFICE

PROVINCIAL OFFICE

PROVINCIAL OFFICE

PROVINCIAL OFFICE

PROVINCIAL OFFICE

PROVINCIAL OFFICE

PROVINCIAL OFFICE

PROVINCIAL OFFICE

PROVINCIAL OFFICE

PROVINCIAL OFFICE



EMINENTISSIMO,
AC REVERENDISSIMO DOMINO

Meo Colendissimo

D. FRANCISCO
S. R. E. CARDINALI
BARBERINO.



Vdet, Eminentissime
Cardinalis, opella
hæc sustinere maie-
statem aspectus tui:
atque inter excur-
siones flammarum
exarata cursim, per plures menses
à me tenebris, quibus eam perpe-

tuò destinaueram, inuoluta, lucem
tandem à claritate tui Nominis
mutuatur, quam à Vesuuij flam-
ma non hauserat. Leniet acerb-
tatem materiæ, libello præfixa,
commemoratio benignitatis tuæ:
atque amarissimis deslenda lacry-
mis Apes tuæ gentilitiæ mellea
dulcedine aspergent. Etenim illud
inter tot infortunia fortunatissi-
mum contigit, quòd Vesuui-
ana flamma, quæ, vt olim, toti
pæne Europæ vastitatem minita-
batur, Urbem planè non atti-
git: Urbem appello, quæ Orbis
terrarum caput, ac prope vna
Orbis est. Arsit hoc incendio Cam-
pania: cinis vltra Italiam auola-
uit: fudit vndequeq; Vesuuius
nubes flammeas, dum interim
Romæ, iuxta Amos vaticinium,
stillant montes dulcedinem, & col-
les fluunt lac, & mel. Agnosco

Apes

Apes Romanorum collum re-
gnatrices: agnosco in Aureis Api-
bus aureos mores tuos, auro in-
cendia nil formidante, &, si fla-
gret, exploratiore. Eadem erit, vti
spero, fortuna libello huic, au-
spice Te; qui ad maxima natus
minima non aspernabere. Nam
diuinum quoque Numen, cui So-
lis cælo lampas accenditur, ce-
reas aris faculas non dedignatur.

Eminentiae Tuæ

Seruus humillimus

Julius Caesar Recupitus

[illegible]

2007-03-23

20. 1870



DE INCENDIO
VESUVIANO
NUNTIVS.

INCENDIVM Vesuvianum
conscribere, eiusq; causas in-
quirere, consilium mihi est
Anno à nostræ salutis exor-
dio c1713cxxx1. xvij. Kal.
Ianuarias, imminente hora
post Solis occasum decima
quarta, albescente iam die,
ne famosæ tragœdiæ spectatores deessêt, cum vi-
ginti, & eo amplius terræmotus ea nocte præces-
sissent, prima quædam futuræ calamitatis veluti
tentamenta: mons Vesuvius duodecim à Chri-
sto nato, multò pluribus ab Orbe condito clarus
incendijs, ex eo latere, quo per subiectam plani-
tiam ad mare vergit, post bombi sonitum, quasi
dato signo, flammam eructare cœpit, & cinerem.
Cinis fumo, bitumine, aliave materia picea per-
mixtus,

B

*Plin. iunior
epist. lib. 6. in
epist. ad Ta-
citum.*

*Xiphilinus è
Dione in Ti.
10.*

mistus, iam in nubem concreuerat, quæ quò longius agebatur è monte, eò se latius porrigens, primò vt olim, teste iuniore Plinio, in pini similitudinem, tum in vastissimi effigiem montis excreuit, quà hiantis in voragine, quà in antra, & cauernas recedentis introrsum, & prærupta rupium ostentantis: vt mons montem peperisse videretur. Hic incredibili celeritate primam aeris regionem, nubesq; transuectus, Neapolim versus, urbem non procul à Vesuuio sitam, vento impellente, ferebatur. Cumque globi cinerei, alij ex alijs perpetuò erumperent: montes videbantur aggesti montibus; quasi, iuxta Poetarum fabulas (quod in alio eiusdem montis incendio sub Tito sulphicatos fuisse ethnicos, tradit Dio) gigantes noua in Iouem bella instaurarent. Emicabant identidem inter offusam caliginem fulgetra, lapidum ignitorum præmuncia; qui è fundo submissi iactabantur in altum, ingenti boatu tonitrus imitante. Montem diceres fulminare, tonare, miscere Campaniam, & non semel olim de cælo tactum fulmina in cælum retrudere. Interea vicina loca fumus obfedit, qui momento temporis Neapolim vsq; delatus, adulta iam diè, ita lucem eripuit; vt vrbs in vrbe media quæreretur, hoc vno non iniucundus, quòd periculi prospectum adimeret. Oppidani Vesuuio propiores eò, vnde sonitus acciderat, animis, oculisq; conuersis, vt Montem latè flammis relucens, cinereos inter flammæ vomentem turbines, fumoq; opplentem omnia, conspexere: inopinato malo perculsi, & iam sibi extrema imminere rati, desertis laribus, raptimq; aspor-

asportatis ijs, quæ cuique expeditiora casus obtulerat, se se in effusam fugam dedere. Diffugiebant hac, illac, inter agrestium turbam multi viri nobiles, semisopiti, seminudi, cum coniugibus, ac liberis, tanto impendentis mali pauore; ut à Sacerdotibus in itinere obuijs publicè noxarum solutionem exposcerent. Cardinalis Boncompagnus, Neapolitanus Archiepiscopus, qui tum, fortè commorabatur Herculani, quò se paucis ante diebus ob cæli clementiam receperat, eamque noctem inter terræmotuum iactationes, ac strepitus planè insomnem traduxerat; animaduerso viciniore periculo ab igne, quàm quod sibi à terra metuerat, pedes proripuit se ad litus, mox equo, dein scapha exceptus, qua celerrimè Neapolim appellens, ciues aspectu montis iam terribiles, illico ad preces, ac vota conuertit. Princeps Castilionis Gonzaga, hospes apud Casertæ Principem in pago, quem Porticus appellant, paganorum trepidatione comperta, ex diuturna febri adhuc æger valentissimè fugam arripuit, quandoque ingenti metu vires addente, quas leuior solet infringere. Erat hic in Siciliam nauigaturus ad abducendam coniugem, Kartolicæ Principis filiam, nisi morbus importunè detinuisset. sed, nondum transmissio freto, Aetnam in Vesuuio reperit, faces maritales ea flamma commutaturus; nisi se opportunè discrimini subduxisset. Hunc mox secutus est Casertæ Princeps Aquaiuia, qui suorum vociferationibus excitatus, cum muliebrem metum suspicaretur, monitus ut aspiceret, decerneretq; oblato per fenestram Montis aspectu, ad

quem expalluisset audacia, expiari se velle inclamavit. Quod ut à Sacerdote, qui tum fortè aderat, ritè, raptimque præstitum est; ipse cum ceteris Neapolim versus contendit. Visebantur refertæ fugientibus viæ, quasi hostis vrgeret à tergo: & miserabilis turba mulierum, infantibus appressis ad vbera, gradum celerare conantium, omnia luctu, ac terrore complebat. Hæc tum rerum facies inter initia surgentis incēdij: hic, veluti anoto sipario, primus fuit scenæ conspectus, mox daturæ tragœdiam nobis, ac posteris lacrymabilem. quæ quasi quinque conclusa actibus, inter damna innumerabilia, quinque terrores exhibuit.

Primus terror, terræmotus. Præluferat futura cladi paucis ante diebus cœca quædam montis obmurmuratio; quæ à nonnullis nocturno silentio animaduersa, nec vulgata, metu vel dissimulato, vel spreto. Tum nocte, quæ incendium prægressa est, terræmotus identidè auditi, sed tenues, quasi leues quædam velitationes ante prælium. Demum, erumpente flamma, ingens fragor è cacumine montis acceptus. quem, tanquam tubæ clangor pugnam prænunciasset, terræmotus excipere adeo crebri; ut non multi, sed vnus per dies multos, continenti ductus halitu videretur. Nutare perpetuò solum, sæpissimè succussari, frequenter etiam subsultare: idque ea, quæ secuta est, nocte circa primam horam, & quintam; postridie circa decimam septimam tanto impetu, ut Urbem suis diuellendam sedibus putaremus: neque moueri testâ, sed euerti. Nemo certè fuit

5
pectoris adeo faxei, quin saxis, terraque tremen-
tibus contremuerit. Repente mutata facies vr-
bis: & iam, silente forensi strepitu, exaudiebantur
clamores veniam, ac misericordiam deprecantium.
Conuolauere pæne omnes ad eluendas confessione labes: neque solum confertissima
fuerunt templa, sed in foro etiam sacerdotes petentibus
aures dedere. Extortæ sunt eo metu confessiones
criminum, quæ longo, aut etiam toto vitæ decursu
pudor impudentissimus obstinato silentio texerat.
Vetustissimæ inimicitia deposite: nefariæ amicitia
refectæ: concubinae aut desertæ, aut in coniuges
commutatae. Profecto nullus maior terror mortalibus,
quàm è terræ concussione: dum ab ea ingruit bellum,
quæ nos, ut communis parens, excipere solet, atque alere.
Vnicum in ceteris malis præstat illa periculum.
si fulserit, si tonuerit, si fuerit quidpiam tactum,
de cælo; præbent valles, & antra securitatem. si
venti, si pluuia, si grando furat; aeris iniurias
tectâ defendunt, si flumina exundent; tuta est in-
siccio salus. si mare defæuiat, ad littora, portusque
confugitur. at, dum terra concutitur, quæ cetera
sustinet; ipse ruinam minari videtur Orbis terra-
rum; & quasi fundamento lapsa, cuncta corrue-
re. Admonemur etiam, nihil hic fixum, ac stabile
reperiri: quando nutant immobilia, atque illud
ipsum experimur instabile esse, in quo stamus. Pe-
riculo tamen huic minus patent campi patentes,
ac liberi, quàm consistat tectis vides. nam qui de-
gunt in campis, quamuis terra fluctuet, nisi debi-
leat, liberi sunt ab omni pernicie. in vrbibus verò
tectâ

recta ruentia habitatores vnà præcipites trahunt,
 & subeuntes ruinis opprimunt. Itaque, vt ad infi-
 tutam narrationem redeam, cum, exacto iam die,
 aduecta nox planè illunis metum solito spissiori-
 bus tenebris geminasset: commigrauere plerique
 ad apertam planitiem, quæ Neapoli latè fundi-
 tur circa suburbia; atque vrbs in solitudinem,
 campi in urbem transiere. Deserebantur alta pa-
 latia serico, aulaisque constrata. non hyemis aspe-
 ritas, non noctis inclementia, non venti, non
 pruina, non niues, non halitus aeris è vicina con-
 flagratione grauior timebatur. victa hæc omnia,
 metu maiore. Erecta per campos viris primarijs
 tentoria, quasi aduersus naturæ bella castrameta-
 tis. multi etiam, rhedis per campos, atque hyppo-
 dromos dispositis, sternebantur, vehiculis itine-
 rum in quietis domicilia commutatis. Quan-
 quam quæ quies mortalibus esse poterat, cum
 quietem tellus ipsa dedisceret? Quotus enim
 quisque fuit, qui noctes illas non planè vigiles
 duxerit, strepitu excutiente soporem, & timore,
 quasi tortore, vigilias imperante ad supplicium?
 Quòd, si quando somnus fessis obreperet; mox
 terrixi excitabantur, inter somnia vanis ludente
 imaginibus, atq; animis obstrepente metu. Pleriq;
 ad templa confugere quasi, diuina insectante iu-
 stitia, ad commune asylum reorum: rati aduersus
 naturæ insultus non alibi se præsidium habitu-
 ros, quàm apud conditorem, & moderatorem
 naturæ: nacti apud aras perfugium, si euasisent;
 tumulum, si cecidissent. Ex hac tamen peste dam-
 ni minus illatum est, quàm terroris. Per duos dies

terræ

terræ trepidatio perpetua, succussus frequentissimi: quinque diebus consequentibus terræmotus per intervalla rariores: tandem iactatio resedit: nulla Neapoli domus corruit: multæ concussæ, laxatis compagibus, rimas egere. Herculani, ne quid ibi ad cladem deesset, palatium Neapolitani Archiepiscopi terræmotu aliqua ex parte collapsum est. Tanti stetit terror septem dierum: & tam ingens terræmotuum vis tam parua clade detonuit. Equidem crediderim hanc terræ, quam experti sumus, iactationem non eidem causæ adscribi debere, cui ceteri terræmotus. Eduntur fere hi à spiritibus calidis intra terræ cauernas occlusis, atque exitum molientibus, nempe indignatis, quadam se ignis cognatione ad celsiora loca natos, infernè quasi carcere detineri; ideoque vnà impetu facto, tentantibus claustra perfringere, atque euadere ad superna. Quamobrem à spiritu, qui extra fluit, venti; ab eo, qui intra, terræmotus proficiscuntur. Quod testatus est Aristoteles, cum dixit, *causam terræmotus esse spiritum, cum intro fluxerit*. Longè aliter hic dicendum: neque hæc terræ concussio spiritibus delitescentibus, sed flammis prodeuntibus tribuenda. Nam, quemadmodum in tormentorū explosione, ignis exiliens ex angusto, tanta vi aerem elidit; vt tormentum ipsum æneum sponte resiliat, & vicinæ intremant domus: ita ex angusto montis hiatus perrumpentibus flammis, atq; ingentis magnitudinis lapidibus magno impetu, quasi è tormento pilis explosis, tum monti circumfusus aer, tū eiusdē cauernis infusus magno impetu collidebatur.

*Arist. lib. 2.
meteor. c. 2.*

Con-

Concussio monte, adnexa planities, vt loquuntur Philosophi, *per consensum* contremuit, catenata quadam partium inter sese inhærentium serie, nexuque. Eius rei argumento est, quòd vicina iactabantur, remotiora erant immunia: & quòd longius forebatur à monte; eò terræ motus tenuior, donec sensim euanesceret. Huc accedit, quòd initio fenestræ per totam urbem, valuæq; sponte sua, quatiebantur, dum neq; terræ ullus motus, neq; ventorum vis vlla appareret, tanto insolentis terrore spectaculi; vt iam terræ motus esset in votis. Id verò referri non potest, nisi in aerem concitum impetu, iactuq; volitantium saxorum. Resonabant etiam non rarò ingentes bombi; explosioni tormentorum simillimi, quos mox terræ motus validissimi consequebantur: vt hinc faciliè appareat viciniora contremuisse, dum Vesuuus vi latentium flammarum ex angusto foramine saxeas pilas extruderet; atque inusitato naturæ miraculo in bombardæ locum mons cederet. Illud etiam animaduersione dignum, *terramotus*, teste Aristotele, *plurimos, & maximos tranquillitate fieri*, feriantibus ventis, ac silente cælo, nempe spiritibus intra terræ viscera digladiantibus. Hi verò *terramotus plurimi, & maximi* contingere, ventis flantibus: quia scilicet non à spiritibus ortum duxerant intra terram luctantibus, sed ab iisdem sese foras ex arcto efferentibus; cùm faucium angustia impetum morarentur. Quamobrem intra paucos dies disrupto monte, & laxata voragine, cuius nunc diameter ad mille fere passus protenditur, liberiore flammis exitu patefacto, terræ
motus

*Ariſt. lib. 2.
meteor. c. 2.*

9
 motus conquievere . vnde etiam licet conijcere ,
 Vesuijanum incendium maximo Dei beneficio
 esse adscribendum . siquidem terramotus , con-
 flagrationum comites , leuiiores esse solent , & citra
 ingentem ruina . Nulla in maximo illo Vesuij
 incendio sub Tito ex terramotu iactura : adeo vt
 senior Plinius , teste iniore , nutantibus tectis , altè
 & securè dormierit , halitu postea igneo suffocatus
 in littore . Sub Nerone verò , vt refert in libello de
 terramotu Seneca , ob terramotus , qui absque vl-
 la conflagratione contingere Vesuiuo , magna Her-
 culani pars , & Pompeij integri absorpti . Quare , si
 pæne immensa spirituum , & materiæ bituminatæ
 copia , quæ iam perpetuò in cineres , & fumum
 egeritur , subterraneis constricta specubus , obstru-
 ctos aditus reperisset : facilè , quasi per latentes cu-
 niculos accenso puluere tormentario , oram om-
 nem Vesuiuo finitimam , ipsamque Neapolim sub-
 ruisset . Ita Urbis regiæ incolumitas vnus Montis
 ruina , & multorum oppidorum impendio coem-
 pta est . Hæc de terramotu , qui Vesuiianæ flam-
 mæ comes , & primus vicinarum urbium terror
 fuit .

*Plin Junior
 lib 6. epist.*

*Seneca in lib.
 de terramo.*

Secundus terror , pluuia cinerum . Nam nubes
 illa , quæ , vt paulo ante diximus , è Vesuij fastigio
 inter incendij primordia se in similitudinem mon-
 tis erexerat , pæne momento temporis ventorum
 impulsu delata Neapolim , mox desedit in cine-
 rem . qui interdum minutissimus , noctis accessu
 spissior , grauiorque decidit , frigore consipante
 partes terreas , easque ab igneis excernente . Po-
 stridie mane , vt illuxit , apparuere omnia consper-

C ia

sa cinere, tecta, solaria, via. Crederes Urbem soluto in cineres Vesuuiio tumulum condidisse. Quamquam non Vrbs vna, sed Orbis ipse terrarum augustiorem Vesuuiano cineri parabat urnam. Pæne fidem excedit, quod dicam: sed, qui veteres leget annales, multò etiam maiora reperiet. Eodem die, quo Mons primùm ardere visus, per plerasque Neapolitani regni vrbes cinis depluit, Beneuenti, Baroli, Barij, Tarenti, Lupijs: quò nubes cinerea, vicesima secunda eiusdem diei hora, peruenerat, octo dierum itinere totidem horis confecto. Nubes alia expeditior, ventis ferentibus, in Dalmatiam transmisit, igneum globum, quasi facem præferens, inter eam, quam vehebat, noctem ferali luce internitente, quæ periculum ostentaret. Ignis aspectum securus est cinis, qui per diem integrum pluit Ascriuij. Neque immunia fuere maria. Cinis excussus è nube, Aegæum prope texit, horrendo spectaculo fluctu inter cineres canescente. Nauibus incidens, à nautis exceptus, atque inter merces asseruatus, circumlatusque ostenti loco. Ex altera verò parte, quæ meridiem spectat, cinerem aduectum nouimus in Lucaniam, atque Stilum, extremæ Calabriae oppidum, facilè hinc, traiecto mari, in Africam transfretaturum. Ridebunt profectò hæc posterì, quæ nos flenda conspiciamus; vicemque nobis rependent, qui Vesuuiantum cinerem pluuisse Bizantijs, quod Procopius, & alij referunt; transuolasse in Africam, quod tradit Dio: *totà Europæ faciem contexisse*, quod refert in Chronico Marcellinus; denique *testimonio agnitum Vniuersitatis*, vt loquitur in epistolis Cassiodorus, nunc-

*Procop. lib. 2.
de bello Gothico.
Dio in Tito
Marcell. in
Chron.
Cass. d. v.
vitar. epist. 50.*

merabamur inter splendidiora mendacia . Nimirum hac postrema conflagratione vidimus per triginta fere dies perpetuò cinerem è Montis faucibus inhalari compactum in nubes , quas ventis quotidie diuersis commissas, in omnes Orbis terrarum partes immigrasse credimus, quasi eas quòuis destinante Vesuuio , nuncias incendij, testes fortunæ suæ . Has tandem vento senescente destitutas, ac per dissitas Mundi plagas iam solutas in cinerem , propediem nuncios expectamus : vt non immeritò dixerim, Vesuuiano cineri vnam esse Orbem terrarum . Quantos verò in ijs vrbi- bus, vnde litteras iam accepimus, prodigiosa ea pluuia motus animorum exciuerit , nemo faciliè poterit aut cogitatione assequi , aut narratione complecti . Lupijs, duabus ante Solis occasum horis, offusa nox visa est solito celerius maturasse . Subducta repente lux *nocturnis in die tenebris*, vt accidisse olim in eiusdem montis incendio , Marcellinus tradit. Cinis mox decidens, tactu potius, quàm visu deprehensus . Sanè maior ex insperato metus . Nihil ciues de Vesuij conflagratione audierant: nihil omnino suspicabantur . Obstupuere primum: tum, admiratione in metum versa , obri- guere omnium animi: non quidem, vt olim apud ethnicos contigisse refert Dio , arbitrati omnia in fabulosum Chaos reditura, sed igneum diluuium elementa soluturum in cineres , & Mundo iam adesse supremum diem. Itaque hac, illac lymphati, & vix mentis compotes ferebantur . Vt verò ex inopinato metu spiritum collegerunt, ad flagitan- dam à Deo misericordiam, ac veniam, omnium

Marcell. in
Chron.

Dio in Tito ;

curæ, & cogitationes conuersæ. Itur è vestigio ad preces, ad supplicationes, ad vota. Interea nubes illa cinerea ita prospectum oculorum abstulerat; vt, dum sacras per urbem imagines circumferrent, comes comitem non videret. Quod No-
læ etiam, & alibi euenisse traditur, priscis Aegypti tenebris denuo redditus, quando denuo in multis mortalium cor veluti Pharaonis obduruit. Idem

Dio in Tito.

planè in incendio sub Tito contigisse narrat Dio. qui *occultatus*, inquit, *Sol nō aliter, quā si defecisset*. Cinis Lupijs vsque ad quintam noctis horam pluuius tecta, viasque omnes oppleuit. Par Bario terror illatus, quò, quamuis ea vrbs multò propius à Vesuuio distet, quā Lupiæ; cinis multò serius inuectus est, nimirum circa secundam noctis horam. Quid noctu non potuit caligo illa fædissima, quæ noctem obtruserat in diem? Nempe ad tæterrimæ nubis aspectum tenebræ visæ exhorrescere, & nox ipsa noctescere. Secuta monstra multò maiora. Pluit primò cinere, tum arena, postremò fuligine. Nox precationibus, ac votis exacta, nocturno tumultu veros, vanosque aggerante metus. Illucescente die apparuere campi latè nigrantes, & quasi pulla veste contecti, Vesuuio quodammodo parentaturi. Ferunt, cū omnes ad D. Nicolai confugerent, Sacerdotem quendam, accepta crystallina phiala, in qua manna è sacris Nicolai ossibus fluens asseruabatur, eo aerem aspersisse, cui cinereus turbo insidebat: hunc disiectum mox aliò aduolasse. Scilicet eius liquorem, cuius patrocinio, vt canit Ecclesia, à *Gebenna incendijs liberamur*, tartareus cinis ferre non potuit. Baroli aliud
quid-

quidpiam admirabilius contigisse traditur. Nam, cum ciues in eodem metu, ac periculo versarentur, & sacram Eucharistiam per plateas christiano ritu circumgestarent; scribunt viri fide digni, ad salutaris hostiæ aspectum nubem luctificam refugisse: columbam præterea cuidam visam neque turba, neque clamoribus territam, ante sacra mysteria leuiter volitasse, ijsque in templum illatis, præ foribus constitisse, omen felicitatis. Certè, quas memorauimus vrbes, ex leue hæcenus à portentosa pluuia detrimentum cepere. timetur quidem campis, timetur frugibus, timetur segeti. Non defuere tamen loca, quibus cinis damnum, creauit timore maius. Nolæ cinis tectis insidens, tanto oneri fuit; vt lacunaria decubuerint, & multæ domus, parietibus hinc inde stantibus, cælo pateant, detecto vertice. Erat quippe cinis ille grauiissimus, tantique ponderis, vt in cinere Montem agnosceres. Vidi ego è diuersis Apuliæ locis huc ad nos missum, quasi ad inspectandum prodigium. vbique pluerat onerosus, nempe lapidum flammis absumptorum reliquiæ, spissus, subnigri coloris, illique simillimus, quo Christianorum capita rite conspergi solent, Sacerdote insusurrante, *Memento homo, quia puluis es*: vt, quando ad hominum voces obfuscescimus, montes ipsi diuino nutu vocales fiant, sparsoque cinere nostræ nos mortalitatis admoneant. Nuntiatum est etiam ex agro Melphitano pluuisse ferro, ferreum testante seculum: pluuisse etiam chalybe. Certè cinis inde huc remissus, partes aliquas præferebat internitètes, & chalybi simile s. Enimvero armatus è cælo cadebat imber,

imber, quasi cum hostibus dimicaturus, chalybe, ac ferro bellum ferentibus, cinere funerum nuntio. Longè dispar eius cineris conditio, quem, primo incendij die Neapoli pluuisse diximus: hic enim, ut animaduertunt non pauci, continebat probatissimi argenti non parum, quasi cælo argenteus imber efflueret, Ianuario Martyre metus, ac terrores populorum in auspicium nobis vertente felicitatis.

Tertius terror fuit, pluuia lapidum. Lapidatum enim de cælo in modum creberrimæ grandinis non solum Nolæ & in oppidis Vesuuii vicinioribus; sed etiam, quod magis mirere, in agro Melphitano. qui quidem quasi in umbilico Apuliæ situs, distat fere centum millibus passuum à Vesuuiio. vnde lapides exerti tanta copia, ut imbrem faxeum efficerent; tanta vi, ut procul etiam naturalis obliui ponderis auolarent. oppressere animantia sub dio reperta: protriuere portas: per rupere muros: perfregere tecta; ut profectò lapidibus vi flammaram iactatis, quasi tormentarijs pilis immisissis, Mons vnus vrbes plurimas quatere, ac bello petere videretur. Neque tantum pumicibus pluit, aduersus quos olim, quia magno impetu concidebant, Plinius auunculus, ut nepos refert, capiti cervical imposuit; sed saxis etiã magnitudine planè immanibus. quorũ vnum ferunt tantæ repertum molis, ut decem bouum paria vix, aut ne vix quidem dimouere loco potuissent. Diceret non lapidem pluuisse, sed rupẽ. Fides esto penes auctores. Consonant tamen his ea, quæ refert Dio, dum dicit, ex hoc monte *immensos lapides exilisse*.

Con-

*Plin. in epist.
loc. cit.*

Dio in Tito.

Concinnius rem eandem explicat Cassiodorus, *Cassiod. lib. var. epist. 60*
 qui de Vesuvio loquens, *Longe, inquit, lateq; pulveres rotat: vicinis autem quasdam moles eructat. Quis credat tam ingentes glebas usque in plana deductas de tam profundis hiatibus ebullisse; & spiritu quodam efflante, montis ore consputas, quasi leues paleas, esse proiectas?* Haecenus Cassiodorus. Neque inconspicuum Marcellinus addit, eundem Vesuvium *Marcellin. in Chron.*
exusta viscera euomere. Quippe non desunt testes oculati quamplurimi, qui montem viderunt lapides ignitos eiaculantem. Hi, quocumque incidissent, ceteras inter clades noua miscebant incendia: atque oblucentes arbores, Vesuvij dorso imminentes, tum mole, tum flamma euulsas, atq; incensas, propellebant ad maria. Littora ego ipse vidi pluribus in locis fumantia, ingentes truncos, ac ramos adhuc depascente flamma. Sunt, qui testantur, lapides in altum iactos quandoque in easdem montis fauces, vnde prodierant, decidentes occurrisse alijs eodem impetu subsilientibus tanta inter se collisione, ac fragore; vt inde mugitus ille contingeret, quo identidem vicina omnia personabant. Vicina, dixi: addiderim etiam, remotiora; si res, quam in superiori aeuo absque exemplo reperio, repertura sit apud posteros fidem. Dicam tamen id, quod ideo solum euenire potuisse credo, quia scio euenisse. Teate, & Adriæ in Samnio, Baroli, & Siponti in Apulia, Recinetti in Piceno, Perusij in Hetruria, & vt postremi nuncij referunt, Ascriuij in Dalmatia, auditus est Vesuvij bombus adeo terrificus; vt Teatini è proximo monte Nicate (Maiellam vulgus indigitat) ciuf-

eiusmodi fremitum accipi existimarent. Barolita-
 ni verò sedentes ad maris littora, similitudine soni
 decepti, qui à tormentis æneis in pilarum iactu
 reddi solet, arbitrarentur aut nauali bello duas in-
 ter se classes in alto decernere, aut, quia è conti-
 nenti sonus accidere videbatur, urbem aliquam
 ex improviso obsessam, tormentis peti. Dalmatæ
 etiam, præmissis exploratoribus, instruxere aciem,
 ac strenuè comparauere se ad prælium. Alibi
 quoque ad arma conclamatum ab ignarīs, cum
 monte esse bellandum. Huius rei testes habemus,
 quotquot eæ vrbes incolas habent. Olim *emugij*
Vesuuus, vt testatur Procopius, & *proximos acco-*
las ingenti formidine affecit. Aliquando eiusdem
tantis mugitus extitisse, vt Capuam usque audirentur
urbem, quæ à Vesuuio quindecim miliaribus
 distat, pænè miraculo vertit Xiphilinus. Vesuij
 sonus nunc ad trecenta miliaria auditus: dum ijs,
 qui propius aberant, non tam strepere, quàm ob-
 murmurare Mons, & quasi mullare videretur.
 Sanè, quòd fragor is exaudiri potuerit in Apulia,
 ac Dalmatia, expeditior est ratio: quia venti eò è
 Vesuuio flantes, vnà cum nubibus cinereis con-
 uexere sonum. nam rectà per aerem multò minus
 spatium intercipitur, quàm per sola terrarum; vbi
 iter agentes, viarum anfractibus circumducuntur.
 Non eadem ratio est de Samnio, & Piceno: quòd,
 si venti è Vesuuio mouissent; vnà cum fremitu ci-
 nerem importassent, quod minimè euenisse com-
 pertum est. An, dum prope Vesuuium Apenninus
 in Samnium, ac Picenum continenti tractu mon-
 tium ducitur, per latentes cauernas, & specus altè
 de-

Procop. lib. 2.
 de bell. Goth.

Xiphil. in Se-
 nato.

defossas, sibi inuicem responsantes ita fragor est ductus; ut mons monti sonum, numerosiore re-percussu, Echo cōgeminante, redderet? An, quod vero videtur similis, immensa igneorum spirituum copia, quæ in Vesuuij visceribus rixabatur, aliqua sui parte per occultos terræ meatus ad Sānij, Picenique montes traducta, ibidem eodem tempore tumultuata, strepitum edidit Vesuuiano similem? An denique Mons tonitru sonare potuit, qui rupibus pluerat? Certè, vndeunque id contigerit, res fuit admiratione dignissima: tantumq; sonum inter naturæ miracula recensendum, fama in æternitatem protendet. Hæc occasione soni, quo Mons immugijt in illa ingentium lapidum eruptione: quæ tertia lues, ac terror fuit in incendio Vesuuiano.

Quarta lues, ac terror, torrens igneus. Portentum narro, cui fidem faciunt populorum clades, oppidorum ruinæ, camporum vastitas. Die Mercurij, qui ab ortu incendij alter illuxit, multis mortalium, totique fere Campaniæ feralis, nobis, ac posteris luctuosus, cum cinerum, pumicumq; repetita pluuia, & crebri terræmotus terrorem ipsamet multitudine minuissent, multisq; assuetudo pæne securitatem fecisset: non pauci oppidanorum, quibus pecunia potior, quàm salus fuit, domos ad bona vel tuenda, vel recuperanda, redire. Percrebuerat rumor, nec sine suspitione veri, fures eò aduolasse, vnde coloni decesserant, opportunitatem nactos furandi, non cinerum, non lapidum, non flammaram vicino periculo territos: à quorum vnguibus magis, quàm à Vesuuij faucibus

D

bus

bus bonorum depopulatio timebatur. Multi præterea, cum in extremo discrimine quisq; sibi proficeret, in illo æstu se à coniugibus, ac liberis querebantur auulsos; ad quos quærendos amor extimulabat, subituros eandem fortunam, & commune periculum. Non pauci destituerant parentes, quibus ætate confectis animus, aut pes ad fugam defuerat: eoque pietas reuocabat, vnde metus deduxerat. Alios cura Larium, & ipse nescio qua perfusus dulcedine patrij cæli halitus alliciebat; cum vel inter calamitates, & clades dulcis Ithaca sit cuique sua. Multos fames adigebat flamma, vicinior, & durum telum, necessitas. etenim per campos vagabantur palabundi, & extorres, custodibus ad Neapolitanæ vrbs portas dispositis, ne tanta multitudine agrestium introducta (plusquam decem millia ferebantur) annonæ charitas, & fames ciuibus importaretur. Quod postea decretum meliore consilio mutatum est: dum plus ciuium ex vrbe terræmotuum metus deduceret, quàm eò aduenarum adduceret Montis æstus. Ergo, dum ab ijs, qui aditu prohibiti fuerant, alijsque non paucis, vt diximus, deserta oppida repetuntur; & iam quisque domi sedet vicini spectator incendijs, formidine pæne in voluptatem conuersa: ecce tibi subito sub meridiem inter fumeos turbines cæca nox; quasi recedente Sole ne Mundi oculus aspicere cogeretur tot funera. mox lucem ferens, quæ tenebras horrore vicit (incredibile dictu) torrens igneus è vertice Montis exiliit, qui bitumine, sulphure, cinere illitus per cliuum se fummo impetu, parique fragore deiiciens, in plam-

ni-

nitiem cœpit excurrere. Hic hæret calamus, horretque vel ipsam tantæ calamitatis memoriam. Recrudescit exulceratus ea commemoratione dolor: & iam libet magis flere, quàm scribere. Certè eo ipso die, effusa post ignes pluuiæ, visum est ipsummet cælum nostris cladibus illacrymasse. Itaque cùm largissimè ignis deflueret, atque horrendo sibilo, quam meditabatur perniciem, minitaretur: oppidani vndique flammis obsepti, seræ, intempestiuæ reditus pœnitentia, quæ loca perirent, quæ vitarent incerti, hædere, trepidare, omnia luctu, & clamore miscere. Exaudiebantur ciuilatus mulierum, fletus infantium, vociferationes virorum: & cuncta sono incondito, ac lamentabili personabant; qualis esse solet in vrbe capta, dum hostis ferro, flammaque grassatur. Multis timor consilium, ac vires excusserat, animis, pedibusque labantibus, inhibente metu fugam, quam solet imperare. Iam pallor ori suffusus mortem præuerterat: nec defuere fortasse, quibus, obrigescente sanguine, metus ipse spiritum hausit, quem mox flamina poscebat. Multi tamen collegere se se ad fugam. sed profecto parua sæpe mora magna rerum momenta intercidunt. Nam dum pars carioribus mercibus, pars coniugibus, ac liberis prospicit, pars opperitur inualidos, pars contendit euadere, pars cunctatur, pars festinat: inmutuam perniciem implicati, alij vix adornata fuga, alij tentata, inter fugiendum oppressi. Anteitum remedijs pernicitate mali. Quippe torrens igneus, antequam è Monte deuolueretur ad campos, in plures veluti riuos, ac ramos quadam fluminis si-

militudine deriuatus, septem, vt ferunt, aliò, atque
 aliò flammaram fecit diuortia: vt scilicet vnde-
 quaque simul plures opprimeret, neque vllus fu-
 gæ locus daretur. Vnus ignei fluuij riuus in pa-
 gum effusus, qui tergo Montis impositus à S.
 Georgio nomen accepit; pagum, paganos, pecora,
 tuguria, tecta, contignationes, supellectilem, vno
 verbo, omnia exhaustit. Duo in obscuri oppiduli
 ruina luce digna reperio, quæ à Ferdinãdo Capy-
 cio viro & genere, & legum peritia nobili cõperta
 sunt: cuius ibidem prædium satis amplum con-
 spiciebatur, & villa turrata. Vnum est, quòd cum
 eò is inspecturus bonorum suorum reliquias, ad-
 uolasset; cinerem reperit in tantam altitudinem
 excreuisse, vt ad centum fere palmos assurgere
 crederetur, longè supra turrim elatus, quæ ad
 quinquaginta palmos excitata, culmen cineri sup-
 ponebat. Alterum præterea memoratu dignum
 oculatus testis narrabat, visos inter cinerem san-
 guinis riuos decurrere: humum, vbicumque de-
 foderetur, elicere sanguinem; qui largè manarat
 ex animantibus inter rectorum ruinas, & saxorum
 fragmina obtritis. quasi flamma ipsa defauiret in
 vulnera, ne cruore tanta clades vacaret. Alter
 ignei fluuij riuus (riuum appello: mare igneum,
 vt narrant superstites, ab inspectantibus putaba-
 tur; quasi ipsum ignis elementum suis delapsum
 sedibus exundasset) Herculaneum ad radices Ve-
 fluuij collocatum maiori clade defluxit. Erat hoc
 oppidum ob calis temperiem antiquissimis quoq;
 medicis exploratissimam, adeo celebre; vt in eo ad
 decem millia capitum recenserentur. Amplæ do-
 mus,

*Galen. lib. 9.
 meth. 12.*

mus, turrita culmina, augusta templa, vno prope
 temporis momento partim flammis absumpta,
 partim cineribus confepulta. Iacent nunc om-
 nia ne seruato quidem vestigio prioris fortunæ: so-
 loque cinereo æquabiliter superfuso, vix à gnariis
 locum digito commonstrantibus dici potest, Hic
 Herculaneum fuit. Oppressi multi oppidanorum
 vnà cum domicilijs in sepulcra conuersis, hoc vno
 fortunati, quòd natalis soli ruinas non viderint;
 idemq; supremus fuerit & ciuibus, & patriæ dies.
 Herculano euerfo, latius peruagata calamitas ad-
 iunxit Pompeios. quod oppidum pariter, eò deri-
 uatis, alio furculo flammis, deletum est: vt, quando
 Herculaneum, & Pompeij, vetustissimi vici Parthe-
 nopæi crateris, eandem semper subiere fortunam,
 sub Nerone eodem terræmotu diruti, sub Tito eo-
 dem incendio deuastati, pari eiusdem conditoris
 gloria nobiles; nunc etiam communione cladis
 in eundem pæne rogum impositi, pari fato, pari
 flamma decumberent, excitandi fortasse postero-
 rum beneficio ex hoc cinere, atque ex hac ipsa
 pyra viuacius reuicturi. Multa in hac duarum,
 prope dixerim, vrbiũ euerfione contigere di-
 gnissima, quæ posteritati transmittant historici, de-
 flenda lacrymis Orbis terrarum. Ego, ijs consul-
 tò præteritis, in hoc destinato ad abfentes nuntio
 communem dolorem leniendum censeo fausta
 commemoratione diuinæ beneuolentiæ, quæ in
 pueri cuiusdam incolumitate inter tot clades elu-
 xit. Rem ita subijcio, vt mihi spectatissimæ fidei
 Sacerdos narrauit ex eorum familia, qui piè se
 ægrotorum seruitio deuouerunt, ab oculatis testi-
 bus

*Seneca in lib.
de terremotu.*

*Dio in Tiro.
Pompeij à
pompa dicti,
qua Hercu-
les, deuicto
Geryone, vac-
cas egit. Solu-
nus lib. 8.*

bus veritatem diligentissimè perscrutatus. Hercu-
lani mulier, Camilla nomine, cùm inter fugam ad-
uentantes flammas vidisset, atque effugia inter-
clusa; consilium ab ea cepit, quæ rebus extremis
spem facit, desperatio. Salu è rupe se proiecit ad
littus: & nepotem quinquennem, Iosephum no-
mine, in ipsis planè mortis faucibus coacta relin-
quere, elatis ad cælum oculis, Sancte, inquit, Io-
seph tibi commendo Iosephulum. Nec plura. Mox
tota in fugam incubuit, quamcelerrimè littus le-
gens, timore pedibus alas addente, atque arenis
vix hærente vestigio. Vt periculum euasit; subiit
iam sui securam prima cura puerulus; quem, quo-
niam rebatur iam mortuum, flebat primo ætatis
florè demessum, & vsura lucis defunctum, quam
vix libauerat. Inter eiulatus, ac fletus, cùm deue-
nisset ad pontem, sub quo inter ingentes fornices
tenui Sebethus amne delabitur, nomine compellari se sensit. eò conuersa, vnde notæ sonum vo-
cis acceperat, Iosephum videt suum, eumque sos-
pitè, ac subridentem. Hæsit primò prope saxea præ stupore: tum, recepto spiritu, percontatur,
Quis eò tam multis ereptum periculis duxisset;
respondit alacriter puerulus. Sanctus Ioseph ma-
nu prehensum per flammas medias huc ocyssimè
me duxit incolumem: vbi iam diu te moror. Mu-
lier puerum amplexata, mœrorem in gaudium,
eiulatus in diuinas laudes, fletum acerbissimum in
lætitiæ lacrymas commutauit, altero felicius fon-
te deductas. Hæc è diuina pietate solatia reliquijs
excidij Herculani. è quibus vnus pueri miraculo
quæsita salus inter multorum cædes clarior; dum

Pom-

Pompeijs vnus feminae mors in communi salute miserabilior . Nam , quamuis tectis prope omnibus dirutis , Herculaneum , Pompeiosque peruaserit calamitas pene par; sui tamen incolarum conditio longè dispar. Herculani, vt dictum est, multi mortalium absumpti: Pompeijs præter mulierculam extinctus nemo. Neque id vacasse miraculo dicitur. quippe cum primùm ignis micare cœpit è monte, plerosque Pompeianorum tantus inuasit timor; vt illico fugam capeffentes, nunquã postea, laxato timori sedando spatio, ad sua tuenda redire, in animum induxerint, tacito quodam horrore cohibiti. Pauci quidam ex aduerso in suis ædibus persisterunt instinctu nescio quo inter cõmunem trepidationem, ac fugam, quasi fide à flammis accepta, soluti metu, curisq;. Etenim vtriusq; partis consilium, eorum, tum qui fugerant, tum qui manserant, probauit euentus. Ignis tranuersim actus, domos eorum, qui aberant, vacuas depopulatus: à paucis eorum tectis, qui aderant, prorsus abstinuit, vnico capite, eoque iam pridem morti debito contentus, anicula. Hoc à clarissimo teste, oppidi eiusdem Domino compertum, Virginis patrocinio iure adscribitur: cuius, vt vocant, Annuntiatae appellatione nobile apud Italos oppidum, ea conditione flammarum arbitrio permisum est, vt incolis parceretur, deditione facta, saluis, innoxijsque capitibus. Templum Deiparae, quæ oppidanis incolumitatem peperit, ruinas inter, immune, inuiolatumque persistit, ingentium arborum strue eò appulsu spirituum antelata, quæ fuit pro munimento, atque aggere. Alia torrentis ignei

ignei scatebra Retinam, pagum Herculano proximum adorta, antiquissimum fanum D. Mariæ, vt vulgo appellant, ab Apuliano sacrum, Petri Apostoli olim præsentia, nunc memoria celebre, planè intactum præterijt, totius vicinæ vastatione. Alia Massam non Lubrensem, sed alteram Vesuij tergo insidentem, clarissimorum virorum eò se Neapoli recipientium domicilio illustrem, pagosque finitimos omni ex parte subruit. Massæ quidem illud accidit memorabile. Concurrerant plerique ad templum; cum igneus turbo minas è vicino monte intenteret. ibi, obseratis foribus, continebant se pauidi ac tremebundi. attoniti vultus, suspensæ aures: neque silentium, neque tumultus; sed mœsta quædam obmurmuratio. Obscurato interea cælo, cœcus quidam exaudiebatur fragor, quem captabant è limine, horrore perfusi nescio quo, tanquam dirum aliquid eueniret, quod cogitatione assequi non possent. Vt breuissimo intervallo detonuit; referatis foribus, apparuit maior, quàm pro strepitu clades. Tecta, officinæ, turres, villæ, viæ, forum nusquam visa; perinde ac si euauissent. Nihil obiectum oculis, præter cinerem, & campos, vbi pagus fuit. Refugerat ignis ab æde sacra; quòd viri quidam pij, ex ara maxima ad limen Deiparæ imagine asportata, eo propugnaculo templi aditum obuallassent. Duo præterea, Neapolim versus ignei riuus excursionem fecere. Vnus pagum, cuius paulo ante meminimus, Porticus, appellatum magna ex parte vastauit. Erat is inter paganorum casas multis externorum procedum ædificijs clarus. Locatus etenim in aprico,

lar-

largissimè, & ex integro Solis radios excipit, ægro-
rum phthisi laborantium suprema spes, Neapoli-
tanorum nobilium hyemales deliciae, hortis, fon-
tibus, xystisque conspicuus. Squaller nunc illuie
obsitus, atq; horrorem incutit ex voluptatis me-
moriam grauiorem. Intumescere aggeribus cinerum
dorsa camporum, quibus insanæ turrium substru-
ctiones æquatae. Visuntur etiam nunc ingentes
parietum fornices semisepulti, victricium monu-
menta flammarum, ignis Vesuuiani trophæa. Ex-
citabo aliquid ex huius pagi ruinis dignum, vt ar-
bitror, memoria seculorum. Degebat hic quidam
obscuri generis, & clarissimæ probitatis, Nicolaus
nomine, viris etiam nobilibus apprime carus. Is,
cum sua, tum ab alijs conquesta pecunia, inaura-
tam statuam tutelari Angelo affabre faciendam,
curauerat, collocatam postea in eiusdem pagi æde
sacra. Aedes non multò post in hac Vesuuiana,
procella ignei vi turbinis perijt, partim incensa,
partim disiecta supellectili sacra: ne inter tot rapi-
nas, ac cædes execrando Monti sacrilegij crimen
decisset. Interea Nicolaus, relicta casa, ac prædio-
lo, fugam molitus, Neapolim se recepit. vbi inter-
rogatus ab amicis, Numquid detrimenti eius præ-
dium acceperat; respondit fidenter, Omnino nul-
lum: nam meus tutelaris Angelus adstat ad agelli
limites mei, omnem ignis iniuriam propulsaturus.
Ita ille, diuino vtique afflatu. nam hoc siue votù,
siue oraculum non sefellit euentus. Velificante
non multò post cymba prope Porticus, ij, qui ve-
hebantur, videre pueri speciem veluti adnantis lit-
tori. Rentur fortuito mersum in aquas, dum ce-

E teri

teri naufragium faciebant à flamma . addubitant ,
 an adhuc halitus in eo vitæ superfit : imperant
 nautis , vt vela contrahant : parent illi , eòque re-
 mis contendunt . cùm propius accessissent , agno-
 scunt statuam Angeli tutelarîs , cuius conflandæ
 Nicolaus curator fuerat , erecto vertice extantem
 vndis , adstantem ripis , quæ eiusdem Nicolai præ-
 dio prominebant , quasi limites custodiret eodem
 planè modo , quo ille vel optauerat , vel præfense-
 rat . Agnosceres Angelum ad terrestriis Paradisi
 fores instructum gladio non , vt olim , flammeo ,
 sed flammâs arcente . Custodiam Anglicam ,
 agri eiusdem est testata felicitas , inter ceteros de-
 uastatos innoxij . Luxit in hoc , seu potius lusit di-
 uina clementia : Luxit in altero diuina seueritas .
 Quidam famosus latro à iudicibus conquisitus ad
 necem , in pagum , quem diximus , ventitabat . fortè
 tunc aderat , cùm flagrare Mons cœpit . Inter alio-
 rum fugam admonitus à Sacerdote , vt in re tam
 plena aleæ , plenaque periculi & capiti , & æternæ
 salutis consuleret : irrisit communem metum iam-
 pridem inter mortis fauces iocari solitus , atque in
 eo pago perstitit contumaciæ non semel reus .
 Gliscente Montis murmure , ille inter metum , au-
 daciamq; sed huic propior , cùm in arborem , velut
 in speculam , ascendisset prospecturus , an quid ma-
 li immineret ; repente ignis appulsu , tanquam ful-
 mine ictus , interijt . Dum caderet , ramo traiectus
 pependit è trabe , suspendij poena præpostera , spe-
 ctaculum ijs , qui superuenere , admiratione dignif-
 simum : quòd laqueum , & flammâs meritis , sus-
 pensus perijt , & combustus , diuina iustitia vindice ,

car-

carnificis ministerium prauertete Vesuuio. Quod
adijcio, commiserationem habet, & nobile in
ignoto capite pietatis exemplum, nulla obliuione
delendum. Ausugerat quidam ad primos veluti
nutus è Monte nictantis flammæ, deserto patre,
quem inualidum ad iter morbus reddebat, & se-
nectus ipsa morbo grauior. Postmodum, obla-
trante conscientia, celerius remigravit, quàm dis-
cesserat, parentis vlcem sollicitus. quem enixè
hortatur ad fugam, pios humeros carissimæ sarci-
næ suppositurus. Aenæ, inter Troianum incen-
dium, Latino Poetæ celebratam pietatem homo
virtute, quàm genere clarior instaurabat. Abnu-
it obstinatè senex iam vita fessus, mortem ætati ma-
turam intra domesticos Lares appetiturus in pa-
tria. Neque hic adduci potuit, vt se filio gestan-
dum præberet: neque ille, vt fugam repeteret, re-
liq̃to patre. cui, obfirmato ad omnem euentum,
animo, adesse voluit in extremo discrimine supre-
ma officia persoluturus. Non discreuit flamma,
& fortuna, quos amor, & natura coniunxerat. Re-
perti post effossas ruinas velut inter mutuos com-
plexus extincti, reddente filio spiritum parenti, à
quo hauserat. Postremus flammæ riuus per agros
traductus, alijs exultis, alijs non sine diuino nu-
mine intactis, per labyrinthos, ac spiras Mæandri
igneum referens, tandem in viam regiam incidit.
Erat hæc, vt fere semper, rhedis, equis, peditibus
confertissima: quippe vnica Neapoli per ora m-
maritimam Salernum vsque tenditur, indeque ad
Lucanos, ac Brutios. Vt prospexere viatores
ignem è Monte exilientem, in campos delati m-

*Seneca in lib.
de terrae.*

incredibili celeritate decurrere: improviso monstro perterriti, qui eò tendebant, gradum reſerunt; qui contra, diuerſi abeunt, diſſipatique, conſternati omnes in fugam: rati, vt quiſq; curſu princeps, ita fore poſtremum periculo. Sanè perperam in libello de terramotu pronunciant Seneca, *incendium fugientes non ſequi*. Nam inter cetera incendij Veſuuiani portenta illud eſt, quod ſiue quiſpiam rectà tenderet, ſiue deſcenderet, ignis in fugientes inſiliebat; multis etiam, dum in tergus reſpectant, fronte circumuentis. An quia vltor ſclerum fontes quocunque inſectabatur? An quia, ſi naturalem cauſam venari velimus, inter fugam pulſo anteriori aere, & poſteriori euocato, ſimul halitus ille leuiſſimus trahebatur? Præcluſa fuga, rheda, vt ferunt, integræ abſorptæ: multi hominum eneſti: pauci ambuſti vix euasere. Spectaculo alijs ſuere, tamquam flammas viciffent, qui effugerant, ſpecioſa ijs perinde fuga, quàm pugna. Narrabant hi, repentino ignis acceſſu congemifcentium clamorem vix tolli coeptum, & compreſſum, querelas occupante flamma: mox vias, quæ vltro, citroque turbis fugientium feruebant, apparuiſſe: deſertas, paucis ijs, qui ſuperuixere, addubitantibus, ſatiſne vigilarent, an ea nocturna forent ſomnii, aut præſtigia, captionefque oculorum. Quidam, cum Salerno Neapolim iter faceret, ac forte ea hora in locum incidiffet flammis obnoxium: proſpecto periculo, non ſegnīs ad fugam in vicinā ſyluam deſlexit, quò alij etiam duo diuerterant. his ille cum ſe tertium adiunxiſſet, neſcio quo caſu detentus à vepribus, pauliſper hæſit. Mora in in-

colu-

columitatem cessit. quippe, cum brevi se extricasset; animaduertit, comites paululum progressos turbine abripi, atque oculis repente subduci. quotum cum ne reliquias quidem, aut supremum cinerem videret; existimauit, nouo terræ hiatus voratos. Ipse ingenti periculo defunctus; consilio casui permissus; inter circumuolitantes flammās ē deuī saltus angustijs tandem euasit. Hic, alijque femineces; & mortuis; quā spirantibus propiores Neapolim cum deuenissent; tantum ciuibz incussit terroris, vt iam iam Vrbi flammam imminere arbitrati, non pauci aliō auosauerint, omnia in maius augente metu. Defauebat interea vis flammarum, quæ siue fulminis in morem, siue igni, vt Meteoristæ vocant, fatuo similis, erratica; exlex, hac, illac transiliens, plerosque rade; luctu; ac metu ceteros funestabat. Neque minor è cinere pestis, quā ē flamma. Nempe inter circumducta in orbem flammarum volumina turbines cinerei admiscebantur. In hos aliqui, quos cineris aspectus sefellerat, dum incurrunt, misere conflagrarunt, sub dolofo cinere flammā delitescēte ad fallendum. Illud admirabilius, quod cinere, quo extincti fuerant, de sidēte in aggeres, tumulabantur: &, versis naturæ legibus, præbebat tumulum cinis; dum cineri tumulus præberi solet. Iam in via regia ignis, & cinis publicè grassabantur: iam quidquid obuium fuerat, demoliti, si Neapolim attigissent; tectis ruinam, ciuibz funera, vrbī vastitatem minabantur. Perfecerant impium consilium mali Dæmones, quorum, vt reor, impulsu pestis illa ferebatur: nisi Deipara, vt assolet, eorū im-

impetus retudisset. Surgit ad viæ limites non
 procul Neapoli ædes dicata Virgini, cui à Suc-
 currendo appellatio. Hic forte Sacerdos coram
 conferta multitudine faciebat: cum ex improviso
 fugientium clamores, morientium gemitus, flam-
 marum crepitus exauditi. Perculit omnes præ-
 sentia periculi, & sæpe letho grauior lethi metus.
 Obuersabatur animis, oculisque vicina mors: atq;
 in ea, veluti cauea, deprehensis aut miserè expe-
 ctanda nex erat, aut flammæ temerè occurrendū.
 Timendum etiam, ne inter loci angustias, & ingru-
 entem turbam, si eniterentur, obtriti (vt superiori-
 bus annis in fortuito incendio contigit) ultro in-
 teritum anteuerterent. Ergo dum, inter fugiendi,
 sistendiq; consilium, hæsitant, clarescente iam so-
 nitu, & flamma propius crebrescente, clamitare
 omnes, pectus tondere, atque humana spe deiecti,
 opem Virginis implorare, vnicum in re deplorata
 suffugium: cum torrens igneus, turboque cine-
 reus, visi ad fores vsque decurrere, mox ædiculam
 deuoraturi, qui palatia, turreſque sorbuerant. Sed
 patrocínio Deiparæ resedit ad fores turbo cine-
 reus: torrensque igneus vel extinctus, vel, vt alij
 ferunt, ad mare delapsus. Nimirum non poterat
 ignis ille tartareus è Vesuij faucibus, tanquam è
 Gehennæ portis emissus, in templum illi sacrum,
 perrumpere, quæ dicitur Porta Cæli. Cernitur ad
 hunc, vsque diem ante fores, vnde decliuus ad tē-
 plum est aditus, supra tres vlnas elatus cinis, vltē-
 rius progressurus; nisi Deipara inhibuisset. cuius
 etiam manus amnes igneos, Neapolim, vt ferunt,
 collineantes à Neapolitanis muris reiecit, Vrbe
 in-

indemni, & iam defuncta tanto metu. Multi ex
 ijs, quos diximus, riuus ad mare vicinum procu-
 buere. Nempe hoc vnum ad fluuij similitudinem
 deerat, vt siue vndantes flammæ, siue flammantes
 vndæ, inundatione per campos facta, tandem ad
 mare defluerent. in quo tamen incendium perti-
 nacius exarsit: vt, quo terræ inundauerant, eodem
 mare conflagraret. Ardebant, nouo miraculo, in-
 ter vndarum vortices flammæ: & ignei fulgoris
 assultu latè maria collucebant. Triumphabat in-
 ter aquas ignis, à quibus toties cladem acceperat.
 Commiscebatur marinus fremitus stridori crepi-
 tantium flammarum: & fretum æstu nouo, ac non
 solito exæstuabat. Crederes æmulatione vicini
 Montis novos è mari erupisse Vesuuios. Non
 præteribo hic lacrymabile quorundam infortu-
 nium, qui cum ignem vndique occurstantem pro-
 picerent, fugam ad littora meditati, proiecere se,
 tandè ad mare, siue mitius occubitori inter aquas,
 siue nandi peritia salutem sibi ab vndis polliciti,
 quam à flammis impetrare non possent. sed irritæ
 spes, conatusque. etenim ibidem ab igne depre-
 hensi in ipsummet lethi genus, quod fugiebant, in-
 currunt, extincti maritimo incendio, inter aquas
 non naufragi, sed combusti. Profectò incredibile
 videri non debet, faces in Dodonæo fonte suc-
 cendi: in stagno Samosatæ vrbs linum, in Lyciæ
 Hephæstijis mōtibus riuos ardere; ignem in Nym-
 phæo aquis pluuijs inardescere: cum certis au-
 ctoribus nouerim, duodecim, & eò amplius dies
 inter Tyrrhenas aquas ignem Vesuuiantum arsisse.
 Erat quippe materiæ bituminatæ, & oleagineæ, illi
 simi-

•Plin. lib. 2.
 c. 103. 104.
 106.

*Plin. ibidem
c. 106.*

Strabo lib. 1.

*Augu. lib. 3
de ciu. c. 32.*

*Julius Eth-
nicus apud
Ludou. Vind.
ibidem.*

*Zona. & Dio
in Tito.*

*Orosius lib. 5.
cap. 10.*

Ps. 113.

similis, quæ, ut animaduertit Plinius, in Chimæra, Lyciæ monte, aquis accenditur: terra, fœnoque extinguitur. Simile quid narrat Strabo, prope Modonem, igneo halitu erumpente, mare ad quinque stadia ferbuisse. Idem planè de flammis Aetnæis Augustinus refert, qui, legimus, inquit, apud ethnico-
rum historias Aetnæis ignibus ab ipso montis vertice usque ad lacum proximum decurrentibus ita ferbuisse mare, ut rupes exureret: cum & pices nauium soluerentur. Hæc Augustinus ex Iulio Ethnico, qui addit, magnam tum piscium multitudinem exanimatam enataste. Hoc olim contigisse in Vesuuiano incendio tradunt Zonaras, & Dio: & nunc omnium testantur oculi. Siquidem aquis inter flammæ ebullientibus, infinita prope vis piscium extincta, ne in maris quidem fundo à Vesuuii faucibus tuta: Extirere postea ingentes piscium turmæ ex imo ad mare summum eiectione, flammis iam, & aquis elixæ, atque in dapes paratæ, prædæ, & gulæ irritamentum. Sed abstinere incolæ, quod halitu infectos suspicarentur, sapientiores profecto, quàm olim Liparenses. qui, ut narrat Orosius, pisces Aetnæ incendio exanimatos cum auide deuorassent, mox morbo arrepti, absumptique sunt, pestilentia in eam insulam importata. Illud etiam inter hæc contigit prodigio simile. Mare per id tempus visum destituere littora: ut iure usurpari possit illud Prophetæ, *Mare vidit, & fugis* nauibus, quæ Neapolitanum portum tenebāt, pæne hærentibus in sicco, nisi mare mox reflueret, perituris. sed, æstu reciprocante, & aquis relabentibus, emersere. Idem contigit in Surrenti-

no littōre; per passus fere mille arescente mari.
 Non defuere, qui dicerent euocatas è littoribus
 auxiliares vndas, quā bellum ab igne timebatur:
 cūm flammæ veluti coniuratæ volitarent ad ma-
 ria. Sed reiicienda isthæc inter commenta, lususq;
 poetarum. etenim, si res ad philosophicam truti-
 nam expendatur, in tanta effusione ignium, cine-
 rum, lapidum, metallorum, ac materiæ prope im-
 mensæ, Natura, quæ tantopere abhorret à Vacuo,
 ne in penitissimis Vesuij recessibus quidquam
 interciperetur inane, aquas eò per satibula attra-
 xit, attractasq; detinuit: donec, laxato, aut intruso
 aere, aquæ per eosdem meatus ad sedes pristinas
 dimitterentur. Attestatur hoc arenæ tanta vis
 effusa, quantam ne mille quidem arenariæ profu-
 dissent. Reperta quoque inter cetera purgamenta
 Montis marina conchylia: vt parum Vesuio fue-
 rit se ignibus ingurgitasse, nisi etiam in gulam ma-
 ria conderet. Pluribus præterea in locis, tum pro-
 pe Porticus, tum inter Pompeios, & Herculaneum
 mare prorsus euauit. Ibidem superingesta enor-
 mi trabium, & cæmentorum materia, quam tor-
 rens ille deuexerat, extuberante tellure, portus
 emerfit non contemnendus peninsulæ in modum,
 mari hinc, inde circumfuso, longo tractu porre-
 ctus: opus momento confectum, cui per plures
 annos vix opes regiæ sufficissent, futurum poste-
 ris perenne Vesuij monumentum. ad cuius nu-
 tum enatæ peninsula, extructi portus, exhausta
 maria. Mutati etiam sinus, stationesque littorum,
 mari sedibus alijs decrescere, succrescente alijs.
 Porro extât longè maiora terris Vesuiianæ flam-
 mæ

mæ vestigia. Apparet alia quædam, & lacrymabilis rerum facies. Oppida, quibus frequentissimis maritimum Montis latus refertum erat, vbi fuerint non agnoscitur. Tecta partim solo tenus deiecta, partim surgunt deusta, quassata, semirutæ. Pauca, quæ integra superfuere, squalent incolis viduata. Agri, quæ ignis excurrit, arboribus spoliati. Sylvæ relectæ apertam præstât planitiem. Campi, in quos multi rami, truncique inciderunt, iam pæne sylvescunt. Aequatæ valles, quæ vicinis oppidorum ruinis creuere. Cinerum tumuli pluribus in locis prope in montes assurgunt. siquidem turbines cinerei, quos vnà cum torrente igneo Mons efflauit, antequam ad mare procumberent, subse- dere terris. iamque alij alijs aggesti plurium referunt collium imaginem, sterilem, squalidam, horridam, nunquam vnus montis dispendium instauraturi. Sed spectaculum inter cetera, funestissimum exhibent loca, quæ Pompeios, & Herculanum interiacent. Nuda cernuntur nullo discrimine prope immensa camporum spatia, paulò ante discriminata villis, ac turribus, & lectissimis vitibus conuestita. Non arbor ibi superstes, non seges, non frutex, non herbula. Solum, quod læta, modò viriditate herbescibat, planè exherbatum. faxis perustis, alijsque montis eiectionis conspergitur. Non vnum Campaniæ iugum, sed Pelion, Ossa, Olympum, & pæne quidquid vbique est montium, disrupta credas in lapides. Hæc feralia ignei tramitis, flammæque vestigia, in vastissimos protensa tractus, incredibile est quantum spectatoribus terroris incutiant. Nemo eò acce-
dit

dit (accessere autem fere omnes è vicinis vrbibus, atque oppidis æque summi, & imi) quin fateatur aspectu vinci, quidquid magnum mente præceperat. Stuporem auget vastitas tanta in loca tam dissita fere momento importata. Viæ præterea per plures dies occlusæ, obstructæque cinere, qui varijs in locis ad sex, ad decem, ad quindecim etiam palmos attollebatur, domorum culminibus, & pæne dixerim, pinnis turrium ex æquatis. Tentatum est per cinerem iter, quâ iacebat humilior: sed luere pœnas audaciæ, qui ausi sunt. Hærebant pes in viscido cinere, ac si in tenacem argillam incidisset. Non homo, non equus, non bos inde se expedire poterant: quamvis maximè adniterentur: & nisi celerrimè subuentum esset, miserè deperibant. Quidam, dum aliorum metum irridet, & contemptim, ac ioco cinerem calcat, intra paucas horas extinctus est. Peterebat acrius cinis, quàm ignis: neque, ut solet, flamma in cinerem, sed cinis abibat in flammam. Narravit mihi vir fide dignus, qui tertio, an quarto incendij die ad ea loca propius accesserat auiditate spectandi, vidisse se in via duo iumentorum corpora, sex hominum, cinere demersa, & exanimata: vnus ex his dexteram inter exultantes flammæ adhuc inardescentem nihilo secius, quàm si piceam faculam ignis corripuisset. Retraxisit ille gradum eo spectaculo territus, ne Plinij audaciam æmulatus interitum etiam fortiretur. Iacuerè palâ in foro quædam delata in Vrbem combustorum cadauera, lugubre spectaculum, quod non parum elicuit lacrymarum: ora nigrantia à bustis dissita, ossa carni-

*Orosius lib. 7.
c. 9.*

bus dilapsis extantia; manus, pedes, crura disse-
cta, Vesuviana cladis exuviae. Huc recidere sep-
tem, quos recēsuimus, torrentis ignei rivi, seu po-
tius, quæ septem, nec fabulosa extulit capita nova
Hydra, foecunda in perniciem. Ceterum verita-
tem eorum; quæ de torrente igneo diximus, com-
probat id, quod scripsit Orosius, qui, *abruptum*,
inquit, *Vesuvij montis verticem magna profudisse*
incendia ferunt: torrentibusque flammarum vicina
regionis cum urbibus, hominibusque deleuisse. Ex
Aetna quoque monte, qui Catanæ, celeberrimæ
in Sicilia urbi, adiacet, fluvium igneum decurrere
solutum testantur incolæ, perniciem, quacunque
fluit, agris inuicta, omnia devastaturum, nisi malo
ciues occurrant, Agathæ Virginis velum hasta,
suspensum igni ostentantes. ad cuius aspectum,
quasi ad erectum pudicitiae trophæum, reuoluto
cursu, flammias trepidantes effugere, constantis-
simè fama fert.

Quintus, & postremus terror, aquarum inun-
datio. Malè consultum reor ijs, qui magna, & no-
ua conscribunt: cùm novarum magnitudo rerum,
animis ad dissentendum pronis, fidem demat
historiæ. Profectò posteri, qui hæc legent à peri-
tioribus dirigenda in annales, facillè in suspitionē
venient, non tam narrationem hanc esse omnia,
ad veritatis normam metientis historici, quàm fa-
bulam multa ad voluptatis licentiam ementientis
poetæ. Quis enim credat eodem planè tempore
ex eodem Monte ignium, & aquarum scaturigines
prodiisse, partamque flammam vnda obsterice?
Quis sibi persuadeat (quod inter ea, quæ fieri ne-
queunt,

queunt, recenferi solet) aduersantia elementa,
 ignem, & aquam, coijſſe inter ſe ſe, ac pæne fœdus
 iniijſſe? Quis non inter fabulas numeret, eundem
 Veſuium, quàm mare proſpiciet, torrentem igneum,
 quàm continenti adheſtitur, torrentem aqueum,
 demijſſe; & quafi diuiſis copijs, ex vtroque latere
 flammis, & vndis; fulmine, & flumine; conflagra-
 tione, & inundatione oras finitimas inuaſiſſe?
 Hæc tamen verè ita eueniſſe, noſtro detrimento
 didicimus, non multò grauiore à flammis quàm
 ab aquis accepta clade. Scilicet in hac veluti re-
 bellantis Veſuij defectione omnia cum eo in no-
 ſtram coniurauere perniciem elementa, Terra cõ-
 cuſſionibus, Aer pluuijs cinereis, ac lapideis;
 Ignis conflagratione; Aqua eluuione: vt hinc
 præſenſionem quãdam haberemus extremæ diei,
 & ſuprema diuinæ iræ argumenta: dum iam *pugnat*
Orbis terrarum contra inſenſatos. Itaque, dum Ve-
 ſuius per maritimam oram cinere, flammisque
 bacchatur, pæne maria debellaturus: ex alio late-
 re, quo Palmæ, Nolæq; campos deſpectat, ingen-
 tem aquarum vim magno impetu cœpit effunde-
 re. Scuij hæc, quàm rabies ignis defecerat, quic-
 quid flammarum voracitati ſubductum fuerat, de-
 molitura. Namque in agros effuſa, omnia longe,
 lateque demerſit: vt æquora camporum tranſiſſe
 viderentur in maria. Primò, vijs occluſis, aquæ
 ad quindecim palmorum altitudinem aſſurrexe-
 re, æmulatione quadam ingentium fluuiorum.
 quæ, quamuis non multò poſt detumuerint; non
 tamen tranſiri vado poterant à mirantibus, vnde
 tam ſubitò nouus hic fluuius erupifſet. Coniura-
 uerat

Sap. 5.

uerat nō cum flammis modò, sed cum aquis etiam cinis; qui plurimus torrentis alueo ferebatur. Horrent adhuc circumfuso cinere arborum fibræ, non sine suspitione perustarum radicum, spe quæque proximæ colligendæ vindemiæ pæne perditæ. Hæc dubia pernicies, & futura prospiciens: illa, certior, & cum præsentī iactura. Aquæ, cum eodem, quo flammæ, impetu quasi certatim è Monte decurrerent, atque obstantes arbores, glebas, trabes, camenta, saxa; alueo iam tumidiore conuoluerent; non in mapalia solùm, & tuguriola, sed in domos etiam, ac recta irrupere. & iam, tabulatis effractis, in cellas vinarias intrusa, dolia vino pretioso abunde plena ruptis compagibus, exonerauere. Natabant pauimenta vino: & inter aquas iam rubescentes, amnis purpureus excurrebat, labore, lucroque præteritæ vindemiæ vnà cum vini riuis effuso. Neque ea solùm lues ab aquis fuit. nam per agros villæ, casæque deturbatæ: per pagos non paucae domus deiectæ, aliæ obsessæ: itinera obstructa: commercia sublata: quasi perruptis obicibus, Eridanus, aut Danubius exundasset. Memorandum illud, & in re tenui non tenue diuinæ prouidentiae argumentum, quod in agro Nolano contigisse narratur. Rapuit cunas, & iacentem infantulum vis aquarum, quem repente è suorum auexit oculis. Credidere illi mortuum, dolere, fleuere, vix trahentem auras, absorptum aquis, atque in terra naufragum querebantur. itur forte postea ad syluam, repertæ ibi cunæ vnà cū pupulo incolumi planè, ac sospite: quasi aquæ illi admurmurantes, blandæ somni conciliatriculæ; & frondium

dium aquis adstrepētium fragor fuisset pro nania. Admirationem peperit, quod rapidissimè vecta, inter aquarum vortices cistula euasisset in cymbulam; & fasciis vsa pro velis, diuinæ clementiæ afflatu, nauarco Angelo, ripam secundo cursu tenuisset. Præfagiere non pauci, infantem ad supremos honores conscensurum, tanquam nouum Moysen in fiscella scirpea ad ripam fluminis asseruatum, aut nouum iñter syluas Romulum, maiore miraculo, vnda nutrice, non lupa. Suspicienda scilicet in eo diuina potissimum providentia, quæ magnam se exhibet vel in paruis. Suspicienda, pietas in salute pueri, omni humana ope destituti; cum per idem tempus & virorum plerique, & multa pecudum millia hac eluuione demersa perierint, in antiquum prope chaos recidentibus elementis; & aqua terris vndante, cum mare flammis ignesceret. Hic quintus terror, & postremum spectaculum Vesuuiianæ tragoediæ, quæ vna multis in locis plures tragoedias excitauit. Acclamations, & plausus cessere in querimonias, ac lacrymas. magna rerum, ac luctuosa catostrophe scenæ seruijt defuncta excidijs vrbium, & funeribus populorum. Inter tot tamen calamitates, & clades vrbs Neapolis vicino malo perstricta leuissimè, immo omni planè perniciæ immunis fuit, nullum publicum detrimentum passa, præter ingentem timorem. Id secundum Virginem, cuius in primis patrociniū Parthenopes nomen ipsum ominatur, Martyri Ianuario præcipuo tutelari, ac patrono acceptum refert. Senserat olim in Vesuuiianis incendijs Ianuarij præsidium, non quidem, dum ille

viueret,

Exod. 2.

Lin. lib. 2.

*Maiolus col-
loq. 59.*

*Marcellinus
in Chronico.*

*Baron. in no-
tis suis.*

*Marcell. in
Chron.
Procop. lib. 2.
de bel. Goth.
Baron. loc. cit.*

viueret, vt nullius antiquioris testimonio nixus
memoriæ prodidit Maiolus, sed centum sexaginta
septem annis ab eius obitu natalitio: nempe in
conflagratione, quæ contigit anno post Christum
natum quadringentesimo septuagesimo, non pri-
mo, vt plerique, sed secundo; cuius extinctæ lau-
dem omnes Ianuario tribuunt. Fuerat ea facilè
omnium maxima: in qua, vt supra cum Marcellino
diximus, *tota Europa facies minuto puluere contecta
est.* Ideoque, vt habetur in peruetusta de S. Ianua-
rio homilia, *toti Europe conflagratio imminere vi-
debatur.* Confugerat per id tempus Neapolitana
ciuitas ad Ianuarium; cuius iam tum & patrociniò
gloriabatur, & sanguine, experta in præsentissimo
periculo opem præsentiozem. Restinctas enim Ia-
nuarij beneficio flammæ & totus pæne terrarum
Orbis agnouerat, & Græcia (vt ex Marcellino, &
Procopio refert Baronius) annua memoria testa-
batur. Itaque, cum hæc à maioribus tradita, Nea-
politanorum ciuium animos imbuissent, vbi flam-
mula è Montis vertice visa splendescere, noui du-
xit incendij prima veluti lineamenta: nihil ij ha-
bère antiquius, quàm vt ad implorandam Ianua-
rij opem curas omnes, animosque conuerterent,
auctore in primis Cardinali Archiepiscopo, qui
periculo ereptus, vix Neapolim attigit, cum Ia-
nuarij sanguinem eductum ex arcua, eiusdem ca-
piti apposuit: vt vñtato miraculo ad eius aspectum
liquefceret, quasi ad fontem resiliens, vnde sca-
turijs. Sed cœperat iam nouo prodigio, antequàm
cum capite congrediretur, sponte mollescere,
commiseratione, credo, cladis, quam Vesuuus,
inferre

inferre iam cœperat. Indicta præterea ab Archiepiscopo supplicatio, qua caput, & sanguis Martyris publicè deferretur. Affuit ciuium multitudo supra captum. centum fere millia capitum fuisse tradunt. Sequebatur Prorex nobilium corona stipatus. Quo sensu animorum id factum sit, dum inde flammæ lucerent, hic tenebris cuncta nigrescerent, nubes cælo cinereæ impenderent, terra motibus quateretur: facilius alij coniectura assequerentur, quàm ego narratione. Adstrepebant terræ fragoribus clamores hominum, veniam à Deo, opem à Ianuario flagitantium. Manabant è Vesuij supercilio flammæ; ex omnium oculis lacrymæ. Nemo eo die, vt opinor, ita obfirmatus in scelere, pectorisq; adeo ferrei fuit, qui vnà cum Ianuarij sanguine non liquefceret. Enimvero non tot hominum millia concionatores disertissimi è peccatorum cœno deducta ad Dei amicitiam traduxere vno seculo; quot vno die Vesuius. scilicet Mons elinguis linguis igneis loquebatur: neque vnquam sine ingenti fructu fuere linguæ igneæ. Igitur cum eo, quo dictum est, sensu pietatis supplicatio per urbem vaderet: primò ad templum Diuæ Mariæ à Carmelo, quod peruetusta religione colitur, tum extra portam, quæ Vesuium prospicit, itum est. Quod, cum postridie præsentè Cardinali Archiepiscopo, qui primo die morbo detentus absuerat, repereretur: ferunt qui aderant, vt Montis aspectui sacer Ianuarij sanguis oblatus est, nubes cinereas, quæ à Vesuiano incendio conflata, atque halitibus igneis internista, tunc ad Urbem, quasi meditata perniciem, ferebantur, non ausas pro-

G

gredi,

gredi, visasque refugere. Erubuere, credo, flammæ victorem suum, eiusque aspectum sustinere ignis non potuit, à quo se victum, prostratumq; meminerat. Coniectus olim Martyr, dum viueret, in fornacem, illæsus euaserat; vt iam tum flammis imperare assuesceret: & paruo Nolæ inclusus camino, præluderet ille victorijs, quas erat tot postea seculis de Vesuuio reportaturus, inter Nolanas flammæ integer; vt nos etiam eius beneficio inter Vesuuianas innoxij esse possemus. Quod si, vt Cyprianus ait, *Gebennæ ignes Martyrum glorioso cruore sopiuntur*; certè mirum non est, Vesuuianum ignem, Tartarei indicem, Ianuarij sanguine consopiri. Hunc eius diei supplicatio exitum nacta est; cuius omen iam omnes animis, ac spe præceperat. Fulserat eo die dubia lux, vt Sol non tam lucere cælo, quàm lugere videretur. tum fœdissimæ nubes planè Solem condiderant, omnibus cæca caligine circumfusus. Vix Ianuarij sanguis gestandus per urbem, ex ara maxima efferrî coëptus, cùm Sol repente internicuit, ac fenestram, quæ supra ianuam patet, clarissimè collustrauit, omnibus, quasi eo radio spes certa salutis affulserit, auspiciatissimam lucem, & miraculo similem inelamantibus. Illud præterea silentio præterire nō possum, quod per omnium ora vulgatum, multis etiam persuasum, testantur non pauci, visum ibidem inter eam lucem Ianuarium insula, baculo, & pontificia veste fulgentem, quasi eo aspectu oppignerata fide, Urbem sub eius tutela, ac patrocinio futuram. Ex illo omnia nobis tuta, omnia fausta euenere. Illud omnino liquet, Ianuarium si minus aspectu,

qui

*Cypr. ep. ad
Mart.*

qui sub oculos cadat, certè ope affuisse. Inter tot terræ motus nulla ruina. Torrens igneus prope Neapolim vel compressus, vel retortus. Cinis, qui leuiter hic initio pluerat, opportuna, atque insperata pluuia mox abstersus. Nubes cinereas sæpe vidimus rectà Neapolim à ventis impelli, mox repelli. quandoque etiam animaduertimus, supra proximos colles Vrbi veluti coronam circumduxisse, quasi tacitè succlamantes accessu se prohiberi. quotidianum Deiparæ, ac Ianuarij miraculum inclamant omnes, disfitetur nemo. Euolutus pæne mensis erat à die nascentis incendij, cum cinis in immensa congestus volumina vndique Neapolitanum cælum obtexit. Instaurantur metus, consternatio, clamores. Rursus omnia luctus, querimoniæ, vota. Diluuium cinereum metuebatur, non pluuia; cum ex insperato detectus aer: restitutum cælum: depulsæ nubes, vix tenui cadentis cineris relicto vestigio, quasi nobiscum ea leui aspergine iocarentur. Ridemus iam quotidianas minas adhuc furentis Vésuuij. Nubes prodigiosæ, quas è Montis culmine semper egestas videmus aliò iter arripere, quocunque ierint, portentum, ac metum asportaturas; iam spectaculū multis exhibent non inincundum. Monstra, quæ hinc in alias Mundi plagas luctus, ac funera conuehant; nobis pæne ad voluptatem trahuntur. Quanquam, vt paulò ante dicere cœperam, nihil hic interea prætermissum, quod vel ad mulcendam diuini Numinis iram, vel ad conciliandum Deiparæ, ac Ianuarij patrociniū conducere potuisset. Ter Ianuarij sanguis ad Montis aspectum allatus: vt qui flam-

ma terrorem incusserat, sanguine terreretur. Supplicationes ferè per mensem quotidie repetitæ tã multæ diebus singulis, vt sæpe vna pluribus occurreret; inter viarum angustias implicatæ ad pietatẽ. Iam forum, plateæ, compita non alijs vocibus, quàm gemitibus, suspirijs, precibus resonabant: adeo vt Vrbs tota vnus templi faciem redderet. Chori virginum passis crinibus ad commiserationem; turbæ virorum siue se loris acriter diuerberantium, manante iam è laceris humeris sanguine Vesuuij incendia restincturo; siue capite coronam spineam, humero crucem, collo funem gestantium, argumenta concepti doloris; agmina religiosorum animo ad pietatem, vultu ad modestiam composito, Deiparæ, ac Sanctorum suffragia implorantium, quotidiana per hos dies Urbis fucrescentia spectacula. Ambigeres, an sacra hebdomada prauolasset. vt non immeritò cordatus vir dixerit, incendia Vesuuiana reponenda esse in optatis. quippe dum exhibet Gehennam Vesuuus; caelestem Neapolis exhibet Paradisum. Nihil hic exaggeratè dico. Profectò magnus est officij magister metus. Illud præterea relatu dignum. Triginta pellices, quæ venali forma pudicitiam quæstui, animum Diti deuouerant, consilio ad meliora conuerso per Urbem turmatim prodire, accisis capillis, atque ad Christi è Cruce pendentis pedes appensis, tanquam scissi cordis indicibus, constantiæ vadibus, pœnitentiæ trophæis. Neq; minor in viris ad detestanda scelera pietas. Quidam antea, facinorosus publicè per plateas ante Christi effigiem, elata voce, patrata vulgauit crimina tanto animi

animi sensu; vt ab omnium oculis prope fletum extorserit, iam concionator è reo. Infinitus planè sim, si persequar singula. neque desunt, qui hæc exactius, & minutius conscribere. Vt multa paucis, nemo in communi calamitate sibi deesse visus est, nemo suis. Inter omnes tamen eminere visit, & excellere Eminentissimus Cardinalis, & Excellentissimus Prorex; quorum vterque optimi Principis egregiè munus impleuit. Cardinalis Archiepiscopus tum in Ecclesia matre, tum in ceteris sacram Eucharistiam exponi iussit, inter clades & præsidium, & solatium. Ipse præcibus, concionibus, supplicationibus assiduè interfuit. Parochos præterea paganos, qui propius periculo aberant, vt pro suo quisque munere suis non deessent hortatus, summo in id studio inuigilauit. Non paucos etiam è religiosis familijs ad oppida, quæ vel ruerant, vel arserant, siue ad tumulâdos mortuos, siue ad subleuandos superstites destinauit. Inter quos (absit iustæ commemorationi iactantia) Patrum nostræ Societatis charitas, atque ardor eluxit. qui, cum adhuc ferueret incendium, Herculanum vsque delati, inter æstuantes flammæ, & saxa volantia, cadauera ex alto cinere defossa, atque in humeros imposita, noui Tobix, ne Vesuuiano cineri humanus commisceretur, tumulto honestiori mandarunt. Vesuuij funalibus parætalia celebrata. Hæc profecta ex Archiepiscopi Cardinalis industria. Par apud ciues Proregi commendatio, qui aspectu, imperio, opibus, ope non defuit: nam & supplicationibus per plures dies quotidie affuit pedes, detecto inter imbres capite, vir alioqui dubia

bix valetudinis; & ea, quæ secuta est, nocte edicto
 cauit, ne quis ad pellices auderet accedere: qui
 accederet, quæ accedentem exciperet, capite
 plectendi. Exemplum sanè, quod omnis admire-
 tur posteritas: qui clauum imperij tenent, etiam
 imitentur. Eiusmodi edictum eadem noctis hora
 per duodecim Urbis regiones, præmisso tubarum
 sonitu, promulgatum maximo ciues terrore com-
 pleuit. Quasi ijs tubis inter nocturnas tenebras,
 ac cinerum pluuiam resonantibus, supremæ buc-
 cinæ sonitus, supremus Mundi cinis, suprema nox
 adumbraretur: Vias præterea, quæ altissimo se-
 pultæ cinere, itinera planè intercluserant, missis cò
 pluribus hominum millibus, aperiendas Prorex
 curauit: ijsque oppidis, quæ nondum funditus flā-
 ma vastauerat, opportunè subuenit. Nocturnas
 etiam per Urbem excubias, suis distributas locis,
 aptè disposuit, ne nouæ turbæ excitarentur. Quip-
 pe occupati maiore formidine animi non regun-
 tur legibus, aut imperio: & cum semel apud vul-
 gus turbatur, trepidatio in tumultum euadit. Sed
 inter hæc omnia principem commendationis ob-
 tinet locum cum Archiepiscopi, ac Proregis, tum
 priuatorum ciuium in externos homines pietas:
 qui flammæ inter elapsi, destitutis laribus, Nea-
 polim pæne omnes confugerant, initio exclusi,
 postmodum admissi. Hi vastatione oppidorum,
 & Vesuuiana illa veluti proscriptione, bonis om-
 nibus spoliati, egeni, prostrati, quidam etiam se-
 miusti, ac veluti precarium trahentes spiritum, nō
 homines, sed laræ, atque vmbra hominum vaga-
 bantur. Alius ereptum parentem, alius coniugem,
 alius

alius liberos lamentabatur: omnes patriam, quæ
 nihil est plerisque mortalium carius. ex his non
 pauci paulo ante locupletes, domibus, prædisque
 deperditis, decem, viginti, quadraginta etiam mil-
 lium aureorum, vno die effuso pretio, aut fame
 emori, aut, quod ijs morte grauius videbatur, sti-
 pem emendicare cogebantur. Mulierum præterea
 pudicitia in magnū discrimen adducebatur. quarū
 multæ parētum, & coniugum interitu orba, ac vi-
 duæ per urbē errabant, stipatæ gregibus puellarū:
 in quibus maius periculum creabatur à forma,
 quàm impendisset à flamma. Ergo, cum nō deesset
 pietati materies, ciuiū pietas materiæ non defuit.
 Referata marsupia, detectæ arcæ, aurum veluti è
 carcere e ductum: quæ præcipua Solis progenies
 longo tempore lucem non viderat. Neque solū
 ijs, qui petebant, pecuniā, & omnis generis com-
 meatus solito largius erogata; sed multi etiā con-
 uenarum à primarijs viris, deni, quindenī, viceni à
 singulis excepti perbenignè hospitio, quos Mons
 arcebat inhospitalis. Multæ præterea domus con-
 ductæ, eoque loci mulieres adductæ, ea potissi-
 mū, quarum pudor periclitabatur; excitaturæ
 hic maius incendium, quàm quod in Vescuio fu-
 gientes reliquerant. In has impensas non solū è
 publico Urbis ærario, sed ingens etiam pecuniæ
 vis effusa ex ijs, quos iure Montes vocant, quia ad
 pietatis munia destinantur, quæ locū obtinent
 cælo proximum. Largior in hoc fuit is, quem
 Montem Misericordiæ appellant, contrahendi
 etiam æs alienum vsque ad decem millia aureo-
 rum potestate petita: vt Montem Monti, & Vescui
 scilicet

sauitiæ non nisi Misericordiæ Montem opponere-
 remus. Septem fere hominum millia, quæ flami-
 mas euaserant fame lentius conficienda, Montis
 Misericordiæ impensis, atque opera enutrita par-
 tim in oppidis, partim Neapoli extra pomœrium,
 ad ædem Martyri Ianuario sacram: vt vel hinc ap-
 pareat, eos à Vesuuiano æstu subductos, sub Ia-
 nuarij tutela, atque umbra conquiescere. Certu-
 tum in his pietate inter eos, qui præerant imperio:
 atque in hæc opera tum Archiepiscopus, tum
 Prorex non auctoritate solùm, atque industria, sed
 magnis etiam largitionibus conspirauere. Prælu-
 xere Duces exemplo, quo in ceteris pæne sancita
 lex est. Equidem crediderim his maximè placatu-
 tum diuinum Numen, à nostris cladibus tempe-
 rasse. Dixerit sanè impiè Seneca, *Non ira Numi-
 nis terram concuti: suas ista habere causas: neque
 imperio scire*. Nobis, quibus hæc sunt Christiano
 radio metienda, longè aliter sentiendum. Deus
 est, vt Regius Vates ait, qui tangit montes, & sumi-
 gant. Deus est, Moyse teste, qui montium funda-
 menta comburit. Non potuit is incendij huius au-
 ctorem quasi digito clarius indicare. Vesuuium
 tantum non nominat. *A Dei facie*, vt præsensit
 Daniel, *fluuius igneus, rapidusque egrediebatur*. Deus
 est, vt Tertullianus ait, *verus Prometheus, qui signa
 maiestatis sue iudicantis edidit per imbres, per ignes*.
 Flamina ipsis ab aquis forata, vt in euentu consimili
 Petrus Damiani dixit, *perspicuè fuit diuini furoris
 indicium: cum quidquid mergebatur, extinguere non
 posset, et aqua quodammodo humida non esset, vt arden-
 tia posset extinguere*. Ambigas, an extra communẽ
 na-

*Senec. in lib.
 de terram.*

*Psal. 103.
 Deus. 32.*

*Dan. 7.
 Tertul. Apol.
 contra Gen.*

*Damian. ser.
 de S. Ruffin.*

naturæ aleam constitutus ignis ille sit, cuius impetum non circumseptæ parietibus domus, non vlli obices remorabantur; solutis illico cunctis incinerem, veluti flamma in sarmenta, aut stipulas incidisset. Cinis ipse, qui per mensem fere integrum momentis singulis in immensas nubes difflatus, ac postmodum deoneratis nubibus, onerata tellure, recto mari, iam mille Vesuvios exhaustisset; olet profecto aliquid naturæ maius. Gehennæ adumbratam quandam imaginem Deus nobis in Vesuvio refert: ut vel hoc metu à culpis inhibiti intelligamus, quàm acriter ignis ille torqueat, cuius vel ipse cinis exurit. Pausilypi, Mergellinæ, & plagæ Lucullanæ delitias, hinc Puteoli cingunt, inde Vesuvius, gemini Naturæ exæstuatîs camini, adiecta voluptati supplicia. Quippe *de Aetna, Vulcano, ac Veseuo*, ut Abulensis ait, à quibusdam indubitato astruitur, quòd Inferni quadam ora sint. Neque hoc tantum tulit superstitiosa vulgi, & plerumque fallax credulitas, sed sapientium quoque sententia, momentis librata rationum. Profert idem Abulensis Mayronum, clarissimum Scoti asseclam doctorem, post extremum Mundi diem hæc montium æstuantium spiracula esse occludenda, & tunc demum Inferorum fores obfignandas, quæ nunc mortalium terriculo patent. Non dissentit ab hoc sapientissimus vir Surius, qui, *Quidquid*, inquit, dicant philosophi, quadam sunt Tartari ostia, aut loca puniendis animabus destinata. Ut in Islandia mons est Hecla dictus, qui ignem euomit. Visuntur illic mortuorum spiritus, qui in nota specie efferuntur familiaribus colloquijs hominum. Addit infra. Voluisse Deum

H in

Abulens. p. 1
rad. lib. 5. c.
99. & seq.

Mayronij
apud eundem.

Sur. in com.
ann. 1587.

in terris extare huiusmodi loca: ut certius nossent mortales, quæ maneat impiis post hanc vitam; & sic discant timere Deum; ut possint æternos ignes euadere.

Maiolus col.
loq. 16.

Greg Dialog
lib. 4 c. 30.

Petrus Dam.
epist. ad Do-
minicum Lo-
ricatum.

Saq. Nicolai
p. 2. col. 60.
fol. 60.

Greg. 1. 11.
lib. 1. 1. 1.

Emm. 1. 1. 1.
Contap. 3.

Testatus est idē (ut ē Metaphraste Maiolus refert) Pion presbyter paulō ante martyriū, cū christiānam religionem sanguine testaretur. Consonant his ea, quæ Gregorius tradit de Theodorico Rege Arriano, Ioanne Papa, & Simmaco iudicibus, in ignem Liparitarum demerso. Habemus denique de hoc ipso Vesuvio apud Petrum Damiani testimonium luculentissimum. Libet verba transcribere, quia ad rem, qua de agimus, maximè faciunt. Desiderius, inquit, religiosus, Cassinensis monasterij Abbas. (hic fuit postea, pace eruditissimorum virorum, non Urbatus II. sed Victor III.) mihi aliq̃uando narravit, quod ipsa ratio persquaderet, ut scribam Servus Dei. Neapolitanæ regionis in prærupta rupē iuxta viam publicam habitabat solitarius, qui nimirum, dum nocturno tempore psalleret, & fenestram cellule horarum explorator aperiret: ecce vidit multos nigros homines, tanquam Acchiaper, iter carpere, & longo tractu sarcinarios comminare: cumque eos inquireret, qui essent, cuius rei gratia hæc iumentorum pabula deuectarent? Maligni, inquit, spiritus sumus: hæc paramus non pabula pecoribus alendis, sed fomenta potius ignium hominibus comburendis. Ita planè secundum similitudinem illam Apostoli, supra fundamentum hoc alij ædificant sœnum, & stipulam, quæ cuiusunque opus sit, ignis probabit. per sœnum, & stipulam peccata significans, quæ Gehennæ accensa incendio perpetuo peccatores incendunt. Pergunt illi. Prestolamur enim in proximo Principem Capuæ Pandulphum,

phum, qui iam decumbit, & Ioannem Magistrum militum Neapolitanæ ciuitatis, qui adhuc uiuit incolumis. Illico uir Dei præfatum Ioannem impiger adiit: quæ uiderat, quæque audierat, fideliter cuncta narrauit. Per idem tempus Otho Imperator II. aduersus Saracenos præliaturus in Calabriam festinabat. His igitur auditis, Ioannes ait. Modò necesse est, nos Imperatori occurrere, & cum eo simul de huius terræ statu prouida consideratione tractare. Porro post Imperatoris abscessum spondeo, quia & seculum deferam, & monasticum habitum sumam. Vt autem probaret, utrum verum esset, quod ille narrabat, nuntium protinus ad mœnia Capuanæ direxit: qui ueniens, Pandulphum iam mortuum reperit. Ipse quoque Magister militum Ioannes, antequam istas partes Imperator attingeret, vix diebus quindecim superuixit. Quæ mortuo, Mons Vesuius, unde uidelicet Gehenna frequenter eructat, in flammæ erupit: ut liquidò probaretur, quia sanum, quod à Dæmonibus portabatur, nihil aliud fuit, nisi ignis truci incendi, qui prauis, & reprobis hominibus debebatur. Nam, quandocumque in illis partibus reprobis diues moritur, ignis erumpere de prædicto Monte uidetur, & tanquam sulphuræ resinæ congeries ex ipso Vesuio protinus fluit: ut torrentem faciat, atque decurrente impetu in mare descendat. Vbi uidelicet corporaliter uideri potest, quod in Apocalypsi Ioannis de reprobis dicitur, quia pars illorum erit in stagno ardenti ignis, & sulphure, quod est mors secunda. Enim uero & Salernitanus Princeps, huius uidelicet Guaimarij æquæ Principis, qui ante non plures annos pro multis violentijs, atque tyrannicis oppressionibus, suorum gladijs peremptus est, auus, cum procul esset exisset quadam

Apoc. 20.

die de prædicto Monte Vesuvio piceas, atque sulphureas repente flammæ erumpere; protinus ait. Procul dubio sceleratus aliquis diues in proximo moriturus est, atque in Infernum descensurus. Sed, o cæca mens reprobî hominîs, immo super nos terribile iudicium Conditoris. Superueniente siquidem proxima nocte, dum securus cum meretrice concumberet, expirauit: quem illa, ut postmodum referebat, quid contigisset ignorans, diutius pertulit: & vix tandem à se non hominem, sed cadauer exanime prostituta deiecit. Quibus cognitum est, non reprobos tantum diuites, sed carnis putredine inquinatos, ac denique peccantes omnes quouis genere mortalium peccatorum, ac sine pœnitentia morientes, Gehennæ subituros supplicium. Quidam præterea in Neapolitanis partibus presbyter, uolens certius quàm licebat, addiscere, illuc ubi gehemiale barathrum feruentius eruebat, præsumptoria decreuit audacia propinquare. Missarum igitur solemnia celebravit: sicque insulatus, uelut armatus, iter arripuit. sed, dum ultra, quàm solebant homines, temerarius scrutator accessit; redire non valens, postmodum non apparuit. Alius verò presbyter matrem suam Beneuenti reliquerat egrotantem. cumque per Neapolitanos fines domino suo comitatum præberet, exundantibus fluminibus intendens, clamorem lugentis audiuit: quem suæ matris esse procul dubio cognouit. Notauit horam: & tunc euidentissimè comperit, matrem fuisse defunctam. Hæc Petrus Damiani. è quibus facillè conijcias, maiores nostros constantissimè in ea fuisse sententia, ignem Vesuuiantum, tanquam Gehennam umbratilem, à Deo nobis identidem ostentari ad terrorem. Quod verò addit de Aethiopum prænuntiatione

ciatione foenum gestantiū, simile quid nunc quo-
 que contigisse narratur, nec tantæ cladi sua defuif-
 se præfagia. Multa circumferuntur in vulgus, quæ
 hæcenus mihi sunt dubiæ fidei, inter ingentem
 calamitatem animis ad deteriora credenda, lin-
 guis ad narranda pronissimis, in Vrbe præsertim
 rerum nouarum studiosa, ferendis, augendisq; ru-
 moribus nata. Fama est, Aethiopem ea ipsa no-
 cte, quæ fudit incendium, cuidā visum manu foe-
 num gestantem, & indicato Monte, dixisse magnā
 inde imminere cladem. rhedam præterea inter
 Montis auia conspectam, auditumque insusurrari
 ab ijs, qui vehebantur, expectari ferendæ flammæ
 Plutonis imperium. armatos demum è Vesuuio
 prodire visos, ac faces incendio subdere. Illud
 horribilius, si auctor pro comperto haberetur. Di-
 citur in coenobio supra tumulum sito prope Her-
 culanum monachus Camaldulensis, per noctem
 referata fenestra, quā prospectus ad Vesuuium pa-
 tet, armatos equites in Monte vidisse, quasi ad
 bellum instructos, sonitu etiam raucius insonantis
 buccinæ exaudito. Nec reticendum cenfeo, quod
 certò didici, repertam in agro Nolano sub eo, qui
 pluerat, cinere sepultam tubam an fortuito, an
 prodigio. Neq; hæc tantum ex vrbe Nola narra-
 tur monstra. Effigiem humana maiorem, & gigan-
 teas vmbras vidisse se mulierculæ affirmant, testes
 impares tantæ rei. Gigantes etiam inter flammæ
 olim visos, Dio refert. Magnus profectò spectro-
 rum artifex metus. Fortasse conflagrationem præ-
 sensere mulieres, ne Vesuuiano incendio suæ de-
 essent Cassandra. Nuntij insuper accepti, in via

re-

Dio in Tin.

regia extare ferarum vestigia insolentis figuræ re-
 gis Nolam versus, hinc inde quasi mathematico
 radio designata, interiectis indicijs, tractibusque
 catenarum. In celeberrimo Templo S. Mariæ, cui
 ab Arcu cognomen, visam Deiparæ faciem atis-
 mari, moueri, inditia doloris efferre, tum etiam il-
 lacrymare quidam citra dubitationem affirmant.
 Rumor incertus, & anceps de his sententia pro
 cuiusque studijs, & ingenio, dictitantibus multis,
 apud ethnicos quoque horum non absimilia vel
 dolo ficta, vel metu credita. Illud hic singulare, sed
 recensendum inter fabulosa; nisi foret ab ijs, qui
 auctoritate fidem extorquent, accuratè indaga-
 tum, & pro explorato habitum. Rusticus, cui Io:
 Camillus nomen, ad villam ierat in Vespouio si-
 tam ipso diei Paschatis peruigilio. Ibi repente
 alto sopore deprimitur inœnatus. Non multò
 post, somno sponte discusso, expergiscitur: neque
 ultra loci facies, ubi dormire iam cœperat, oculis
 redditur. nouum cælum, nouum solum, noua re-
 gio. non ultra Mons visitur arboribus confitus;
 sed murus longissimo spatio exporrectus viam
 obsederat. Inerat muro porta ingens. Obstupuit
 ille nouo aspectu: &, vbinam locorum esset, ex-
 ploraturus, portam versus iter arripuit: excuban-
 tem ibi ianitorem offendit fratrem è familia
 S. Francisci, ætate, vti præferebat aspectus, ado-
 lescentem. Antonium Patavinum fuisse, mul-
 torum fert coniectura. Ab hoc ille primò in spe-
 ciem repulsus, tum introductus in atrium, inde-
 que procul abductus, eo duce ad locum frequen-
 tibus ædificijs consitum peruenit. An id re con-
 tigerit;

tigerit; an (quod solemne prophetis fuit) per simulacra ferum obiecta menti, sapientibus dijudicandum relinquo. Aedificia ibidem horridissima, ignem vndequaquē vomebant, non tam saxi constructa, quàm flammis. Inferorum eas esse sedes & ille facilè coniecit ex sese, & à ductore didicit. Multos ibi se agnouisse narrabat infelicium domorum incolas infeliciores. Xenodochij præterea speciem oblatam, & turbam flammis inter, & angues decumbentium: quosdam etiam, addito supplicij ludibrio, à nigris umbris ad bufonem vorandum adactos, velut in poenam indignè susceptæ Eucharistiæ, & hausti ad mortem vitæ pabuli. Inde tractum se ad Purgatorij, vt appellante, loca. Demum postero die redditum sibi, ac Vesuuio: imperatumque, vt nunciaret, magnam ex eo Monte impendere accolis cladem: proinde in preces, ac vota incumbendum. Die sacro Paschatis sub meridiem oppido restitutus, visusque ab oppidanis cinere inpersus, fumosa, ac nigrante facie, tanquam ex incendio euassisset. Interrogatus à multis, qui quasi ad ostentum confluxerant, ecquid illi accidisset; narrauit omnia candidè, homo antiquæ simplicitatis: & futuram Vesuij conflagrationem prope duobus ante annis prænucciavit. Ne morer pluribus, amens habitus est; vt leuissimè, ebrius. Centies auditus: centies irrisus. nunc, euentu probante oraculum, irrisio in admirationem versa. Simile quid ante euersionem Hierosolymæ vrbis contigisse, narrat Iosephus, hominem è fræce plebis, ac terræ filium quotidie clamitasse, *Vae tibi Hierusalem*, primum sibilo, ac risu;

*Ioseph. de bel.
Iudai. lib. 7.
c. 12.*

su; tum virga, ac verberibus exceptum. Hæc, horumque consimilia in tectis, in triuijs, in angulis passim cuncti narrant: multi credunt: quidam irrident. pueriles nugas, aniles fabulas, somniantium deliramenta, virgula censoria, ac seuero supercilio difficiles Aristarchi conclamant. Equidem neque hæc temere probanda pronuncio, neque inconsultò ridenda. Par in utroque stultitia. Nempe afflicta Republica, & semel in deterius inclinata, fortuna, falsa, vera; dubia, comperta; inania, solida nuntiantur: & sæpe tenuissimæ auditiones vnius ore subnatæ quamcitissimè adolescunt. Sed, si veritas multis, uti assolet, intermixta mendacijs excernatur, consentaneè credi potest, tam ingentem calamitatem suis non caruisse prælagijs: ut intelligeremus hæc non sine diuino numine, nutuque contingere, igne ultore scelerum, ac diuinæ iustitiæ vindice: primam huic incendio facem nostra iniecisse flagitia: his flammam foliis euentilata. Quamquam non inficior, suas hæc etiam naturales causas agnoscere, quibus utitur naturæ conditor, *disponens omnia suauiter*. Has quoque causas ut breuiter attingam, admoneor. quod quod præstari clarius possit, non accidet, nisi fallor, ingratum; si Montis huius aspectum, situm, figuram, historiam, breui narratione perstricta, quoad eius fieri poterit, oculis, animisq; subiecero.

Sap. 8.

Est Vesuius, qui & Veseuus Latinis dicitur, Poetis etiam Vesuius, Campaniæ Mons septem fere millibus passuum diffusus ab vrbe Neapoli. cui Sol tum æstate, tum hyeme quæ è dorso, quæ è capite Montis enascitur, in aduersum Pausilypi collem

collem occubiturus: vt mirum non sit, ex eo Monte per intervalla seculorum ignem effundi, à quo quotidie cernimus fundi Solem igneæ naturæ, vt quidam autumant, & si Anaxagoræ credimus, glebâ igneam. Gemitum (quod proprium habet, ac singulare) cælo caput attollit: vt vel vnum in duplici, vel duplicem in vno Montem agnoscas. Dissidium hoc ortum habuisse fertur ab incendio, quo antea inter se compacta sub vno vertice latera dissiluerè per interiectam voragine[m] diametro ultra mille passus hiantem. Montem congeminasse, & non solum bitipitem, sed etiam dicas esse bicorpore[m]. Voraginis huius meminit Procopius, Zonaras, & Dio; cui Vesupius amphiteatri formam habere visus est, Vrbi regiæ, in quam procumbit, ludos, & spectacula daturus, sed ludos funebres, & spectacula tragica. Mihi verò pyramidis formam refert. nam margo per latissimam planitiem circumfunditur viginti trium millium passuum ambitu. Quodque Mons altius assurgit, eò latera arctius coeunt: donec sensim in pyramidem cuspidentur. Gemina in utroque fastigio cuspis, gemina pyramis, siue geminum monumentum in eo Monte ad vbertatem, & voluptatem luxuriantis, ac veluti triumphantis Naturæ; siue omen incendij, geminus erectus condendo tanto cineri tumulus. Gemina etiam bijugo Monti vtrinque suffusa planities: quarum altera mari, altera motibus cingitur. Tyrrenum Vesuvio mare substernitur, quod ex aperto conductum, sinu illo beatissimo clauditur, quem Sirenium sedem, & craterem argenteum, lacte plenum admirata dixit antiquitas. Prima

*Procop. lib. 2.
de bell. Goth.
Zona. & Dio
in Xiv.*

cernitur in ipso crateris aditu ad plagam aquilonarem Neapolis, Vrbs regnorum prope æmula-
 trix, numero ciuium inter Italas facillè maxima, opportunitate mercium nobile Europæ totius emporium, amoenitate situs Bizantio non absimilis. quippe mare procurrens, & alluentes undas complectitur bis lunata in semicirculum, omen deficientis fortunæ. Latere in campos excurrit: fronte iugis attollitur, corona collium cincta, si fas est dicere, Tyrrheni maris Regina. Vesuium à læua prospicit imminentem tantæ Vrbi, spectaturum, & spectandum. Inde inter beneficia cetera, dulces manant aquæ, quæ partim obstrictæ in riuos, atque in Regios aquæductus infusæ, ad vrbanos puteos, fontesque magna copia deriuantur, potu perbenignæ, ac salubres: partim labuntur in fluuium: qui ad Vesuij pedes latissimos campos tortuosis flexibus ambiens mirâ fertilitate perfundit: atque hinc, inde arboribus inumbratus, leni, & vix sub aures cadente murmure, lapsuque placidissimo aquas in vicinum mare demittit. Amnis quidem perexiguus, & impar tanto Monti progenies, sed Poetarum carminibus, & Sebethi nomine celebris, fama maior, quàm alueo. Non procul hinc ad Vesuij radices frequentibus pagis, castellisque conspersas celeberrima oppida, Herculæanum, & Pompeij, pæne dixeram, sedent, decipit recentem memoria pristinæ felicitatis. Dicendum potius, iam sederunt, defederunt; nunc vana nomina, & nihil præter cinerem, ac ruinas, documenta posteris, Vrbes quoque esse mortales. Inde quâ litus flectitur ad meridiem, visuntur antiquæ
 Sta-

Stabia, seu potius vmbre antiquarum. Secundum
 has, æstiuæ delicia; Surrentum: cui breui spatio
 iungitur Massa Lubrensis, peruetusta Mineruæ se-
 des, à qua Promontorium appellationem accepit.
 Hinc angustissimo, ac procelloso freto diremptæ
 Capræ; Insula Tiberij domicilio, qui Urbem Scia-
 nò dilacerandam dederat, non tam nobilis, quam
 infamis, nempe flagitiorum latebra. Hæc in au-
 strum obuersa, in altissimam se rupem attollens,
 certare videtur culmine cum Vesuio, quem rectè
 prospectat è mari, sed aspectu ipso humilior de-
 prehenditur, & infra Vesuianum iugum. Hic situs
 Montis ex ea fronte, qua mare despicit, & cadens
 sem Solem, ex altera verò, qua Solem nascentem
 excipit, in amplissimam Palmæ planitiem desinit,
 atq; arua latissima. Iacent sub eo Vesuij vertice,
 quasi sub vmbra, ac tutela Montis innumerabilia
 per campos oppida. Inter quæ vibs Nola conspi-
 citur, tum Felicis, ac Paulini memoria, tum Anni-
 balis clade, quem primò docuit posse vinci, &
 Marcelli victoria celebris. Hæc Vesuius. Apenni-
 nis montibus iungitur, qui dorso Italiæ totius im-
 positi ad Alpes usq; tenduntur. Ab ijs tamen inter
 se tractim connexis superba quadam ostentatione
 diuisus, & in semet fidens, longè altius tollitur,
 quasi ceteris imperaturus. Per tria passuum fere
 millia euaditur ad cacumen. Ad medium usque
 Montem iter clementissimum, cliuo sensim fallen-
 te, & leniter accliu: reliquum verò præruptum,
 & asperum, vt ad apicem non tam ambulando,
 quam reptando enitare. In vertice non parua pla-
 nities: quamuis Montis ex imo cernentibus appa-
 reat.

reat fastigiatus in cuspidem: vnde longè, latèque despectus patet ad campos, & maria. Tota inde Campania prospici potest vnico proiectu oculorum, quasi sedens sub vnus Montis imperio, quod in tyrannidem, ac vastitatem euasit. Certè nihil Vesuuio, vt ira, æstusque detumuit, aut iucundius, aut vtilius. Totus ex orientali latere, quà continēti iungitur, cultura patiens. Summa sui parte nemora procera, & antiqua sustinet, Montis vertici capillamentum: quo, dum per hyemem albet niuibus, quasi canitiem ostentat. Inde cæduæ trahuntur syluæ siue ignis pabulum, siue nauium materies, destinatæ aut flammis, aut aquis. Montem reliquum ex vmbilico ad ima vites vestiunt: quæ non, vt plerisque in locis, repentes humi, sed altis adnixæ populis, ramis vtrunque multiplici flexu implicatis, mutuo complexu in arbusta confurgunt: vt mirum non sit, dici à Floro *inter Campanie montes amictos vitibus pulcherrimum omnium Vesuuium*. Pulchritudini respondet vbertas. Integrum quandoque ex vna vite dolium repleri affirmant. Vina habentur in pretio tum sapore, tum robore, vinetis latè apricantibus, & Sole percoctis, arenoso etiam solo humoris luxuriam depascente. Incendium, nisi aqua domentur, venis excitant: in quo agnoscas Vesuuium. Prima nobilitas albis, quæ Græca vocitât, peregrina etiâ ad vites traducta literatura. Sanè ijs Græca fides. Quippe largiuse posita, dū palato, ac stomacho blandiuntur, capiti mouliuntur insidias, mentēq; dimouent Baccho perfusam. Laudantur etiâ rubra, succo apud omnes nationes inclyto. lacrymas appellant, funestum omen

Mon-

*Florus lib. 5.
cap. 16.*

Montis in vtraque fortuna lacrymabilis . Solum,
 quamuis vina fundat abunde, olerum semina non
 respuit. & nunquam feriata tellus, eodem tempore
 & vitibus, & seminibus pabula, succumq; sufficit,
 quodque captum superat, nullo flumine, nullo ne-
 riulo quidem, aut fonticulo irrigata. Par in occi-
 dentali Vesuij fronte fertilitas, sed non vbique
 constans. nam quā Neapoli iungitur, omnia non
 ad foecunditatem solum, sed etiam ad voluptatem
 composita. Montis fere semper herbescentis viridi-
 tas, qualem nulla ars pennicillo imitari, sola natu-
 ra nutu possit effingere. Cæli semper verna tem-
 peries, quæ omnes anni partes pari amoenitate
 percurrit. Quod causæ est, cur non solum villæ, ac
 prædia, sed oppida quoque, pagique plurimi quā
 lateri, quā margini Montis insistant. Visuntur hic
 hortilectissimi, arte, manuque confiti. inter quos
 longæ ambulationes concameratæ in fornices,
 buxo, myrtoque contextæ in multiformes aspe-
 ctus ductili. Sylvæ aureis pomis refertæ, Ver-
 per hyemem in frondibus prope sinaragdinis pe-
 rennante. Fontes inter gemmea prata pellucidi,
 aquas per tubos exilientes marmoreo labro exu-
 dant. His Vesuius blanditijs cineri præludit, ac
 flammæ. Quanquam ex eo latere, quo demittitur
 in oppida, Pompeios, & Stabias; ipse sibi constat,
 ac se verè prodit Vesuium. Horret ibi saxis exe-
 sis, tætris, perustis, quæ vetus adhuc incendium
 spirare, & nouum minari videantur. Inter hos ta-
 men præruptos scopulos verius, quàm rupes vir-
 gulta quædam sponte nascuntur. quæ ignis pabula
 maximè ad coquendos pahes accomodata, non

hic-

mediocre lucrum apportant: vt: vel ipsa Vesuuji
 saxa, dum flagrant, nobis aurum excudat. Demum
 ne ipsa quidem vorago fructu vacat, & lucro. In-
 ter ipsos hiatus perforati montis, & terræ dehiscen-
 tis abscessus, quæ gemino interiecta vertici, vallis
 decubat, pascua læta reperiēs, æstate alendo peco-
 ri aptissima. Nam, quæ imminent annosæ quercus,
 æstum ingentibus ramis propellunt, mitius inter
 umbras cadente Sole. Patuere cælo Montis viscera;
 vt se totum nobis euisceraret ad fruges, aurum
 certè nullo fossore daturus, si condidisset. Quan-
 quam quæ fodinæ tantum auri contegunt, quan-
 tum Vesuuji exhibet? Decies fere centum mil-
 libus aureorum æstimatur id, quod singulis annis
 ex hoc Monte deuehitur. Tantum in vno iugo ad
 humanam vitam præsidij parens Natura consti-
 tuit. Sed profectò nihil ex omni parte beatum.
 Rara omnino apud mortales, aut nulla est sincera
 felicitas. Ingentibus bonis ingentia mala eadem
 Natura permiscuit, non, vt quidam rentur, ex parē-
 te nouerca, & odio plane nouercali; sed sapientis-
 simo consilio cauens, ne animum inescaret nimia
 dulcedo fortunæ. Ex eodem Vesuuio vina, &
 flammæ; segetes, & cineres; annona, & vastitas;
 pabula, & clades; vita, & nex. Ambigas, an plus in-
 de detrimenti vno die, quàm vno seculo emolu-
 menti proueniat. Non semel arsit incredibili Cam-
 panix totius perniciæ, cuius toties funus elatum
 quoties funereis facibus præluxit Vesuuji. Huius
 à Christo nato conflagrationes duodecim ante
 postremam hanc, quam oculis hausimus, hæcenus
 ex historijs comperi.

Prima conflagratio contigit Anno octogesimo primo, Kal. Nouemb. hora septima, cuius meminit Suetonius, Dio, Plinius iunior, Orosius, Nicephorus, ac plerique alij. In hac conflagratione, vt ait Dio, *cinis duas vrbes, Herculanium, & Pompeios, populo sedente in theatro, penitus obruit*. Corruerant etiam hæ paulò ante sub Nerone, breui postea interuallo instauratæ, illata quidem ab eodem Vesuuii clade, non publicitus per exilientes flammās, sed latenter per interclusos spiritus, ac terræ concussionem. Id causæ est, cur hanc inter Vesuuij conflagrationes non numerem. In quo à veritate deflexit Io. Boëcacijs in tractatu de Montibus, vbi Vesuuijanum sub Nerone refert incendium: cum sub eodem, nulla incendij mentione facta, terræmotum referat Seneca, fortasse ad Neronianæ cades contremiscente tellure, suppressa intra Montem flamma, neque audente Vesuuii certare de sæuitia cum Nerone. Lapsi etiam videntur Eusebius in Chronico, & Platina in Benedicto II. quorum alter hoc incendium ad Neruæ, alter ad Traiani tempora referunt: cum ceteri omnes recenscant idem sub Tito. Neque discrepat Nicephorus testatus *Vesuuium euomuisse incendia sub Vespasiano*. nam hic vnà cum Tito imperauit, iunctis Imperij fascibus. De hoc eodem incendio loquitur Tacitus, qui, cum descripsisset Parthenopæi crateris fatigatas Tiberij luxu delitias; *Antequam*, inquit, *Vesuuius mons ardescens loci faciem verteret*. Extat ad eundem Tacitum de conflagratione hac Plinij iunioris epistola, in qua auunculi sui obitum ab obliuione vindicatū, posterorū memoriæ consecrauit.

Suet. & Dio
in Tito.

Plin. iun. lib.

6. in epist. ad

Tacitum.

Orosius lib 7.

c. 9.

Niceph. lib. 3.

c. 12.

Cedrenus in

epitome.

Zonaras lib.

2. annali.

Sabellicus

enn. 1. lib. 6.

Io. Boëcat. in

trat. de mon.

Senec. in lib.

de terram.

Eusebius in

Chron.

Platina in

Bened. II.

Niceph. lib. 3.

c. 12.

Corn. Tacit.

Annal. lib. 4.

Plin. iunior

epist. cis.

secravit. Præerat ille classi maritimæ Miseni. cumq;
Vesuvianum incendium propius inspecturus qua-
driremi Stabias accessisset, inter igneos afflatus
intercepto spiritu interiit, scribendi, quàm vivendi
peritior. Præbuit viro de Natura an optimè, an
pessimè merito cum nece rogum Vesuvius. qui
Basum etiam poetam nescio quem, vt Abulensis
testatur, vorauerat, Aetnæ in hoc quoque æmula-
tor; cuius hiatus Empedoclem condidit.

*Abulens. pæ-
rad. s. c. 101.*

*Moratus in
Pœtica.*

*Xiphilinus in
Seuero.*

*Galen. lib. 5.
meth. c. 12.
Montanus in
vita Galen.*

Secunda conflagratio contigit Anno ducente-
simo quarto sub Seuero. Huius meminit è Dione
Xiphilinus in Seuero anno decimo, qui in hunc
Christi annum incidit. Huc spectare incendium,
de quo, quasi de seculi sui luc, Galenus loquitur,
facilis est coniectura: cum Seuero temporibus
vixerit.

*Maiolus col-
loq. 16.*

*Baron. in no-
tis Mart. ad
19. Sept.*

*Marcellus in
Chron.*

Tertia contigit Anno quadragesimo septua-
gesimo secundo. Hanc tertio loco colloco. ete-
nim, quam Maiolus refert à Ianuario compressam
adhuc superstitè, vt spuriam, ac nullius antiquio-
ris testimonio sultam reiicio. Hanc verò non, vt in
notis Martyrologij, Anno quadragesimo sep-
tuagesimo primo, sed septuagesimo secundo, sup-
putandam esse ex iisdem notis colligitur. vbi au-
ctor testimonio nititur Marcellini in Chronico;
qui hoc incendium non refert sub Indictione no-
na, Leone, & Probiano Coss. vt perperam in ijs-
dem notis, sed Anno insequenti Indictione deci-
ma, Marciano, & Festo Coss. ad quem Annum id
etiam reuocant Sigonius, & Procopius. Hoc in-
cendium toti Europæ formidandum, Bizantinis
cineribus nobile, clarius redditum, cum Ianuarij

*Sigon. de Imp.
Oscid. lib. 14.
Procop. lib. 2.
de bel. Goth.*

patro-

patrocínio extinctum. Cessit exinde Vesuvius velut in aram Martyris: & ereptus flammarum periculo terrarum Orbis Ianuarius assertorem agnovit.

Baro. in notis Mart. loc. cit.

Quarta conflagratio contigit Anno quadringentesimo septuagesimo tertio. Meminit huius Procopius, testatus pluviis cineres in Phœnicia Tripolim decidisse.

Procop. lib. 2. de bel. o Goth.

Quinta contigit Anno quadringentesimo septuagesimo quarto. Indicat hanc verius, quam narrat idem Procopius. qui, cum incendium retulisset Anni quadringentesimi septuagesimi secundi: addit ab eodem Vesuvio illapsum cinerem Anno insequenti, & altero. Tria hæc per tres annos succedere sibi continenti serie incendia: ne nos vno incendio defuncti, periculo etiam, metuque defunctos arbitraremur. enimvero crescit quiete plurimum seculorum, collecta ex longo rabies, quæ in plures annos effunditur: neque semper tanta vorago clade vnica satiatur.

Procop. ibid.

Sexta contigit Anno quingentesimo duodecimo. Refertur à Sigonio, & (vt idem animadvertit) de hac scripsit Cassiodorus celebrem illam epistolam, in qua grandiore stylo rei magnitudinem assequitur. Porro arguuntur erroris ij, qui eandem epistolam trahunt ad conflagrationem Anni quadringentesimi septuagesimi secundi: cum Theodoricus, cuius nomine data est, regni gubernacula sit aggressus Anno quadringentesimo nonagesimo tertio.

Sigo. de Imp. occid. lib. 16. Cassiod. lib. varia. ep. 50.

Baro. To. 10. Gual. in chr. seculo 4.

Septima contigit Anno sexcentesimo octogesimo quinto. Huius meminere Sigonius, Sabellius, Platina. Contigit autem sub Constantino,

Sigon. de Regno Ita lib. 2. Sabell. Eunn. 8. lib. 6.

*Plinius in
Boned. II.
Theatr. vita
huc. lib. 3.
eclum. 23.*

*Procop. lib. 2.
de bell. Goth.*

non primo, vt quidam falsò, sed quarto, vt auctor est Sigonius. Hanc recenseo septimam. Nam, quam alij contigisse narrant Anno quingentesimo tricesimo septimo, seu potius octauo, Anno post captam à Belisario Neapolim (si Procopio credimus, ex quo id alij se fatentur hausisse) non conflagratio fuit Vesuuij, sed mugitus. quo audito, quasi classicum præcinuisset, solitum à Monte bellum, hoc est, incendium timebatur, timore, vt euentus docuit, irritò.

*Sigon. lib. 7.
de Reg. Ital.*

Baro. To. 10.

*Petr. Dam. in
epist. ad Domi-
nicum Loric-
atum.*

Octaua conflagratio contigit Anno nongentesimo octogesimo secundo, vt Sigonius, vel tertio, vt Baronius. Quippe Mons flagrauit sub aduentum Othonis II. in Italiam, quem huic anno adscribit Sigonius, proximè insequenti Baronius. Hoc incendium, vt supra è Petro Damiani narrauius, malorum Dæmonum facibus excitatum, Ioāni Neapolitanæ vrbs Duci, & Pandulpho Capuæ Priacipi funestissimæ fuit mortis auspiciū, igne Vesuuiano euadente in portentū, ac prope in cometen, omen claro plerūque sanguine expiatū. Conflagrationem hanc octauo loco recenseo. neque enim eam admiserim, quam alij obtrudunt in Annum octingentesimum septuagesimum nonum: cū hanc sponte consingi appareat ex ipsomet teste, quem producant, nempe Eremperto: apud quem ne tenuis quidem huius incendij fumus. narrat enim tantummodo Saracenos ad Vesuuij radices castra posuisse, indeque excursionses fecisse. quod non est è Monte flammiam exarsisse, sed bellum.

*Erempert. in
chro. Longob.*

Nona contigit Anno nongentesimo nonagesimo

mo tertio. Meminit Baronius ex Glabro Rodulpho monacho Cluniacensi, scriptore illorū temporum. Ad hanc reuocanda sunt ea, quæ ex Petro Damiani diximus de Guaimario Salernitano Principe. qui, dum proxima post incendium nocte cum pellice, periculi securus, metuq; solutus concumberet; infelix subito extinctus est, Vesuuiano igne Tartarei veluti prodromo. Enimvero, cum nepos eiusdem nominis, ex Cassinensi Chronico, diem extremū obierit Anno millesimo quinquagesimo primo; constatque auum decessisse in incendio Vesuuiano: id ad anni huius incendium referri commodè potest. si quidem inter obitum aui, & nepotis interualla temporū sibi congruunt.

*Baro. To. 10.
Glaber Rodulph.
apud eundem.*

*Petr. Dam.
epist. cit.*

Cass. Chron.

Decima conflagratio contigit Anno millesimo tricesimo sexto. Huius meminit Anonymus Cassinensis in Chronico. Neque audiendi sunt ij, qui Capaccij auctoritatem secuti, aliam ante hanc conflagrationem agnoscunt Anno millesimo vicesimo quarto. nam idem dubitare se fatetur, an contigerit sub Benedicto VIII. an sub IX. sub quo eam ponit Anonymus. cui, tanquam antiquiori, fidem conciliat ipsamet superioris æui veneranda canities.

*Anonym.
Cassin. in
Chron.
Capaccius in
kistor. Neap.
lib. 2. c. 8.*

Vndecima contigit Anno millesimo centesimo tricesimo nono. Ita Falco Beneuentanus, & idem Anonymus Cassinensis in Chronico. qui refert, *per quadraginta dies Vesuuium incendia eructasse*: ne scilicet diluuiū aquarum mora temporis cederet, quod diebus totidem perdurauit, hausitque Orbem terrarum. Hanc Anonymus collocat sub Anno tricesimo octauo. Sed videtur loqui pu-

*Falco Beneu.
& Anonym.
Cassinensis in
Chron.*

gnantia: cùm dicat, hoc anno incendij Romæ cōcilium celebratum de damnatione partis Anacleti, & obijſſe Rainulphum Apuliæ Ducem. quæ quidem duo eueniſſe conſtat anno proximè ſequenti: ſub cuius faſtis refert incendium Falco Beneuentanus in Chronico, ſcriptor eorundem temporum. Ante conflagrationem hanc conſultò aliā omitto, quæ refertur à Leone Oſtienſi ſub Anno milleſimo nonageſimo quarto, fatalis, vt Leo narrat, Pandulpho Capuæ Principi. Hæc autem contigit, teſte Petro Damiani, cuius pæne eadem verba tranſcribit Leo, ſub aduētum in Italiam Othonis II. qui incidit in Annum ſiue nongentefimum octogefimum ſecundum, vt probatur Sigonio, ſiue tertium, vt Baronio. Neque me fugit, eundem Baronium ſemet erroris accuſare, quòd Pandulphi huius mortem, anticipata plus æquo narratione, retulerit Anno nongentefimo octogefimo tertio; traducendam ad Annum milleſimum quadageſimum nonum, quo conſtat Pandulphum Capuæ Principem è viuīs ereptum. Sed proſectò, niſi inſimulare velimus erratū Petrum Damiani, & Deſiderium tunc Caſſinenſem Abbatem, poſtmodum Victorem III. cùm duo Othones Secundi Imperatores geminari nequeant; duo Pandulphi, Capuæ Principes admittendi ſunt. Alter, qui vnà cū Ioanne Neapolitanæ vrbiſ Duce, imperante Othone II. è vita exceſſerit inter excurrentes è Veſuuii flammas, ſempiternæ vtrique flammæ prænuntias; quemadmodum paulò ante, iſdem auctoribus, narratum eſt. Alter, ad quem multò poſt vita functum Leo Oſtienſis, ſimilitudine nominis

*Leo Oſt. lib. 2.
cap. 84.*

*Petr. Dam. in
epiſt. ad Do-
minicum Lo-
ricatum.
Sigonius lib.
7. de Regno
Italia.
Baro. To. 10.
Idem To. 11.*

minis deceptus, ea detorqueat, quæ priori Pandulpho à Petro Damiani, & Desiderio Abbate, sub Vesuiianum incendium tribuuntur. Nimirum ipsam antiquitas tenebras offundit historijs: cum multa per annorum lapsus intercident, & quadam veluti fumosæ vetustatis caligine intra temporum inuolucra condantur.

Duodecima conflagratio contigit Anno millesimo quingentesimo. Huius meminit Ambrosius Nolanus, ex quo Capaccius. Hanc quidam propterea rejciunt, quòd nulla à maioribus nostris ad nos traducente memoria, tam recentis incendij scintilla deuenerit. Addunt deceptum Ambrosiũ, à cinere, qui sub idem tempus Puteolis depluit. Equidem non facile adducor, vt credam hominem, instituto Philosophum, patria Nolanum, surgentem in prospectu Nolæ Vesuium non discreuisse ab vrbe Puteolis, ex aduerso Montis collocata. Hæ conflagrationes à Christo nato præluxere postremæ huic Anni millesimi sexcētesimi tricesimi primi: cuius narrandæ prouinciam suscepimus. Plures nõ adnumeratæ, quia veras à fictitijs excreuimus. Nullam antequam Christũ Vesuij conflagratione agnoscat Maiolus: sed primam omnium recenset sub Tito. quod tum è Strabone colligit dicente, nunquam antea incendium Vesuiianum auditũ; tum à Plinio. qui scriptor naturalis historiæ neque Vesuium inter Montes incendio celebres collocat: neque eiusdem insanas eruptiones prænouerat, quando in eas imprudens incidit, ignoratorem testatus interitu. Verum in re apertissima hæ coniecturæ planè nihil efficiunt. Quippe Plinio

Vc-

*Maiol. col-
leg. 18.
Strabo lib. 5.
Geogr.*

Vesuvius excidit, quem non erat calamo nobilitaturus; sed funere. In flammam verò Vesuvianam incidit videndi avidior; quàm vivendi; Dei numen, ac nutum, quem è medio planè sustulerat, flammis vlcifcente Natura. Quòd verò ad Strabonem spectat, ex eodem oppositum colligo: cum ibidem animaduertat è combustis lapidibus iam tunc Monti adiacētibus præterita incēdia conijci. Et verò Berofus (si tamen Berofus, & non alius quispiam suppositio nomine) incendium Vesuvianū omnium ætatum memoriæ antiquissimum refert his verbis. *Italia tribus in locis arsit multis diebus apud Istros, Cymeos, & Vesuvios: vocataq; sunt à Ianigenis loca illa Palensana, idest, regio cōflagrata.* Collocat autem hoc incendium sub Anno tricesimo secundo Aralij Assyriorum Regis VII. qui vixit anno Mundi bis millesimo, centesimo nonagesimo septimò, diluvij quingentesimo quadagesimo primo: vt non multò post diluvium aquarum has ignis excursiones veluti prænuntias haberemus ignei diluvij, claudentis vitæ humanæ fabulam conflagratione Orbis terrarum. Huiusmodi incendium eodem fere tempore evenisse traditur, quo aduentus Phaethontis in Italiam. Quamobrem ansam existimatur dedisse fabulæ, quòd Phaethon solaris currus auriga novus, devios equos tractandi nescius terras perussisset: quibus adumbrabatur Vesuvianum incendium, Solis, vt putabant, solito ardentioribus radijs excitatum. Hæc ex Ioanne Annio Berossi interprete. Neque Berofus, aut quisquis auctor ille sit apud Possseium, & pleròque suspectæ fidei, incorruptis testibus

Plin. lib. 1. c. 7

Berofus antiquus.
lib. 5.

Io. Annio in
locum cit.
Berossi.

Possseius in
Bibl. lib. 1.
cap. 16,

bus destituitur. nam Lucretius ita cecinit;

Qualis apud Cumas locus est, montemq; Vesuvium, Lucr. lib. 5.

Oppleti calidis ubi fumant fontibus auctus.

Quamuis hunc locum aliter legant alij, reponentes perperam contra metri leges, Misenū, pro Vesuo. Florus etiam refert, prope Nolam obsessos à Clodio Glabro in bello. seruii seruos, per cauas Vesuij fauces viteis funibus occultè lapsos, repente in hostes irrupisse improvidos, nec opinantes. Causus ergo iam tunc per patentès fauces ad imam voraginē aditum præbebat Vesuuius, non dubiū antiquioris conflagrationis indicatiū. Strabo præterea fertilitatem camporum, qui sub Vesuuiō iacēt, cineri adscribit sæpius in ea loca delapso. His accedit Vitruuius testatus, *incēdia Vesuij antiquitus abūdasē.* Adstipulatur iisdē Diodorus Siculus.

Lambinus in
Lucr.
Florus lib. 3.
de bel. Spartaco cap. 26.

Vitruvius
lib. 2. c. 6.

Diodor. Sicul.
lib. 4. Bibl.

Qui quidem omnes floruerē sub Augusti imperio. Addit Diodorus, *campos Phlegreos dictos à colle, qui olim plurimum ignis, Aetna instar, euomens nunc Vesuuius vocatur.* vnde liquidò colligas, Montem hunc antiquissimè Phlegram dictum; campos Vesuuianos, Phlegreos, assentientibus Strabone, & Plinio, à quibus id hausit Sabellicus. Hi, vt idem animaduertit, campi sunt illi Phlegreæ, quos mendacijs Græcia insperfit suis, cum cecinit, bellatum in ijs à Gigantibus contra Deos, debellatis primum ab Hercule, qui ibidem Herculaneum condidit, tum fulmine, & igni hac, illac disiectis, fulmina, & ignes etiam num regerētibus aduersus Cælum. Itaque ex antiquissimis conflagrationibus Mons hic sedes Gigantei belli confectus, & Phlegra dictus, postmodum Vesuij nomen accepit. quæ

Strabo lib. 5.
Plin. lib. 3.
c. 5.

vox, hausta fortasse significatione ab antiquioribus Græcæ linguae fontibus; idem significat, ut testatur Galenus, *ac ignem emittens*: ut infitum Monti huic incendium ipsamet sonet, ac spiret nomenclatura: ac tum demum ignem emittere designat, cum defierit esse Vesuvius. *Meminere etiam Vesuvianæ flammæ inter Patres Boetius, ac Tertullianus: ille his versibus,

*Aut ruptis quoties vagus caminis
Torquet sumiuomos Vesuvius ignes.*

*Tertul. apol.
contra gen.
cap. 40.
Idem in lib.
de pallio c. 2.*

Tertullianus verò in Apologetico contra Gentes, ubi Christianam religionem ab ea calumnia vindicans, quod calamitates Romano imperio importasset, *nec Tuscia*, inquit, *atque Campania de Christianis querebatur, cum Volturnus de Celo, & Pompeios de suo Monte perfudit ignis*. Hæc ille. è quibus non obscure assequi coniectura licet Vesuvianum incendium ante Christum; quo etiam conflagrarint Pompeij: cui oppido familiare malum conflagratio. Quippe si id, quod Tertullianus recenset incendium, contigisset post Christum, corroboraret eo argumento ethnicorum calumniam, non eneruaret. Denique controuersiam dirimit Dio, qui narrans incendium à Vesuvio excitatum sub Tito, aperte testatur, *hæc in eo fere quotannis fieri solere*. Hinc arguas multò sæpius, quam adnotauimus, arsisse Vesuvium. Sed minora quidem incendia, quibus ob assiduitatem animus occalluerat, ab historicis neglecta: clariora verò luci, ac memoriæ mandata; eorumque veluti fauillæ transmissæ ad posteros. Inter ea omnia postremum hoc, quod adhuc viuit incendium, non postremum obti-

net

net locum. Conuenere in id vitum, quæ apud veteres annales in ceteris distributâ reperio, pluuia cinerum, iactatio lapidum, torrentes ignei. Illa singularia, & quæ priorem memoriam superant. Vesuij bombus auditus non in Apulia solum, ac Samnio, sed etiam vltra Adriaticum in Dalmatia: lapis pluuius non modò, vt sub Tito, in agro Vesuuiano, sed procul quoque in Melphitano, vbi ferro insuper pluit, & chalybe: cinis vltra primam aeris regionem euectus, & ad decem fere millia passuum supra Montis apicem elatus, mathematico Quadrante altitudinis exploratore: Fons prope Pompeios in cœnobio monachorum S. Petri Cælestini simul aqua manâs & igni, parua quædam Montis per id tempus flamma, & vnda debacchantis effigies: aquarum vnâ cum ignibus eruptio, quæ sola vastitatem importasset: ignis indeptus maria, & in vndas, quasi in alienam ditionem, intrusus, per decem dies, & eò amplius exardescente fluctu; hæc profectò antiquitati noua, futura fortasse posteritati vnica. Illa etiam admirabilia, atque antea vix audita. Quercus, duæ è Monte diuulsæ, & halitu igneo in viam publicam exturbatæ inter Herculânium, & Pompeios, radices ibidem subitò iecerunt ex sese, flamma ipsa veluti conferere condiscente. Arbor alia eradicata, veras cælo radicum fibras ostentat, ramis terræ suffixis, inter clades, Naturæ lusus. Prædium integrum prope Herculânium cum arboribus, pecudibus, casa, è sedibus diuulsum suis, atque in altum elatum, mox eodem spiritu ductum longius: vt, mutatis vicibus, cum ignis tellure deflueret, tellus

L

per

per aerem volitaret ! Non defuit aliquid inter tot lacrymas risu dignum . Cella vinaria dimota ex agro Nolano, procul inde ad Palmæ planitiem integra vnâ cum dolijs traducta . quæfita , reperta , agnitum solum, parietes, fores, dolia . Solum integrum, parietes erecti, fores obfignatæ, dolia intacta . sedem hæc, non fortunam mutauerant . Quod subdo, minus ad speciem, sed non extra ostentum . Vidi ego Herculani, quæ inter bituminatas flammæ obdurauerant, mella planè saxea, nouo prodigio priscis aduersante, neque, vt olim, *mel de petra*, sed è melle petram reddente . Allatum est etiam humanum caput, quod speciem lapidis induerat, tanquam è lapidicina recens excisi . caput hominis dicebatur . lapidem ego esse, iureiurando affirmassem: nisi minuta etiam lineaméta verticis, & quæ nulla confingi arte poterant, ossiculorum vertebræ fidem miraculo ita fecissent; vt circumferri inhumatum religioni duxerim . Ouidianas metamorphoses, & Niobem Gorgoneo Medusæ aspectu obuersam in lapidem, fabulis decantatas, inter historica prodigia comperi, non iam Silari flumine, vt auctor est Plinius, iniecta omnia reddente lapidea, sed igneo, & bituminato torrente . Iam verò, quod ad perniciem attinet, vicinus profectò maiorum memoriam clade nostra . Oppida Pompeios, & Herculano nouimus, Vesueo conflagrante, Tito imperante, euerfa . Nihil tum de pagis alijs traditum . Contumulati nūc cum Pompeijs, & Herculano multi pagi, atque oppida condecorauere cladem . Plures, quàm triginta, numerantur . S. Georgij, S. Sebastiani, Boschi, Massæ,

No-

Dentur. 32.

Plin. lib. 1.
c. 103.

Nouellæ pagi funditus perierè. Nihil pæne in his
 flammam euasit, non domus, non casa, non arbor,
 non stipès, non res, non reclusa. Octauianum, oppi-
 dum Octauiani Medicei ditiori subiectum, Octa-
 uiani Augusti hospitio nobile; Retina, Porticus,
 Trochia, Pollena, Summa, à quo oppido Mons
 apud Italos appellationem accepit, magna ex par-
 te vel diruta, vel sepulta. S. Anastasius, Barra, Leu-
 copetra, non fuere sine querela. Nolæ amplissima
 Virginum cœnobîa collapsa: plurima etiam spo-
 liata imbricibus testâ non tégunt. In pagis Mari-
 liano, Brusciano, Cisterna, Siciniano, Pomiliano,
 Castronouo magna ex aquis; & cinere clades ac-
 cepta. Mitto Montemfortem, Abellinum, Tripal-
 dam, Forinum, Solophram; aliaque oppida non
 pauca: quæ, quamuis procul à Vesuuio distent;
 præsentissima tamen damna senserunt. Quinque
 ferè millia hominum hoc incendio extincta cre-
 duntur. Tanta interuicione iustæ diuini Numinis
 iræ parentatum est. Iactura bonorum, quàm auget
 præcipuè agrorum vastitas, & armètorum clades,
 tanti à peritioribus æstimatur; vt magnitudo ipsa
 minuât fidem. Supputatur summa bis centies cen-
 tum millium aureorum. Ità in eo lapidum iactu di-
 lapidata bona Campaniæ pæne totius; & tot secu-
 lorum opes in vnius diei rogum congestæ. Equi-
 dem, quid de tam ingenti iactura omnino, & ada-
 muissim sentiendum sit, non decerno. Expendat
 quisque pretium ad suæ lance prudentiæ. Illud
 generatim affirmo, quod à cordatis sapius audio,
 in ceteris famam dicendo inualescere; in Vesuili-
 no incendio minorem esse famam, quàm flammâ.

*Cassiodor. lib.
var. epist. 50.
Deo in Tite.*

Neque id mirum. Nempe Vesuvius (ut ille, qui
oliū Dianæ fanum incendit) famam sibi captavit
à flamma : quæ tamen ne ipsi quidem pepercit.
Integrum perstare ex utroque latere Montem,
dum flammis cetera diruit, mirantur Cassiodorus,
& Dio. nunc nō prius in ruinas aliorum incubuit,
quàm sibi pararet suam. Erat Vesuvius, ut modò
diximus, biceps, geminis, ac præaltis rupibus in
cælum erectus. atque in eo vertice, quò mari su-
biecto imminabat, vorago quædam spectabatur
perexigua, quæ nihil de acuminato, ac veluti tur-
binato fastigio detrahebat. Hæc, si Octaviani op-
pidi incolis, quibè venatum itabant, habenda est
fides, paucis ante conflagrationem diebus obstru-
cta est, lateribus inter se coeuntibus. Omnia quip-
pe venatores in summo Monte plana, & æquata
se reperisse testantur. Quæ subita obstructio, profe-
ctò admirabilis, oriri aliunde non potuit, quàm à
subterraneis spiritibus, qui substratum voragini so-
lum ad Montis usque cacumen extulerint, hia-
tumque præcuserint. Hinc factum arbitror, ut flā-
ma, cum seuire cœpit incendium, non è fastigio,
sed (ut plerique constanter affirmant, qui rem at-
tentius, ac propius inspexere) è latere Montis
erumperet, novis hiatibus patefactis. quibus post-
modum materia decidua faciliè oppletis, flammæ,
ac spiritus, dum in sublime tolluntur, ac priori re-
tectæ voragine, pristinum exitum retentant, ipsum
Montis apicem exturbarunt, quasi obruncato
Vesuvii capite in ipsa molitione criminis. Conces-
sum sanè communis ruinæ solatium, supplicium
etius, qui intulit : & si sub tantam cladem iocari li-

cet amarius, Mons tanquam publicus incendia-
rius multatus est. Iamque ex occidentali latere si-
ne ullo culmine apparet, magna etiam sui parte
deiectus. Ducētis fere quinquaginta passibus geo-
metricis, si cum altero Montis vertice conferatur,
decubuisse Mathematici deprehenderunt. Desce-
uerat olim flamma in Montis viscera, innoxius ijs,
quæ prominebant: nunc apex, & collum euanue-
re, tunc euiscerato, nunc decurtato Vesuii. quā-
tumque accreuit hiatui, tantum de Monte decre-
uit, planè in voraginem decessuro, si ulterius flam-
ma grassetur: Non desuere quidam paucis ante
diebus ausi procumbere ad os voraginis, qui affir-
mant eam solo terminatam (quantum oculo iu-
dice conijci poterat) mille fere passus desidente
infra crepidinem: summum nouem ibi è caueis in-
sublime submitti magno montis murmure, illique
simillimo, quo intra caminos crepitare solet ignis,
dum æstuat: fumeos per foramina turbines, mul-
ticolores assurgere, quæ nigricantes, quæ candicā-
tes, quæ subuirdes, quæ subrufos pro materiæ dis-
crimine, vnde ducuntur: primum ferri diductos;
tum sensim coire, donec circa Montis cacumen
coalescant in nubem: à qua nos adhuc cineream
procellam, atque imbres igneos formidamus. Hic
status Montis, dum hæc scribo.

Causa, & origo conflagrationum, vt extrema
narratione ad hanc tandem accedam, à quibusdā
refertur ad congressiones, aspectusque syderum:
nimirum cum exorbitans octauus circulus in Mar-
tis afflatum igneum incidit. Ego imbecillis esse
duco ingenij, ad latentes, & generales causas con-
fugere

*Io. Annus in
Beroli antiq.
lib. 6.*

fugere in ijs, quæ apertas, & propiores agnoscunt. Sinamus, quæso, sydera scintillare innoxia: & incendiarium terris deprehensuri, Cælum tanto crimine liberemus, Astrologis astra incusantibus, à quibus ipsorum mendacia verius accusentur. Alij, vindicato ab ea calumnia Cælo, causam subterraneis ignibus tribuunt, Vesuij viscera exedentibus, quæ exesa, & exusta cogatur egerere. In hanc, quia plana videtur, captique perfacilis, multi pedibus iuere sententiam: à qua ego magna ex parte dissentio. Non inficior, multa loca subterraneis ignibus ardere. sed aio ea, quæ sic ardent, loca die, noctuque vicissim fumum, ac flammam exhalare. Ita montes Olympus, & Theon in Aethiopia; Chimæra, & Hephæstij montes in Lycia, Cophantus in Bætris, Cestia apud Medos, Argeus in Cilicia, Hecla, & Helga in Islandia, Vulcanus in insulis Aeolijs, Aetna in Sicilia, & ne longè diuager, Puteoli ipsi prope Vesuiiuni. In his fere fumus apparet interdum, & saltem noctu flama collucet. Quod animaduertens Aristoteles, *Flagrant*, inquit, *in Medijs, & Psittacina gentis, ac Persidis confinio ignes; quos quidem interdum, noctuue percipere licet. qui verò in Pamphylia cremant, noctu duntaxat percipi possunt.* Vehementissima vis est ignis, dum caminis occluditur; & mox, facto sibi spiramento, foras erumpit. Porro Vesuium videmus per integra secula cōquiescere, nullo vnquam flammaram, nullo fumi vestigio. Quis credat, ignē perpetuò sub eo ardere consopitum, ac nullo se prodentem indicio, excitandum post secula? Clauditur intra Vesuium vis ingens bituminis, nitri,

Plinius lib. 3.

c. 106.

Arist. de admirandis audit.

33. & 123.

Maïolus coll.

16.

Conimbric in

Meteor. trad.

12. c. 3.

Arist. de admirandis.

33.

nitri, sulphuris. si æterna ibidem flamma clauderetur: cur per tam longas moras à paratissima sibi materia temperaret? Nūquam sanè oriatur ignis: admotam escam corripit incredibili voracitate, rerum heluo: neque profectò, quasi secularibus pactis inducijs, tamdiu abstinuisset à clade, si tamdiu sub Monte vixisset. Quod verò scribit Ambrosius Nolanus, cōsueſſe aliquos Augusto mense se in vaporaria conferre ad Vesuuium; id referendum non est ad flammās, quæ indidem perpetuò fumum exhalant; sed ad vapores spiritibus calidis immissos, sulphureo infusos halitu: qui capitum exiccando, tum etiam roborando hauriuntur salubriter. Equidem non negauerim, perennes aliquando ignes arsisse sub Vesuuio: sed per idem tempus fumo, flammaque se prodidisse arbitror, eodem plane modo, quo Aetna, montesq; ceteri, qui ignes nutriunt. Luculentissimum huic sententiæ testimonium ferunt Dio, Solinus, Procopius, Florus, Cassiodorus. Dio in Tito de Vesuuio loquens, *Fumum, inquit, interdum, noctu flammam reddit; ita ut in eo suffimenta cuiusvis generis fieri semper videantur.* Solinus, *Quod, inquit, in Campania Vesuuus, in Sicilia Aetna, hoc in Lycia mons Chimæra est, nocturnis æstibus fumum exhalans.* Procopius inter cetera, quæ de Vesuuio refert, *Ignem, inquit, ex ima parte existere quivis poterit cōspicari, qui in eius voraginis supernum os ausit procumbere. inde & flamma in semet confota altius excitatur: nulli tamē eius regionis homini negotiū exhibet.* Florus Vesunium esse affirmat *Aetnei ignis imitatore*. Denique Cassiodorus in epistola, quam præ-

*Ambros. Nolanus de s. n.
Nola lib. 1.
c. 1.*

Dio in Tito.

Solin. c. 49.

*Procop. lib. 2.
de bell. Goth.*

*Florus lib. 1.
cap. 6.
C. s. d. var.
ep. 1. 30.*

prælibauimus; Vesuium appellat *perpetuam for-*
niacem, arenas emittentem puniceas. Cum igitur mul-
tis ab hinc seculis neque ignis, vt antea, conspi-
ciendum se præbeat per os voraginis; neque inde
vicissim per diem fumus, per noctem flamma reci-
procent: iure conijci potest, Vesuij subterraneos
ignes per plures, & ingentes excursions auolasse.
atque adeo, cum nullum, nisi per interualla secu-
lorum, fumi extet indicium; nullum ibidem perpetuò ignem occludi, sed præuio materiæ apparatu
per interualla progigni. Huius originem inde pe-
tendam duco, vnde origo petitur ignis, qui è nube
prosilir, quando in tonitrum, ac fulmen eliditur.
Nubes quippe crebrius, quàm Montes, suis quo-
que exardescunt incendijs; quæ hoc fere modo
excitantur. Tolluntur spiritus calidi vi Solis è ter-
ra, aquosis immisti vaporibus, atque vnà quodam-
modo peregrinantur. dumque in aeris regione,
media, vbi grando, niuesque gignuntur, incremen-
to frigoris constipati vapores humidi concrescunt
in nubem: spiritus, quasi hoste obsidentè, per anti-
peristasin inter sese coeunt, & collecta vi acrius in-
calescunt. Vt incaluerè, laxantur: nam calor par-
tes laxat, quas frigus addenset. laxati spatiosorem
sedem exposcunt. nubes, ne perrumpant, obsistit,
illi ad latera nubis elisi, atque ipsa met conflictatione,
ac motu succensi, nube tandem disrupta,
eduntur in tonitrus, micant in fulgetra, erumpunt
in fulmina, terrores mortalium, excidia turrium,
clades montium. Eidem planè causæ Vesuiiana,
quæ identidem existunt incendia, adscribenda
censeo. Par conflagrationis vtriusque conditio, &
cuius,

eius, quæ intra nubium, & eius, quæ intra terræ viscera, gignitur. In hac quoque Mons intonuit: micuere fulgetra: exertati lapides ignei, vera fulmina. In eruptione fulminum concussio aeris; in eruptione Vesuviana terræ motus contingere. Ex eadem autem causa proficisci docet in meteorologicis Aristoteles *in terra terræ motum, in nubibus tonitrum*. Delitet intra Vesuvij recessus, perennis non quidem ignium, sed calidarum exhalationum copia. pars è vicino mari suffunditur: nam ijs mare abundat, unde falsedo; pars è cavernis Putcolanis transmittitur, brevissimo intervallo disiunctis; quæ perpetuis ignibus æstuant. pars intra Montis gremium virtute Solis efficitur: qui, quemadmodum aurum, argentum, ac metalla cetera, ita etiam in terræ sinu spiritus procreat, siue solari calore per meatus traducto, siue latenti, & occulta vi. Quapropter Aristoteles, à Sole, inquit, *in terra multus quidem extra, multus quoque intra fit spiritus*. Commi probat hoc idem olei scatebra, quod circa Porticus per latentes caueas è radice Montis emanat, morbis frigidis leuandis aptissimum, calidarum exhalationum index, quæ Montis gremio confoventur. Itaque, cum spiritus Vesuvij penetralibus occlusi, atque expiratione intercepta velut strangulati, se se foras efferre contendunt: ita cientur; ut multò acius recalescant: ita recalescunt, ut exardescant: ita exardescunt, ut tandem disrupto Monte in flammam erumpant. Hanc incendiolorum causam in libris Meteororum insinuat Aristoteles, qui, *terra*, inquit, *rupta, exiit spiritus multus, & famillam, ac cinerem eleuauit, & Liparaorum ciuitatem*

Aristot. lib. 2.
meteor. summa
4. c. 1.

Aristot. lib. 2.
meteor. summa
3. c. 2.

Arist. ibidem

existentem non longè, omnem incineravit: & ad quas-
dam in Italia ciuitatum venit . etenim facti ignis in
terra hanc putandum est esse causam . Sed quoniam
 hæc spirituum copia multis est insita montibus , à
 quibus nullum creatur incendium : potior aliqua
 indaganda est ratio, cur conditi intra Vesuuium
 spiritus conflagrent, idque non semper, non sæpe,
 sed per longissima interualla . Tria sunt, quæ rara,
 sed magna Vesuuio incendia pariunt, cauernarum
 vastitas , soli tenacitas , bituminis & sulphuris co-
 pia . Cauernosum esse Vesuuium, oculi compro-
 bant defixi ad hiatus, quos aperit. Olim perduel-
 les à Clodio obsessos , per Vesuij cauernas elap-
 sos, paulò ante narrauimus è Lutio Floro. Ingen-
 tes intra Vesuuium caui à subterraneis ignibus or-
 tum duxere, saxa excauante flamma : quæ tandem
 elapsa est, exeso Monte , ac prope exossi relicto .
 Inde cauernarum inanitas , in quibus, cùm liberè
 spiritus dispatiari possint , non adeo pertinaciter
 eruptionem meditantur, ac fugam : donec per se-
 culorum spatia numerosiores , ne cauernarum qui-
 dem vastitate contenti , ad superni aeris immensi-
 tatem adspirent . Hinc perduelliones , tumultus ,
 eruptiones post secula . His ita se spiritibus longo
 æuo cauernosus Mons ingurgitat ; vt identidem
 cogatur euomere . Non latuit ratio hæc Aristote-
 lem , solertissimum causarum latentium indagato-
 rem: qui de terræmotibus agēs, *Quicumque, inquit,*
saxa habent, quæ subtus loca, multum suscipientes spi-
ritum, concutiuntur magis. Eadem autem materia,
 quæ dum terræmotus ciet , parturit ; dum perstat,
 parit incendia. Huc accedit soli tenacitas. Siqui-
 dem

id est ibid.

dem siccum est Vesuvianum solum, pertinax, pul-
micum, argillosum, arenosum. Testantur id are-
na, quibus adeo largè pluit in agro Bariensi, ac
Melphitano; vt littora credes exarenata. Testan-
tur Vesuviana vina viuida, nervosa, generosa, quæ
diluta non enervantur; per mare deucta, vires
etiam ab aquis accipiunt. Testatur denique solum
ipsum bibulum, aquas pluuias quãcitissimè exor-
bens, nullo recentium imbrium seruato vestigio.
Cum igitur orta è siccitate durities expirationi
obsistat: fit, vt perdifficilem spiritus reperiant exi-
tum: &, cum reperiunt, ipsamet duritie soli oblu-
stantis vehementius excandescant. Hinc per in-
terualla rara conflagrationes maximæ. Denique
in idem conspirat oleaginea, & bituminata mate-
ria: quam Vesuvius tanta copia exegit; vt bitumi-
nis torrentes decurrerint. Bitumen facillè flammam
& concipit, & nutrit. quippe Naphtha, genus bi-
tuminis, teste Plinio, non secus ac magnes ferrum,
procul ad se ignem pertrahit. Ita Iasonis pellicem
à Medea æmula crematam, fabulis tradidere Græ-
ci, igne in coronam naphtha illitam insiliente.
Bituminis cognatam igni naturam ostendit lacus
Asphaltites. Hic, vt animaduertit Iosephus, situs
in regione Sodomorum, quæ incēdio periit, bitu-
minis magnam vim emittit aquæ supernatantem.
*In Apollonia quoque bitumen fossile nasci, nec longè ab
ea regione igne omnibus anni temporibus flagrare, au-
ctor est Aristoteles. Demum à bitumine Babylonico
ignem constantissimè detineri, neque aqua extin-
gui, sed vel coeno, vel alumine, refert è Leandro
Maiolus. Quodlibet verò bitumen, si semel inar-*

*Plinius lib. 3.
c. 109.
Plin. ibid.*

*Iosephus de
bello Iudaic.
lib. 5. c. 9.*

*Arist. de ad-
u. ir. audit.
123.*

*Maiolus col-
loq. 18.*

*Conimbr. in
meteor. tract.
13. c. 1.
Tacit. lib. 13.
anual.*

ferit, flagrare inter aquas, testantur Conimbricenses; qui de hoc eodem ignis genere interpretantur id, quod Tacitus refert, sub Nerone igni terra edito villas, arua, vicos, passim correptos, neque exingui potuisse; non, si imbres, caderent; non, si fluuijalibus aquis, aut quouis alio humore niterentur: donec inopia remedij, agrestes, quidam eminus saxa iecere. Hoc idem de Vesuuiano bitumine semel accenso experientia docuit, noua vndarum cum flammis commercia pacifcente Natura. Materies hæc bituminata superioris ætatis conflagrationibus egesta, denuo per temporum moras enata, nouo semper semina incendio sufficit. Bitumini sulphureæ quoque interseruntur venæ: ut apparet, è lapidibus, quos Mons effudit, plerumque sulphur olentibus. Ex his causam odoramus incendij: cui concipiendo sulphur aptissimum, nutriendo bitumen. Hanc earum conflagrationum originem, quas in Vulcano, & Aetna perpetuò, in Vesuuio subinde experimur, agnouit Abulensis; dum ait, modum, quo ea fiunt, talem esse. quia quilibet horum montium multas concauitates sulphure plenas habet; & inflammatur sulphur in aliqua earum. & dum illa combustio durat, ardet sulphur, & fiunt cructationes ignium. Idem de Aetna Iustinus tradidit, qui philosophico sale inspergens historiam, Ignibus, inquit, generandis, nutriendisque soli ipsius naturalis materia. Quippe intrinsecus stratum sulphure, & bitumine traditur. Quæ res facit, ut spiritu cum igne inter interiora luctante, frequenter, & compluribus locis nunc flammæ, nunc vaporem, nunc fumum cructet. Igitur, ut compendio cuncta complectar, calidi spiritus in caue-

noso

*Abulensis pa-
rad. 9. c. 163.*

*Abulensis pa-
rad. 9. c. 163.*

*Abulensis pa-
rad. 9. c. 163.*

*Abulensis pa-
rad. 9. c. 163.*

noso Monte magna copia per seculorum diuturnitatem aggesti, ac tenacissimo solo constricti, per antiperistasi eo, quo ante diximus, modo exarsere: & bituminatam, ac sulphuream nacti materiam, illa miscuere inter Vesuvianas venas incendia, quæ Monti ruinam, mortalibus exitium, vrbi-
bus excidia importarunt. His ea omnia, quæ in hac cōflagratione vidimus, distribuenda sunt causis, terræmotus, cinis pluuius, lapis deciduus, torrens igneus, inundatio. Exitere terræmotus, conculso solo: dum spiritus, non dum laxiori aditu patefacto, in latera Montis incurrerent. *Terræmotus enim, teste Aristotele, sunt maximè propter angustias.* Magnus porro inter terræmotum, & incendiū nexus est. quandoquidem, vt eidem probatur Aristotelis, *Causa terræmotus est spiritus, cum intro forte fluxerit, qui extra exhalat.* exhalat autem, quandoque iactatione ipsa, atque attritu succensus. Quamobrem, vt adnotauit Berosus, *sub Ph. e. thonte Rege secutum est incendium post terræmotum.* Declarat hoc Aristoteles exemplo petito ab humano corpore. Quemadmodum enim in hoc, cum ardor inualefcere cœperit, eadem & tremoris causa est, & febrium: ita spiritus intra terram inclusi & terræmotus pariunt, & incendia. Oportet enim (verba sunt Aristotelis) intelligere, quod sicut in corpore nostro & tremorum, & pulsuum causa est spiritus, qui intercipitur, virtus: sic & in terra spiritum similia facere: & hunc quidem terræmotum velut tremorem esse; illum autem veluti pulsuum. & sicut accidit sapientia post mixtionem (per corpus enim fit velut tremor quidam, cum transfertur spiritus de seris in tro. simul bo-
lus)

*Arist. 2. meteor. summa
3. c. 2.*

Arist. ibidem.

*Beros. lib. antiqu. sub Rege
Assyriorum
XVII.*

Arist. ibidem.

tus) talia fieri & circa terram. Differt porro in hoc Vesuvianus terræmotus à tremore, qui existit è febribus: quòd hic quidem fit à spiritibus è partibus extimis intro accitis: terræmotus autem, qui in Vesuvio contigit, ortus est à spiritibus ex imo Mònte foras euocatis. Exitire quoque pluviæ cinerū: quia cum ignis montanas inter fornaces cœpit ardescere, multa exhaust in cinerem. qui primò nube fumea enectus quàm sordidiore, quàm candidiore, vt cineris plus, minusve sustulerat; tum hinc aliò vi spirituum asportatus; demum siue flatibus deficientibus, siue in aeris media regione, accrescente frigore, suo ponderi redditus, in pluuiam, decidit, quandoque chalybe, ferro, argento etiam permixtus: vt eorundem metallorum venas in Vesuvio deprehenderes, & argentea secula sperares post ferrea, Monte ipso sponte prodente, quæ ternerat, & accolarum inertiam accusante. Ita pluissè olim piscibus, Athenæus tradit, à ventis mare deprædantibus veluti auecto pecore, & dissecto. Exitire insuper pluviæ lapidum, diuulsis ijs flammarum vi, atque vnà cum spiritibus eodem impetu extritis eo fere modo, quo è nube igniti lapides, atque è tormentis æneis quandoque saxeus imber extruditur. In his, conciti lapides, vt egregiè Aristoteles, patiuntur, & non agunt: spiritus verò vbi principium. Dum imbri lapidaret, magna vis cecidit eius lapidis, quem specularem appellant, nitētis, pellucidi, ac prope crySTALLINI, inter tot incendia, & clades in eo veluti speculo humanas vices repræsentante fortuna. non defuere etiam pauci aliquot lapides, aureis venis interliti, irritæ cupidit

*Athenæus lib.
8. c. 2.*

Arist. ibidem.

ditatis incitamentum, auro perniciosius effuso,
quàm flamma. Extitere præterea torrentes ignei,
ingenti bituminis, ac sulphuris liquefcente vi, ac
veluti in fluuium igneum exundante. Bitumen
quoque superfusum cùm arderet, saxa eliquauit.
In quo sensu Maronianum illud accipiendum est.

Vidimus undantem ruptis fornacibus Aetnam

Virg. l. Geor.

Flammarumque globos, liquefactaq; voluere saxa.

Huc etiã respexit Augustinus dum refert, *ex Aetna*
verticibus quondam torrentis vice, flammaram flu-
mina cucurrisse. Bitumine eodem, quo præduri la-
pides colliquefacti, effectum est; vt mollia lapide-
fcerent, igne tenuissimo permeante, neque absu-
mente partes, sed exiccante. Ita eadem Solis vi
coenum obdurefcit, niues liquantur. Porro bitu-
minis ardentes riu, conuoluti in globos, ac veluti
fluctuantes, transuersim, non recta ciebantur, nem-
pe à spiritibus igneis intercurrentibus adaçti, igni
fulmineo, quem cum tonitru nubes efferunt, persi-
milibus. quippe fulmina veluti errabunda in obli-
quum agi, obseruant Meteororum periti. Ceterum
alia quoque miracula fulminum in igne Vesuuia-
no suspeximus; pernicitatem illi tantam, vt non fu-
gam modò, sed ipsas quoq; cogitationes præuer-
teret; deiecta ea potissimum, quæ obsistebant, ijs,
quæ cedebant, innoxijs; non paucos etiam inter-
cluso spiritu exanimatos, vt in fulgetris solet acci-
dere, nullo, aut leuissimo relicto conflagrationis
inditio; haustos in sinu matrum liberos, parentibus
incolumibus; arsisse lodiculam, proxima culcitra
intacta. Hæc, & alia pleraque id genus, tenuissimæ
flammæ celeritatem declarant fulmini non absi-
mitem.

*Aug. lib. 4 de
cin. 6. 2.*

millem. Existere denique inundationes : quæ aliæ,
 & aliæ in alias, & alias causas referendæ sunt. In-
 undationes, quæ contingere post pluias, ab iisdem
 suam agnoscunt originem. etenim aquæ pluuiæ,
 quæ antea exiguos diductæ in riuulos per plures
 tramites demittebantur è Monte, obstructis alto
 cinere, aliaque decidua materia montanis vijs si-
 mul aggestæ, quasi collectis vndequeque auxilia-
 ribus copijs, sensim excreuere in torrentem. qui
 præstructis elicibus, nullo certo delatus alueo,
 quocunq; incidisset, agris, atque arboribus exi-
 tium importabat. Prima verò inundatio, quæ alte-
 ro ab ortu incendij die, pluuiæ adscribi nō potuit;
 certè aquis ab ipsamet Mōtis aluo effusis tribuen-
 da est. quæ vi halitus elatæ è nouis hiatibus, quā
 data porta, exiliere, seruata flammis bituminatis
 fide. Sunt, qui affirmant, vidisse se riuos igneos
 aqueis intercurrere, & supernatantem flammam,
 aquæ quasi vehiculo deuchi, aduersario elemento
 in triumphalem quodammodo sibi rhedam con-
 uersō. Effudere se simul flammæ, & aquæ è Vesu-
 uiō, modo planè consimili, quo elisis nubibus, dū
 inardent fulmina, funduntur pluuiæ. quò alluisse
 videtur Isaias ijs verbis, *Vtinam disrumperes calos,
 & descenderes: aquæ arderent igni.* Mons igitur in-
 nubem, sonitus in tonitrum, flammæ in fulgetra,
 ignei lapides in fulmina, aquæ in pluuias euasere.
 Neque insolens, vi calidorum spirituum, quemad-
 modum siccantur quandoque flumina; dum, vt
 obseruat Berosus, *apertis ostijs montium aquæ in-
 alueos regrediuntur*, atque intra priores angustias
 resorbentur: ita laxatis terræ meatibus, nouas
 fon-

Nai. 61.

Beros. lib. an-
 tiq. sub Rege
 Assy. XVII.

fontium, ac fluminum scaturigines prodire. Namque in bello Mithridatico prope Apameam Phrygiæ urbem, terræmotu concussa tellus nouas paludes, fontes, fluuios edidit. Neque id reticuit Aristoteles, cū dixit, *aquas erupisse, factis terræmotibus*. Vtinam idem contigisset in Vesuuio: & qui manare torrens occæperat, perennasset in fluuium: aquas ab igne mercaremur, beneficium à clade. Hæc de historia, & causis incendiij Vesuuiani; quod quidam in spem, quidam in metum trahunt. Non desunt, qui bene ominentur. Aliqui Ignem, & Aquam, principia rerum omnium prædicant: ideo exilibus igni & aqua, tanquam bonis omnibus, interdici: ideo sponsis ignem, & aquam præferri solita, auspiciū fecunditatis: ideo à Lactantio pronunciatum, *igne, & aqua vitam humanā constare: ignem soli homini datum: igne nos uti, qui caeleste animal sumus: quoniam ignis è calo est*. Igne adijciunt primū mortales cœpisse conuiuere: igne è nubibus missili Ceraunias interdum pretiosas deferri, ac veluti gemmeam tempestatem: igne Zoroastrem absumptum, transcriptumq; illico ad superos, quasi iam diuinitate potitum: ignem Persis esse, Lycijsque sacrum: igne latam à Deo, promulgatamque Hebræis legem inter incendia montium, dum *Mons Sinai fumaret, quod descendisset Deus in igne*: Ignem quodammodo, vt Iustinus animaduertit, Platoni Deum esse naturæ: Ignem felicitatem; igne, vt Seruio Tullo contigit, imperia ipsa portendi. Denique vicinis urbibus, Neapoli, ac Romæ, ad quarum læuā Vesuuus situs est, iuxta veterum haruspicum effata, nō nisi fausta,

Conimbr. in
meteor. tract.
12. c. 8.

Arist. lib. 2.
meteor. sum. 2.
c. 2.

Plutarch. in
probl. c. 1.

Alex. genial.
lib. 2.

Laetan. diu.
inst. lib. 2. c. 9.

Vitr. lib. 2.
Plin. lib. 87.
c. 9.

Greg. Turon.
hiss. Francor.
lib 5.

Pier. Valer. in
hier. lib. 46.

Exod. c. 9.

Ensin. exat.
paranet. con-
tra gen.
Lin. lib. 1.

Virg. 2. Aen.

Strab. lib. 5.

Cassiodorus

Varia, ep. 50.

ac prospera auspicari nos posse cōtenditur: quandoquidē *Intonuit laetum*. Leuiuscula profectō sunt isthæc, & digna vix, quæ audiantur. Alij, dum rem propius attingunt, pollicentur sibi fertilitatem à cinere. consouente terræ calorem, spiritibus intus obstrictis. cinere augurantur reparanda damna, quæ flamma intulit: quasi Phœnicis in modum. Vesuvius conflagrauerit; vt vitari duceret à funere, virēs à cinere. Adstipulatur his Strabo, qui Vesuviani soli fertilitatem cineri adscribit. Cassiodorus faustum ducit auspicium ab arena. *Vomit, inquit, fornax illa perpetua puniceas quidem, sed fertiles arenas. quæ, licet diuturna fuerint adustione siccate; in varios fetus suscepta germina mox produciunt, & magna celeritate reparant, quæ paulò ante vastauerāt.* Hæc ille, ingentis mali solatia leuissima; & vt liberè dicam, quod sentio, spes planè repositas in arena. Agnoscitur iactura præsens: promittitur post interualla temporum è sterili arena, & infelici cinere reuictura soli felicitas. Adeo sunt cupiditatis humanæ in deplorata re spes pertinaces. Speratur aliquid fortunæ melioris telluri: timetur deterioris mari. Procurrit Vesuvius in Neapolitani sinus craterem bijugus Mons. vno vertice. Hoc dedit Natura munimentum, vt potissimum Euri subsolani inde flantis à subiecto mari rabiem arceret. Nunc, deiecto Montis culmine, ac veluti arcis deturbato fastigio, liberior illac ventis ad mare patet excursio. Quamobrem fretum importuosum, neque hætenus nautis satis fidele, erit deinceps etiam formidandum; futurum, vt metuo, non iam, Sirenum lenocinijs, ac fraudibus, sed procellis, ac nau-

naufrajijs infame. Auguria quidam adiiciunt multò triftiora. Nimirum bella præfagiunt, peftilentijs, famem, confulto Dione, alijsque fcriptoribus: apud quos hæc ipfa mala poft Vefuuianas conflagationes eueniffe legimus: Olympiadem obferuant, cum è Philippo Macedonum Rege concepit, fomniaffe, faculam in aluo fuccendi incendia, toto terrarum Orbe mifcentem, belli præfagium, quo poftmodum, incédente Alexandro, Europa, atque Afia conflagrauit. Hæc paffim iactant Hiftorici. Audent etiam decernere de his Poetæ: Hecubam proferunt facie foetam, atque ignes enixam iugales, omina belli, quo arfit Troia: Lauiniã, comas flamma fponde allambente, claram fore, harufpices pronunciaffe.

*Dio in Tito,
Sigon. de Imper. Occiden.
lib. 16.
Platina in
Bened. II.
Pluta. in vita
Alex.*

Virg. 10. Aen.

Ipfam, fcd populo magnum portendere bellum.

Idem 7. Aen.

Ideo ad Vefuuii ignis afpectum æftro fatidico Poetæ perciti iam vulgò, ducibusque canunt *Bella, horrida bella*. His Mathematici adiunguntur ij, qui fe Aftrólogos venditant. Genus hominum, quod ex aduerfis æquè, ac proferis famam captat, rarò diuinans, ac fortuito; plerumque fallax, & infidum. Pronunciant hi, eodem occurfu, congreffuque fyderum montes flamma, regiones animos ira excandefcere: vnde difcordiæ, motufque bellorum. Hoc non tam incendium fuiiffe clamitant, quàm prodigium: omnia bellis arfura, quafi Vefuuianus ignis in cometam cefferit, fplendore ferali, ac portentoso. Præuium conflagationi fuiiffe Lunæ deliquiũ animaduertunt, quadrato Martis appulfu percuffæ: Martem quoque decimo quarto Leonis gradu concludum, actumque in ra-

Idem 6. Aen.

biem. Hæc astrorum obseruatores, motus aspectusque syderum nō tam metiri soliti, quā mē-
tiri: iudice me, si minus ē republica eliminandi,
certē exauctorandi. quippe vanis post damna ti-
moribus nō meticulosum modō vulgus, sed Prin-
cipum quoque aures imbuunt, ad quos faciles cō-
parant sibi aditus, siue mendacijs astra trahētibus
ad studia potentiorum; siue innata quadam cupi-
ditate mortalibus, quod natura denegauit, præno-
scendi futura. Scilicet ideo timenda sunt bella,
quia Vesuuij iam apta flāmæ materia conflagrauit.
Antiquioribus obseruata hæc auguria, & iam pri-
dem cum ethnica superstitione antiquata. Bellum,
& pax in diuino nutu sunt posita. Propior ijs causa
ex eo ducitur, quod regni rationibus conducit; &
vel tuendo, vel propagando imperio prodesse, aut
officere noscitur. Vnico bella afflantur astro, amo-
re dominandi. Quod si augurijs ducimur, omnia
sunt nobis auspicatissima. Quippe sub ortum Ale-
xandri, Dianæ Ephesinæ apud Græcos incendium
Græciæ felicitatem, atque imperium præmonstra-
uit. Neque deest *Aquilæ nido*, vt adnotauit Plinius,
lapis atites, nihil igne deperdens. Et hastæ Romanæ
sub Sabinum bellum ardere visæ, Romanis victo-
riam prænunciarunt. Propinquior pestilentia, fa-
misque metus. nam alteram ē Montis latebris in-
halata mephitis; alteram cinere obruta semina, &
agrorum vastitas minatur. Sed, vti speramus, pe-
stilentiam flammæ ipsæ, purgato aere; sterilita-
tem opportuna pluuiæ depulere. Noua ē Vesuuio
eruptura subinde incendia ominatus est Niphus.
Omen comprobatum experientia pane omnium
seculi.

*Plutar. in vi-
ta Alex.*

*Plin. lib. 10.
c. 3.
Pier. Valer.
lib. 46.*

*Niphus in
meteor. Arist.
lib. 2. sum. 3.
c. 2. ante ex-
plicat. V. l. si-
gni.*

seculorum ; recurrentibus iisdem incendijs fontibus, atque intra vastissima montis receptacula renascente materia, quæ novis nutrimenta ignibus præbet. Postrema prænuntiatio superest, quamdiu perduratura sit hæc ipsa, quam experimur; conflatio; cui narrandæ finem facio, quamvis Vesuvius flagrandi finem non fecerit. Siquidem adhuc fumum expirat: adhuc per intervalla cinerem expuit: adhuc torrentes exudat: adhuc theatrales excitat lacrymas: adhuc tragica dat spectacula. Nondum reductum scenæ siparium: nondum vacat Orchestra: nondum peracta est fabula; si tamen fabula, quæ vera dat funera. Nutant suspensi expectatione animi, quò tandem sit tanta res eatura. Miserrimum profecto est, accepta iam perniciæ, adhuc luctari cum metu. Si consulamus Aristotelem peritissimum in effectis naturæ prævidendis, prædicendisque veluti hariolum: augurari de incendio licebit id, quod ille de maximis terræmotibus præmonuit. quippe vtræque ex eodem fonte nascuntur. Cum, inquit, fortis factus fuerit terræmotus; non mox, neque semel cessat agitur. sed primò quidem usque ad quadraginta dies agitur: posterius autem & ad unum, & ad duos annos dominatur secundum eadem loca. Quapropter, sicut in corpore pulsus non repente cessant, neque citò, sed per moram, marcescens passio: sic & principium, à quo exbalatio facta fuit, & impetus spiritus palam est, quod non mox omnem consumpsit materiam. Quousque igitur consumantur reliquiæ horum, necesse est quassare. Hæc ille, post quadraginta dies annum, aut etiam biennium ominatus incendium. Si quid interea in-
 Vesu-

Arist. l. 2. meteor. secundum. 3. c. 2.

Vesuuiano fumo luce dignum, vel noui contigerit, vel contigisse iam nouerim; narrationi huic attestam. Scribent hæc alij cothurnato stylo, & tanta digno tragoedia. Hæc amicorum suasu à me scripta cursim inter excursions flammaram, *arescentibus hominibus præ timore*, arescente ingenio, arescente calamo.



DE NOVIS TERRAEMOTIBVS.



Criperam hæc fere intra mensem ab ortu incendij: cum noui terræmotus, ijque creberrimi cogunt me priori narrationi, vti sponderam, hæc pauca subtexere.

Dixeram sub incendij exordium sæpissime succussatam tellurem, biduoue iactatam formidine maiore, quàm clade. adieceram eorum terræmotuum originem referendam esse ad spiritus igneos. qui, cum è Vesupij latibulis cinerem, lapidesque sustollerent, inter hiatus angustias exitum eluctati, aere vehementius concito, montem concusserint, & nexu quodam sola terrarum monti finitima. Quemadmodum, dum tormenta æneæ pilas explodunt, concuti vicina loca experimur, umbratili quadam terræmotus imagine; ad exitialis illius pestis afflatum quodammodo ingemiscēte aere, contremiscente tellure. Multis id suadere conatus addideram, defecto iam Vesuij vertice, ac vastissima patefacta voragine, terræmotus conquiesse. Nunc instaurati non tam tellurem videntur, quàm meam de ijsdem sententiam labefactare. Quippe Montis vtrique lateri adnixa opida, pagique, post perbreues inducias, reualefcentium terræmotuum vi pæne perpetuò vexati: In vrbe verò Neapoli, inter quam, & Vesuium, non parua planities interiacet, terræmotus ab in-eunte Iunio & frequentes, & acerrimi auditi: cer-

tè

tè cum prioribus conferendi; nisi quòd in ijs rei nouitas, & insolentia viam terrori strauerant: hos, vt in venalium pretio solet accidere, reddit ipsa met copia viliores. Assuetudo quoque & admirationem, & timorem imminuit. Insitum namque mortalibus noua magis, quàm magna mirari: & formido minor incessit expertos se non semel indemnes. De horum origine persuasum non paucis, tunc terram concuti, cùm abrupta vi latentium ignium, intra hiatum decidunt Montis fragmina. Siquidem tantus Mons, opus olim gaudentis, ac veluti superbientis Naturæ, magna iam ex parte corrui, siue intestino absumptus incendio, siue mole sua. Dumque in sua viscera recidiuus, ingentes cauernas relabitur; inter natiuos ignes rogo succenso, veluti contumulatur in se se. Hanc generatim omnibus terræmotibus causam tribuit ex Anaximene Seneca, terræ tremorem eius partibus adscribens: quæ reuulsæ introrsum deuoluuntur in præceps, siue ignis vi, siue vitio vetustatis. Nimirum ætates habent elementa etiam suas: & nihil à senectute tutum. Idem his expressit carminibus, qui Parnasum in Lycæa transtulit Lucetius.

Anaximenes
apud Senecā
in libel. de
terramotib.

Lucet. lib. 6.

Terra superna tremis magna concussa ruina:

Subter ubi ingentes speluncas subruit atas.

Quippe cadunt toti montes, magnoque repente

Concussu, latè discerpunt inde tremores.

Itaque, dum dilaceratò Vesuij latere, saxa subinde diffiliunt, tunc dumtaxat subsilire terram, quidam rentur. & verò perperam; nam, cum terræmotus frequentissimi extiterint, si quoties terra

con-

contremuit, toties, diffisis lateribus, immanis lapidum strues acervatim de Monte decussa est; actum iam pridem foret de Vesuvio. Enimvero, si Poetis hic philosophari liceret: gigantes dicerent in Vesuvianis campis; qui, Diodoro teste, Phlegrei dicti sunt, olim contra Iovem depræliatos, plerisque ibidem etiam consepultos, adhuc spirantes, fessosq; pondere, mutare lateri sedem; eoq; motu terram succuti. Quamobrem Latinus vates de Encelado cecidit, fulmine semivivum iacere sub Aetna, substrata fulciendo Monti mole corporis:

Diodorus Siculus lib. 4.

Et fessum quoties motat latus, intremere omnem

Virg. Aeneid, lib. 3.

Murmure Trinacriam, & calum subtexere fumo.

Hæc eadem de fumo, qui continetur è Vesuvio ducitur, & inter currentibus terræmotibus tradere in expedito esset: si cum Poetis liceret, de Gigantibus mendacia cedere, ut ita dixerim, Gigantea. Parum ab his aberrant Astrologi, qui iuxta Babyloniorum placita, teste Plinio, terræmotus derivant à vi trium syderum fulmineorum, Soli occurrentium circa quadrata Mundi. Sanè, cum in superhis orbibus, quem vocant *trepidationis motum* Astrologi deprehenderint: quid ni à cælo tellus quoque trepidare didicerit? Expedirent etiam his se facillè tricus Mathematici ij, qui ab ortu ad occasum circumferri terram affirmant, immoto cælo. nulla enim novorum terræmotuum ratio ijs reddenda est, quibus perpetua est terræ motio. quæ ideo stare videtur, quia rapidissimè circumagitur, oculorum sensum fallente pernecitate motus, atq; æterna vertigine stabilitatem ementiente. Ingeniosum primò Heraclidis, tum Cupernici

Plinius lib. 2. 4. 79.

Heraclides apud Albert. 2. celestium 3. Infermentum lib. de Renc.

O deli-

*Thalet Mile-
sius apud Al-
bert. loco cit.*

deliramentum, ijs tantum probandum, quibus im-
mobilia verti monstret emota mens. Ridiculum
quoque foret, si de terræmotibus his, qui à Vesu-
uiana conflagratione deriuantur, Thaletis Milefij
sententiam sequeremur. qui docuit mari terram
supernatare, *tanquam grande nauigium*; tunc verò
moueri, ac veluti fluctuare, cum aqua, quibus in-
nititur, vehementius concitantur. Quantum por-
ro foret dementiæ eos terræmotus in aquas refer-
re, quos à Vesuuiano igne proficisci, pæne oculis
contuemur? Igitur, vt modus appareat, quo tellus
à subiecto igne quassatur, res est paulò altius repe-
tenda; ac terræmotuum, iam conulescente in-
cendio, resuscitantium origo è suis ducenda princi-
pijs. Terræmotuum vniuersim causam esse spiri-
tum intra terræ inanitates constrictum, explora-
tum est ijs, qui Aristotelis vestigijs insistant. Spiri-
tum appello exhalationem siccam, & calidam,
quæ mascula vi caloris è terræ sinu progignitur.
Quia verò exiguo conclusa corpusculo sub aspe-
ctum non cadit: ideo quasi à corporis concretio-
ne seiuncta spiritus dicitur. Tam tenue illud est,
quod turres eruit, quod vires haurit, quod terræ
molem exagitat. Terræmotum ab incluso spiritu
effici, ita breui argumentatione demonstro. Omne
quod mouetur, aut mouetur ex sese, aut ab alio.
atqui tellus non mouetur ex sese. nam, iudice

*Arist. 2. Phys.
1. 29.*

Vi 1. Gen. 6.

Spiritus intus alit, totamque infusa per artus

Mens

Mens agitat molem; & magno se corpore miscet.

Quod de Mundi totius anima Platonius. Poeta cecinit. Quale porro animal tellus, quod neque quotidiana ex aratriis illata vulnera persentiscit: neque progredi valet, aut regredi; mobile dumtaxat; quia tremulum. Itaque, cum terra non arbitrio moueatur ex sese, nec nisi ad centrum natui pondere deferatur: necessariò fit, ut in alijs motibus à centro deuia motricem vim agnoscat alterius. Aut igitur alterius extra, & supra se; aut alterius intra, & infra se. Non extra, & supra. neque enim vnquam tanta vis ventorum aerem peruagata in terram incumbit; ut eam vel tantillum è sua sede dimoueat. Illa verò Archimedis effata, *Quolibet moueri quodlibet*; & posse se, si pedem extra terram figeret, Mathematicis machinis terræ libramenta conuellere; magnificentius ab eo iactata, quam verius. Quamobrem cum in terræ motibus nullum mouens appareat, quod in extrema terræ facie supernè locatum sit: reliquum est, ut mouens infernè deliteat. Porro intra terræ recessus, ac tænebras aut Aer, aut Aqua, aut Ignis interceptur; aut mista corpora, metalla potissimum. inter quæ præcipua ferrum, & aurum sub terræ fodinis Naturâ clementer abscondit, commiseratione quadam generis humani, alterum crudelitati subducens, alterum cupiditati. Mistâ hæc, quæ solidè concretâ terream substantiam sapiunt, neque facile moueri possunt, neque mouere. Aer, & Aqua fluida quidem sunt corpora; sed subterraneis cauernis inclusa; non est vnde impetum tantum concipiant, ut terræ stabilitatem amoliantur. Superest

*Archimedes
apud Pappū
Mathem. coll.
lib. 8 probl. 6.
prop. 10.*

igitur, ut motus terræ igni adscribatur inter elementa cetera præstantissimo tum leuitate, tum vi. Sed quonam modo id efficiat, est vterius inuestigandum. Nam, cum ignis comburat potius, quàm concutiat: sane hoc præstare non potest, nisi factilitio spirituum, quos calore progignit. Quippe his facultas inest & maximè mobilis, & motrix. Hoc, quo solet, acumine confirmat, cum de terræ motibus agit, Aristoteles. Qui, *terram*, inquit, à *Sole*, & ab eo, qui in ipsa est, igne incalescit: ut multus quidem extra, multus quoque intra fiat spiritus. Paulò post. Considerandum utique erit, quale maximè motuium erit corporum. necesse enim est ad plurimum natum ire (id est, quod per loca plurimà faciliè transeat) etiam vehementissimum maximè tale esse. Vehementissimum est, quod citissimè fertur: percutit enim maximè propter velocitatem. ad plurimum autem natum est pertransire, quod per omnia ire maximè potest. tale autem est, quod subtilissimum. Quare siquidem spiritus natura talis est, maximè corporum spiritus motiuus. Vnde paucis interiectis ita infert, Non igitur Aqua, neque Terra causa utique erit motus; sed spiritus, cum intro forte fluxerit, qui extra exhalat. Comprobat id duplici experientia. Primam innuit ijs ventis, Qui extra exhalat. videmus enim fere post terræ motus ventos existere. nempe intra terræ septa obstricti spiritus, tanta vi obstantia quæque inuadunt; ut tandem euadant. Altera experientia sumitur à tranquillitate futuri terræ motus indice. *Fiunt enim*, inquit, *tranquillitate plurimi, & maximè terræ motus*; nempe cælo ventis innuni, clandestinis rixas, ac bellum dome-

*Arist. lib. 2.
Meteor. sum.
2. 6. 2.*

domesticum intra terræ cauernas apparantibus. Nimirum præcurritur terræ motui silentio vniuersitatis, integris ad exaudiendum terræ fragorem auribus. Comprobat id ex eo Aristoteles, quod terræ motus plerumque contingit vehementiores noctu, quàm interdiu, & meridie, quàm spatio diei reliquo. Noctu quidem quia tunc spiritus intra terræ cubilia desident consipari à frigore, à Sole non euocati. Nocte, inquit, plures, & maiores sunt terræ motus. Rationem infra subiicit. Quia noctes diebus tranquilliores sunt propter absentiam Solis. Meridie verò: quia hæc diei pars media tranquillior esse solet, quàm ceteræ, tunc maxime terris & cæli fastigio dominante Sole. Sol, inquit, cum maxime dominatur, dissoluit exhalationem in terram: dominatur autem maxime circa meridiem. Quamobrem præmiserat. Terræ motus, qui sunt die, fieri circa meridiem: quia tranquillissimæ est, ut in plurius, diei meridies. Enitumero terrarum concussioni tranquillitate præluditur, secundis aduersa succedere in hoc quoque præmonente Natura. Ad eandem causam referas alia secuturi terræ motus indicia. Nam si sub Solis occasum, sereno cælo, nubeculam videris non obliquatam in flexus, sed rectâ longo tractu porrectam: nocturnum illa tibi, Aristoteles augure, terræ motum præfagiât, quippe certum tranquillissimi aeris argumentum nulla ne tenui quidem aurâ perflati: quæ leni pulsû nubeculam facile ductilem suo diuaticatam tramite, hinc, aut inde detorqueat. Aer verò à vëtis prorsus exëptus, ac liber, spiritus infra detentos indicat, & subitis intumescentem procellam. Ex his liquidò constat, à spiri-

spiritibus intra terre cancellos obseptis terram o-
tus exciri. Spiritibus vim caloris sufficit: leuissimoq;
halitui tantum roboris adijcit: vt, motis terræ car-
dinibus, non raro montes euerat. Sed quo pacto id
fieri possit, paucis exequar. Caloris est, partes dis-
soluere, quæ frigore concreverunt. solutis ampliora
spatia, sineq; protendit his, quæ spissata contine-
bantur in arcto. Hinc fit, vt exhalatio, calore quasi
se maior effecta, in propinqui corporis sedem in-
uadens, illud conetur è vicinia deturbare. Siqui-
deta idem spatium à duplici corpore occupari ne-
quit. Et quemadmodum ab hac rerum vniuersita-
te locus excluditur planè vacuus: ita quoque du-
plicato plenus, neque inane, neque superfluum
probante Natura. Quamobrem, sicut ad subterfu-
giendum vacuum subitos aquarum. assultus vide-
mus, nullo impellente sursum, & alia id generis
vsq; ad miraculum: ita non minore Natura studio
prohibet, corpus geminum vnico includi spatio:
quam Philosophi *penetrationem* appellant. Eius
odio terra conuellitur, atque in hiatus diducta di-
scerpitur. Etenim quandoque calor tanta vi fun-
ditur: vt & maximam spirituum copiam quamci-
tissime procreet, & iam procreatos è terræ mea-
tibus, aut cauernulis, quibus quasi ergastulis con-
stricti tenebantur, educat. eductis extemporaneum
domicilium quæritur: quando neque vnt sine vlla
sede consistere. Dumque corpora reliqua terræ si-
nu intercepta obstinate hospitium pernegant: vr-
gent illi vi caloris adacti, ac demum extorqûer. Et
quoniam, vt diximus, Natura legibus tantum est,
ne plura vno loco confideant: spiritus corpora sibi
fini-

finitima impellunt; ut eorū succedant sedibus. Ab
 his loco pulsīs, trūdūtur media, à medijs postrema,
 à postremis exitus aut sibi, aut spiritibus intercur-
 santibus quaritur. Terra suæ obiectu molis obfi-
 sit. Ita spiritus dum enituntur, dum premunt, dum
 premuntur, dum irrumpunt, dum erumpunt, terrā
 eicient. Hæc intra penitissimos Naturæ recessus ocu-
 lis planè lynceis intropexit Aristoteles. qui *causa*,
 inquit, *est motus spiritus; cum forte intro fluxerit, qui*
extra exhalat. Ad institutum redeo, vnde modò de-
 flexerā. Flagrant adhuc Vesuviana viscera, ac per-
 petuo per os voraginis teterrimum fumum inhā-
 lant. Ignis initio materiam bituminatam, sulphu-
 reamque depastus, quā spacia seculorū con-
 gesserant, magnum excitavit incendium. Hæc im-
 mensa spirituum vis effusa, dum inter hiatus angu-
 stias elideretur ad Montis latera, terramotus eos
 concituit, quorum vel sola recordatione contremi-
 scimus. Nunc, cū vires nondum suas flammæ
 consumpserit; & vivant adhuc, etsi aliquantulum
 consopiti, nunquam tamen intermortui, non mo-
 dicæ ignis reliquiæ: novi spiritus intra Vesuvium,
 flammæ sublatentis vi, in illa veluti Vulcani offi-
 cina euduntur: cusi, aggeratique inflammantur:
 quippe sicci, & calidi, igniq; affines inflammati cō-
 citantur ex imo ad sublimes concitati terrā pulsant.
 Hanc Arist. terræmotuū causam in Vesuviano igne
 prospexit; dum ait, *terram à Sole, & ab eo, qui in ipsa*
est, igne incalēscētem, multum quidem extra, multum
q. loque intra effecere spiritum. Additque paulò post,
spiritum esse maximè corporum motivum iuxta ignis,
quando cum spiritu fuerit, fit flamma; ferturq; celeriter.

Ex

*Arist. loco ci-
 tato.*

Ex his facile apparet incendij cum terramotu cognatio. Quamobrem mirum nō est, incendio nondum extincto, adhuc vigere terræmotus. quasi eo motu tellus ignem in venas illapsum conetur excutere, fremitu etiam indignationem testante. Illud hæc in re difficultatem exhibet non contemnendam: quod terræmotus fiunt, vt dictum est, cum *spiritus intro fluxerit*. Si quando autem terræmotus contingunt, dum spiritus exhalatur: id solū fit, cum arctior est exitus, quā vt capere turbam, possit ingruentijum spirituum. Tunc enim ij, qui detinentur, terram quatunt. Atque id causā esse diximus, cur inter Vesuvianæ conflagrationis initia, diffusis vndique spiritibus, adhuc terræmotus existerent, nempe: propter angustias faucium. Quapropter obseruatum est, amplificata voragine, terræmotus Neapoli per menses aliquot siluisse. Nunc nescio quo pacto integrati: dū per spiramenta vastissima, perruptis repagulis, nubes fumæ volutantur. enimvero terræmotus prohibet expiratione. Quamobrem, vt à magistra experientia didicit Aristoteles, rarò æstate terræmotus contingunt. Nimirum spiritus è terræ gremio per laxos nimio calore meatus nulla vi sensim ad auras prodeunt, subterraneis cauernis desertis. quæ idcirco, vt in putealibus aquis apparet, æstate sunt, quā hyeme frigidiore. Hinc etiam fit, vt terræmotus tum Autūno, tum Vere frequentiores sint, quā vel hyeme, vel æstate, per hyemem nimium constricto, per æstatem nimium soluto halitu. scilicet inter niuiū, atque ardorem iniurias inconcussa Tellus inter Autūni diuitias cōtremiscere didicit, dum fructibus

*Arist. lib. 2.
Meteor. sum.
3. 6. 2.*

tibus redundat; inter Veris delicias, dum floribus redimitur, magna infortunia ad dulciores anni partes traducente Natura. Quod ab Aristotele observatum transcripsit Plinius. qui *Autumno*, inquit, & *Vere terra crebrius mouentur. ideo Gallia, & Aegyptus minimè quatiuntur: quoniam hic aestatis causa obstat, illic hyemis.* Gallijs Germaniam, & Aquilonares plagas; Aegypto reliquam Africæ oram, & Hispaniâ adiungas, quæ ab Africa angusto freto dirimitur: quod illæ regiones hyemem; æstatem. hæ referant: in ijs quidem terræ sinum niuib; geluq; constrictum Solis calore ad gignendos spiritus minimè violante; in Africa verò, Hispania, & calidioribus regionibus expiratione perfacili terræmotus arcente. At Italia temperatissima Mundi regio, eæque potissimum Italiæ vrbes, quæ verna gaudent cæli temperie, terræmotui maximè sunt obnoxia, Sole ad spiritus procreandos, solo ad continendos idoneo. Ita pulcherrimam Orbis terrarum partem nō terræ minus, quàm fortunæ motibus Natura subiecit, perpetua nutatē iactatione rerum, ac veluti concussu quodam collabentis felicitatis. Ad rem redeo. Si terræmotibus loca calida nunquam, aut rarò vexantur, dissipato, disiectoq; halitu: cur adiacentes æstuanti Vesuuio campi tam crebrò quatiuntur: dum per hiatus latissimos vnda te fumo, liberè spiritus effluunt? Enodandæ difficultatis duplex mihi aperitur modus. Primus ducitur à caueis: à quibus voragini substratis fumi, & halitus fit exspiratio. Nouem paulò post ortum incendij, vti supra in narratione diximus, deprehensæ: è quibus fumæ nebulæ ad os

Plinius lib. 8.
c. 8.

voraginis euoluebantur. Páucis post hrentibus re-
 pertæ tres, obstructis ceteris, quippe creuerat vo-
 rago ruina laterum: quorum pártes deciduæ plura
 ex ijs, per quæ halitus efflabatur, foramina obdu-
 xerant. Imbres etiam, qui post incendium, æmula-
 tione quadam ignium, largissimi ceciderunt, intra
 montis hiatû effusi spiramenta quædam fumî emis-
 saria clausere. Itaque redactis nunc in priores an-
 gustias, qui delitescunt, spiritibus, terræ motus re-
 petantur. Argumentum eius rei non leue sunt ter-
 ræ motus non semel secuti paulò post, quàm è
 voraginis fastigio exesa funto saxa deciderant.
 Obseruatum quoque est, terræ motus hos non
 raro euenisse post pluias, siue oppletis infuso im-
 bre receptaculis, atque inde detrusis, pulsâque spi-
 ritibus, siue constrictis terræ meatibus, per quos
 tenuissimus halitus auolabat. Ntramque rei huius
 causam reddidit Aristoteles, docens terræ motus
 fieri post pluias, & eo quòd, inquit, amplior fiat in-
 tus exhalatio (quia scilicet exspiratio intercluditur)
 & eo quòd interscipiatur in angustioribus locis, & com-
 pellatur in minorem locum talis segregatio, repletis con-
 cavitatibus terre aqua. Hac de causa vrbes crebris
 cloacis ad excipiendam elunem, atque ad mare
 transmittendam cauatæ aut minus quatiuntur, aut
 innolæ. quòd de vrbe Neapoli iam tum obserua-
 uit Plinius. Alter enodandæ difficultatis modus
 petendus est à copia spirituum: quæ quandoque
 tanta est, ut & expiranti flammæ materiem, & ter-
 ræ motui suggerat: etenim, quando spiritus per pa-
 têtes ad aerem aditus siue inflammatus in ignem,
 siue abreptus in turbine, totus effertur, incendia
 exi-

*Arist. lib. 2.
 meteor. sum. 3.
 c. 2.*

*Plin. lib. 2.
 c. 22.*

existunt, aut venti: quando totus terræ claustris
 occluditur, terræmotus: quando partim effertur,
 partim clauditur; tum aeris fumum, aut flatum, tum
 terræ quoque motum summittit. Vidit hoc, ut ce-
 tera, Aristoteles. qui, *spiritus*, inquit, *aliquando qui-*
dem continuus extra fluit omnis: aliquando autem in-
tra omnis: aliquando & partitur. Hinc paulò post
 infert, *tranquillitate fieri plurimos, & maximos terra-*
motus: quia continua existens exhalatio sequitur ut
in pluribus impetum principij. quare aut intro simul,
aut simul extra fluit omnis. Subdit tamen, *quosdam*
fieri terræmotus. etiam flatu existente. Hoc ex eo de-
 ducit, quòd præmiserat, *spiritum non semper omnem*
extra, aut omnem intra fluere, sed aliquando & partiri.
 tunc enim pars spirituum liberiores sortita exitū
 in ventos effunditur: pars terræ conclusa latibulis
 missitat: & invidia, credo, aliorum, qui per aërem
 diuagantur, obmurmurat. Addit etiam, *tunc terra-*
motus minores magnitudine fieri: propterea quòd diuis-
um est principium, & causa ipsorum. Hinc licebit
 non sine ingenti admiratione conijcere, quàm
 exaggerata intra Vesuuij penetralia lateat vis spi-
 rituum. qui, dum continenter è supercilio Montis
 in flatus euoluuntur, ac fumum; eodem temporis
 articulo terræmotus non debiles, ac perraros, sed
 validos, & crebros exuscitant. Quota pars in acie
 educitur, quando ij spiritus, qui veluti intra vallum
 ad custodienda castra se continent, vehementissi-
 mè terram dimouent? enimvero dum palam flam-
 ma, fumo, cinere impetitur; per latentes quoque
 obsessi cuniculos pulsū spirituum arietamur. Pa-
 rum est, vnico bellum cū elemento geri: nisi simul

Arist. ibidem.

in aerem, ac tellurem inuadatur. neq; aquis parcitur. Etenim hæc eadem spirituum copia, à quibus aer fumo, tellus motu infestatur; aquarum etiam torrentes eiecat. Mense superiori ab ijs qui Vesuij maritimas radices accolunt, post præuios terræ motus murmur auditum veluti decurrentis è monte torrentis. Ignis defluxum aliàs experti, cōparauere se denuo trepidabundi ad fugam. Dum turbatur in oppidis, torrens aqueus in campos decidit. Ab aqua beneficij loco parua clades accepta, quæ ingens metuebatur à flamma. Erat eo die cælum impluuium, ne quemquam suspicio subiret subito collectæ ex imbribus aquæ; cumulataque in torrentem. Quamobrem, cum nō appareat, vnde repente nouus hic torrens extiterit; fatendum est, erupisse ex hiatu montis, effruescentibus, atq; exultantibus aquis vi spirituum. quemadmodum, dum ollæ flamma subijcitur, aqua labris exuberat. Quippe montanis cavernis aquarum magna vis conditur, an delabentibus imbribus, atq; intra hiatus montium receptis, an aëre frigido subterraneis antris incliso sensim concrecente in humorem aqueum. Vnde primò stillicidia, ac tenues fontium scaturigines; tum inexhaustæ fluminum perennitates. In quo sensu accipias illud Poetæ:

Virg. Georg.
lib. 4.

Omnia sub magna labentia flumina terra.

Nouos è Vesuij voragine profuuisse torrentes, si cui fortasse videbitur incredibile, legat Cardinalem Contarenum in libro secundo de elementis. vbi testatur, se Valentia in Hispania vidiſſe sereno cælo subitum, dehiscente terra, noui torrentis ortum, qui effusus in campos urbem ver-

sus

sus excurrit, vastitatem, & cladem importaturus :
 unde cum solo murorum obiectu arceri non
 posset; vix nouis aggeribus, obicibusque repul-
 sus, & coriuatus ad littora, tandem ad mare de-
 cubuit. enimvero eadem spirituum vis & terræ-
 motus, & inundationes creat. Atalantam Græciæ
 peninsulam post terræmotum perrupto aquis ac-
 currentibus Isthmo, mari circumuentam atq; inter
 insulas repente ascitam, tradit ex Thucydide Dio-
 dorus. Terræmotum, quo plurima Rhodiorum, &
 Asiæ oppida conciderunt, conflagratio, vt obser-
 uat Baronius, & inundatio exceperet. Terram sub
 Gallieno motam, & per idem tempus multas vr-
 bes mari demersas, narrat Trebellius. Nimirum
 iisdem spiritus terram è sua sede dimouent; aquam
 è sua: ijsque impellentibus, terra è centro, mare è
 littoribus ex lit, violatis in vtroque elemento Na-
 turæ legibus. Quocirca futurum terræmotum in
 aquis præsenties: si solito turbidiores hauriantur è
 puteis, neque, vt addit Plinius, sine odoris radio. Si
 quidem spiritus efferuescentes ex imo in aquas in-
 uadunt, antequam aggrediantur ad solida. Hæc de
 nouis terræmotibus, & torrente nuper exorto. è
 quibus anceps etiā coniectatio, accipientibus hæc
 multis in fausti euentus omnia, alijs in aduersi. Fa-
 uet prioribus Vates Regius. qui terra, inquit, mota
 est. etenim cali distillauerunt à facie Dei Synai, à fa-
 cie Dei Israel. Quod de lege duarum tabularum à
 Deo inter terræmotuum fragores promulgata in
 Monte Synai, plures interpretum explicant. Ete-
 nim in Exodo ita legitur, Mons Synai fumabat, eo
 quod descendisset Dominus Deus super eum in igne; &
 ascen-

Diodor. lib. 3.

Baron. tom. 2.

Trebell. in
Gallieno.Plin. lib. 2.
cap. 21.

Psalm. 67.

Vide Lorinū
ibidem.
Exod. 19.

ascenderet fumus ex eo, quasi de fornace, eratque omnis Mons terribilis: siue, ut vertitur ex Hebræo, probā-

*Salianus 10.
mo 2. anno
2544 num.
384.*

te Saliano, & alijs, totus Mons contremuit. Quamobrem sub incendium, & fumum Vesuvianum repetiti identidem terræmotus diuinæ, ut quidam rentur, sunt præsentis argumenta, quæ maiestati seruiant potius, quàm terrori. siquidem terra mota est, dum cali distillarent à facie Dei Synaj. Terræmotu, & fumo, arcanæ maiestatis indice, Deus Isaïæ spectadum se præbuit. Quippe domus repleta est fumo, & commota sunt superliminaria cardinum. quod ad Iouis aspectum traduxit Maro, dum dixit,

Isa. 6.

*Virg. lib. 9.
Æn.*

Totum nutu tremefecit Olympum.

Aggæi 1.

Terræmotu præterea Christi nouum è cælo ad terras accessum prænuntiatum reperimus apud Aggæum, Commouebo calum, & terram: & ueniet desideratus cunctis gentibus. Eo terræmotu, dum Christus in Bethleem nasceretur, antiquissimum Romæ templum corruisse, testatur Petrus Damiani. quasi exinde Romana tellus, ethnica superstitione deiecta, septem elata collibus, in occursum conditoris assurgeret. Nimirum Montes exultauerunt ut arietes, & colles sicut agni ouium. à facie Domini mota est terra. Terræmotu quoque festiuissimo insignitus Christi rediuiui triumphus, referentis è deuictio Dite manubias. Ecce, inquit

*Petrus Damiani serm.
in natiuitate
Domini.*

Psalm. 113.

Matth. 28.

Matthæus, terræmotus factus est magnus, quodammodo gestiente tellure, & lapidibus ipsis præ lætitia exilientibus. Inter terræmotus fragores, & lapsus ignium Sanctus in Apostolos Spiritus effusus est, terra veluti sese ad superna efferente. Denique, si maximis minora licet adijcere, terræmotu Pau-

lini

lini obitus celebratus, eo terre plausu euecti ad
 cælum. Terræmotu Ignatij Societatis nostræ parē-
 tis, profana militia ad sacram traductio nobili-
 tata, nempe trepidatum tunc est, turbatumque
 apud Inferos. Consimili planè modo Franciscus
 Ignatij socius, Indorum Apostolus terræmotum,
 qui in Insula Mauri ipso die Archangelo Michaeli
 sacro contigit, interpretatus est, bono ciues ani-
 mo esse iubens: siquidem mali dæmones ab Ar-
 changelo pusi, inter fugiendum terram concusse-
 rant. Fauissîma hæc è terræmotibus omina du-
 cuntur à quibusdam timori aut demendo, aut le-
 uando, terra etiam, dum mouetur, non tam quie-
 tem, quam inextiam dediscende. Alij contra terræ-
 motus in magni omen terrors accipiunt. Anti-
 quissimum omnium ætatum memoriæ terræmo-
 tum inter ea fuisse memorant, quæ à Deo Pharao-
 ni, Aegiptoque inflicta sunt vulnera. Habetur id
 apud Eusebium ex Artapano, qui refert, *Maysen*
grandinem, & terræmotum noctu excitasse; ut qui
terrae hiatus effugerent, grandine interirent: & qui vi-
tarent grandinem, terra hiatibus absorberentur. Neq;
 terræmotibus admixta grando, inter nostra sup-
 plicia defuit, dum apud nos toties lapidibus gran-
 dinauit. Grandini apud Aegyptios adiunctus est
 ignis. Quippe animaduertit Salomon tunc *ignem*
ardentem in grandine & pluuia coruscasse. Quod si-
 gnificauit etiam David, dum dixit. *Tradidit grandi-*
ni iamenta eorum, & possessionem eorum igni. Et alibi.
Posuit pluias eorum grandinem, siue ex hebræo, lapi-
dem concretum, ignem comburentem in terra ipsorum.
 Denuo hæc grassata calamitas in incendio Vesu-
 uiano.

Lippman. 5.
 vita S. Pan-
 lini.
 Ribadeneyra
 in flore San-
 ctorum par. 2.
 in vita S. I-
 gnatij.
 Iurvellin. in
 vita Xanery.

Euseb. l. o. de
 Prap. c. 4.

Sap. 16.

Psal. 77.

Psal. 104.

uiano. siquidem Deus tradidit grandini iumenta nostra, & possessiones nostras igni. Namque exanimata iumenta, dum lapidatum de cælo: ac non prædia modò, sed oppida etiam integra, vicique exusti. Illud præterea in Aegypto igne prodigiosum, quòd neque tenebras pelleret, neque pelleretur ab aquis. Etenim, ut perpendit Philo, *ignis splendor vincebatur à crassissimis tenebris*. Quod testatur Salomon ijs verbis, *Ignis nulla vis poterat illis lumen præbere*. Hoc in incendio Vesuviano instauratum vidimus, dum Mons flammæ, flammæ noctem, ac tenebras funderent. Quòd si tunc, ut animaduertit Sapiens, *in aqua supra virtutem, ignis exardebatur*: hoc planè idem nunc, geminato portento, contigit: dum & incendium inter aquas vigeret; & ignis imperio mare, flammæ vnda decederet. Quamobrem ad terrores ceteros terramotus quoque crebri accessere; ut nos etiam, quem admodum olim Aegyptios, *descendens sonitus perturbaret*. Quem porro terræ fragor non exterreat: dū modò frementi similis, modò mugienti repente intumescit, assurgit, prosilit, desidet; mox resultat spiritu reciprocante? Quid, dum fatiscunt parietes, crispant, concurrunt, vibrant, atq; aduerso motu quodammodo inter se arietant? Quid, dum solum huc illuc inclinatur, decumbit, nutat, vndatur, abscedit, iam iam aut imposita supernè tecta, laxatis compagibus, labefacturum; aut, quod non rarò contigit, diducendum in hiatus, ac pæne Inferos nostris aspectibus exhibiturum? Magna profectò sunt isthæc diuinæ iræ argumenta: quam tamen quotidie cumulat sceleribus prouocamus, Audiamus quid

Phil. l. i. de
vita Moysis.

Sap. 17.

Sap. 16.

Sap. 17.

quid in euentu perfimili dixerit sanctissimus vir
 Ephrem Syrus. qui terra, inquit, tremiscens sub no-
 stris pedibus commouetur, ut nobis metum incutiat: &
 ne sic quidem ob nostram duritiem formidamus. vr-
 bes integra absorptæ sunt; & loca ab ira Domini deso-
 lata: & neque sic trepidamus. Bella commota sunt, ut
 nos timentes, Deum pœnitentiam ageremus: & neque
 sic conuerti volumus. Hæc ille, qui sermone etiam
 peculiari de terramotu multis probat hunc, secluis
 naturalibus causis, sæpe à Deo ipso excitari siue
 ad cladem, siue ad terrorem. Id ethnici quoque
 cum animaduernerent, è terræmotibus calumniam
 Christianis cōstarunt: quorum culpa dicerent, ter-
 ram concuti à neglectis, & iratis Dijs. Ita de terræ-
 motu, qui sub Galieno contigit, testatur Orige-
 nes. eius causa sacra per totam urbem, totumq;
 Orbem terrarum ingētia celebrata, addit Capito-
 linus. Adeo insitum est vel imbutis falsa religione
 pectoribus, terra labante, ad cælum confugere.
 Quod si apud eosdem ethnicos, ut testis est Pli-
 nius, *parietes incendiorum deprecationibus conscribe-
 bantur*; mirum non est apud Christianos, ut refert
 è Cedreno Baronius, Iustiniano imperante, terræ-
 motibus dirissimis percussa Antiochia, dum publi-
 ca, priuataque ædificia iactarentur, ac passim assul-
 tantia tecta corruerent; oomorū fores ad sistendū,
 auertendumq; terræmotum, ita conscribi cœptas.
Christus nobiscum. state. vrbe exinde indemni: cum
tellus, quæ ad Christi vltoris imperiū desæuiebat,
ad eiusdem nomen, ac nutrū cōquiesceret. Enim-
 uero terræmotus non semel à Deo ipso immitti,
 è sacro codice compertum est. Terræmotu ad tu-

Ephrem Sy-
 rus l. 2. vita-
 rum SS. PP.
 presum. apud
 Lippom. to. 2.

Origen. con-
 tra Celsum.

Capitol. in
 Galieno. 1.

Plin. l. 2. c. 2

Baron. to. 7.

Paraphr.
 Chald. in lo-
 suo cap. 6.

Q

ba-

*Salian. 10.
mo 3. ann.
2904. nu. 67.*

*Plin. lib. 2.
cap. 48.*

Matth. 24.

barum sonitum summisso, muri Hierisuntini con-
ciderunt. Terræmotu præferēte miraculum, vt Sa-
lianus animaduertit, exercitus Philistinus ad inter-
necionem deletus. Terræmotus, Christo moriēte,
supra Naturæ leges exhibitus, duodecim, vt narrat
Plinius, vrbes in Asia proruūt. quanquam tunc
quoq; dissiuere Montes, abruptisque in immien-
sum hiatibus, quot voragines, tot ora tellus ape-
ruit sui conditoris interitum conquestura. Postre-
mò, vt fileam de ceteris, terræmotus extremum
Orbis terrarum præcurreret excidium. quod ipsemet
Christus præmonuit. *Erunt, inquit, terræmotus ma-
gni per loca.* siue Mundi iam consenescentis interi-
tum, vt solet in morbis accidere, agitatio, tremorq;
antecedat: siue eo motu incumbētia vndique
scelera tellus nitatur excutere, impar tanto poi-
deri moles. Denique, vt paucis cuncta conclu-
dam, terræmotibus his datæ tragœdiæ plauditur,
dandæ præluditur.

Ad Dei gloriam, ac Deiparae.



INDEX

I N D E X

Rerum memorabilium.

- A** Estes lapis Aquila, inde in adificatus, nobile igne de-
perdit. pag. 92.
Aetna montes horrendos ignes emittit. p. 32. Empe-
doctem hiata condidit. p. 64. Inferorum ostium a
multis existimatur. p. 49. claudendum extremo Mundi die.
Ibidem
Aetnei incendij, quomodo feruit, mentio apud August. p. 32.
Aetnei incendij causa. p. 84.
Agatha Delo Cusanensis, Aetnae ignes terrentes arguit. p. 36.
Alexandri proci sub Diana Ephesina incendium p. 92.
Altitudo nubis cinerea prima die inhalata. p. 73.
Angeli tutelares mira, erga clientem, providentia. p. 25.
Antonius Romanus, Rex Sanctissimus, dux eisdem ad ven-
senda loca poenarum. p. 34.
Aphrica cur terramotibus paucis subiacet. p. 103.
Aquarum inundatio una cum igne. p. 36. & deinceps.
Aqua Thalesi rerum principium. p. 89. Spontis praeferebat-
ur. *Ibid.*
Aqua ut ignis, cur exilibus interdillum. *Ibid.*
Aquarum inundationes, post terramotus. p. 88. 89. 103. 109.
Aqua puteales terramotus praeiungunt. p. 109.
Aqua ignis accenditur. p. 31. 32. 83. 84.
Arborum ex incendio miracula. p. 73.
Arenae pluvia. p. 12. 33. 81.
Arenae Vesuviana fertilitatem affert. p. 90.
Argentum pluvium inter cineres. p. 14. 86. Aurum *idem*.
p. 86.
Asphaltites lacus bitumen emittunt. p. 83.

Astrologi causas incendij ad siderum congressus referunt. p. 77.

Astrologi causas terramotus ad siderum congressus reuocant.

p. 97.

Astrologorum omina de js, qua euentura sunt post incendium.

p. 91.

Astrorum aspectus sub incendium Vesuvianum. Ibid.

Astrum, quo bella afflantur, amor dominandi. p. 92.

Aurum cur Natura in fodinis absconderit. p. 92.

B

Berosi antiquitatum liber suspecta fidei. p. 70.

Bitumen ardet inter aquas. p. 32.

Bituminē saxa eliquantur, molli a lapidescunt. p. 74. 87.

Bitansium cinis Vesuvians nube delatus. p. 10. 40. 64.

C

*Cardinalis Archiepiscopi in communi periculo singula-
ri pietas, & industria. p. 40. 41. 45.*

Ceraunia gemma enascitur ictu fulminis. p. 89.

Cestria mons flagrat in Media, Chimara in Lyria. p. 78.

Christi aduentus per terramotum significatus. p. 110.

Christi natali die templum Roma corruit. Ibid.

Christi antequam terramotus uiret. p. 113.

In Christi Passione cur terramotus. p. 114. Cur etiam in Resurrexione. p. 110.

Cinerea pluuia. p. 7. & deinceps.

Cinerei turbines. p. 29. & deinceps.

Cinere fecundari campos, qui autument. p. 90.

D

Dæmones visi dicuntur sub specie Aethiopum. p. 30.

Dædala uicti per montem. p. 53. equitatu etiam cursitant.

Ibid.

Deo vindice immittuntur incendia. p. 48.

Deo vindice terramotus existunt. p. 113.

Dei maiestas fumo & terramotu adumbrata. p. 109. 110.

Deus igneus apud Platonicos. p. 89.

Dodoneus fons facies accendit. p. 31.

E

Eucharistia aspectus nubem cineream fugat. p. 13.

Fili

F

- F**lly insignis in parentem pietas. p. 17.
 Flumina quomodo gignantur in montibus. p. 108.
 Fluminum oris post terramotus. p. 89. 109.
 Fons aqua & igni manans. p. 73.
 Fulmina quomodo creentur in nubibus. p. 80.

G

- G**allia terramotibus parum obnoxia. p. 105.
 Gehenna ostia montes igniuomi. p. 47.
 Gehenna supplicia cuidam intra Vesuvium ostensa. p. 54. &
 deinceps.
 Germania crebris terramotibus non subiacet. p. 105.
 Gigantes visi sub incendium. p. 53.
 Gigantum sedes, Vesuvius. p. 71. 97.
 Guaimarij, Salerni Principis, infelix mors. p. 51. 67.

H

- H**ecle & Helga flagrant in Islandia. p. 78. Apparent
 in Hecla mortuorum spiritus. p. 49.
 Herculani excidium. p. 20. & deinceps.
 Hispania terramotibus immunis. p. 105.

I

- I**nnuarius incendium extinxit toti Europæ formidandi-
 dum. p. 10. 40. 64. eiusdem sanguis sponte colliquefa-
 ctus sub incendium. p. 40. delatus ad aspectum montis nu-
 bem cineream fugat p. 41. eiusdem patrocinio Vrbs Nea-
 polis ab incendio indeminis. p. 39. 42. 43.
 Ignarij ad Deum conuersio terramotu nobilitata. p. 111.
 Ignis, rerum principium, sacer Persis, ac Lycejs. Præferebatur
 sponfis. Portendit imperia. p. 89. Belli præsagium. p. 91. Omen
 victoris. p. 92.
 Igne solus homo vititur. p. 89. igne mortales caperant conui-
 gere. Ibid.
 Igne Ceraunia gemma deferuntur. Ibid.
 Igne à Deo lata est lex. Ibid.
 Ignea natura Deus Platoni. Ibid.
 Ignes subterranei. p. 76. ignis ardens inter aquas. p. 31. 32.
 83. 84. pluvij in ardescensu suo vel ceno extinguatur. Ibid.
 Ignis

Ignis fugientes sequens. p. 28. in Naphtham transiliens. p. 83.

Ignis non praebebat lucem Aegyptijs. p. 112.

Ignis nihil deperdit. Actus. p. 92.

Incendij cum terramotu cognatio. p. 85. 103. 104.

Incendij Alexandro portendit imperium. p. 92.

Incendij auertendi causa parietes conscribebantur. p. 113.

S. Ioseph commendatum sibi puerulum, ex incendio admirabiliter eripit. p. 22.

Ioannis, Neapolitana Urbis Ducis, mors miserabilis. p. 51. 60.

Ignis orbis terrarum cur subiaceat. p. 105.

L *Apudum pluuia. p. 14. & deinceps.*

Lapis specularis pluuia. p. 86.

Lapidescentia ex bitumine. p. 74. 87.

Lapidescentia in flumine Silari. p. 74.

Linum in stagno Samosata ardens. p. 31.

M *Are sub incendium destituta historia. p. 303.*

S. Maria imago ab igne propugnaculum. p. 24. templa inter flammas indemnata. p. 23. 24. patrocinium Pompeianis salutem peperit. p. 23.

Martyrum sanguine Gehenna ignis sopiuntur. p. 42.

Montes perpetuo flagrantes. p. 78. ad. 104. 105. 106.

N *Apbika ignem trahit. p. 83.*

S. Nicolas liquor nubem cinerem disiecit. p. 12.

Neapolis, sans, ex, descriptio. p. 58. Cur, damni parum accipit a terramotibus. p. 106.

O *Lymus mons ardet in Aethiopia. p. 78. 9. 10.*

P *Andulphi, Capua Principis, miseranda mors. p. 50. 86. 68.*

Pisium pluuia. p. 86.

Plinij mors ex incendio. p. 64. 70.

Pompatorum aucidium. p. 21. 23.

Proregis in praesenti clade providentia, & religio. p. 45. 46.

S

Sonus Vesunij auditus Ultra Adriaticum. p. 15. & deince.
 Supplicationes per Urbem. p. 44.

T

Terramotus crebri sub initium incendij. p. 4. Unde ortum
 duxerint. p. 7. 85. cur postea instaurati. p. 105. & deince.
 Terramotuum causa. p. 7. 81. 8 9. 96. & deince. Signa. p. 110.
 & deince. effugia. p. 5. 6. 113. Qua loca his obnoxia. p. 106.
 Qua tempora. p. 101. 104.

Torrentis igneus è Vesunio. p. 18. ex Aetna. p. 36.

Tonitrus quomodo edantur è nubibus. p. 80.

V

Vacuum admirabili Aquarum astractione vitatum. p. 33.
 Vesunij nomen. p. 71. 72. situs. p. 56. & deince. Versas.
 p. 60. 75. amoenitas. p. 62. Vina. p. 60. 83. incendia ante
 Christum. p. 69. & deince. Incendia post Christum. p. 63. &
 deince. Incendij postremi cum ceteris collatio. p. 73. & deince.
 Incendiorum causa. p. 77. & deinceps.

Z

Zoroaster igne absumptus. p. 89.

F I N I S.

Errata.

Corrige.

Pagina 3. versu 16.	repetit.	reperit.
pag. 4. ver. 10.	sipatio.	sipario.
pag. 7. ver. 1.	perpetuz.	perpetua.
pag. 11. ver. 12.	Orbam.	Orbem.
pag. 18. ver. 14.	custobus.	custodibus.
pag. 19. ver. 10.	fugerent.	peterent.
pag. 23. ver. 18.	manserant.	manserant.
pag. 24. ver. 12.	intemiarat.	intenteret.
pag. 25. ver. 4.	xistis.	xyxis.
pag. 29. ver. 30.	minatabantur.	minitabantur.
pag. 40. ver. 10.	Ianuaris.	Iaquario.
pag. 46. ver. 16.	vastauerat.	vastauerat.
pag. 46. ver. 29.	egenti.	egeni.
pag. 58. ver. 9.	cincta, si fas.	cincta, & si fas.
pag. 64. ver. 7.	Basum.	Basum.
pag. 70. ver. 18.	quadrigesimo.	quadragesimo.
pag. 72. ver. 7.	Boethius.	Boetius.
pag. 74. ver. 10.	obdurauerant.	obduruerant.
pag. 74. ver. 22.	Silaci.	Silari.
pag. 74. ver. 20.	Niobem Gorgoneo.	Niobem velut Gorgoneo.
pag. 86. ver. 6.	ciuerum.	cinerum.
pag. 97. ver. 14.	continentur.	continenter.
pag. 100. ver. 9.	terram.	terra.





